



**Vom Nachtmal Christi : Bericht Adami Christiani an die Stend
der Augspurgischen Confession, rc. Jn welcher klar, einfalt
vn[d] one gezengk, angezeigt wirdt, was die partygen in disem
handel haltind, vnd was aber ein Christ halten so?lle. Darzu?
ist kommen Ein gar scho?ner Sendbrief D. Francisci Lamberti
von Auinion sa?ligen, geschriben, nach gehaltenem Gespra?ch
zu? Marpurg, im M.D. XXIX. jar.**

<https://hdl.handle.net/1874/422000>

5

Vom Nachtmal Christi.

Bericht Adami Christiani an die
Stend der Augspurgischen Confes-
sion/2c. In welcher klar / einfalt vñ one gezengt/
anzeigt wirdt / was die partygen in disem
handel haltind/vñ was aber ein
Christ halten solle.

Sarzü ist kommen

Ein gar schöner Sendbrieff D. Francisci Lam-
berti von Auinion sälligen/geschriben/nach gehaltenem Ge-
spräch zu Narpurg/ im M. D. XXIX. jar. Darinn er
erzelt wo mit er überwunden / daß er von seiner gefassten
meinung / der leyblichen gegenwärtigkeit vñnd messung
des leybs Christi im Nachtmal/abgestandē sye. Gar liebe-
lich vñd nutzlich denen zü läsen/die disen handel
one lesterung/gründtlich zü ver-
steen begirig sind.

Joan. VI.

Mein fleisch ist warlich ein speyß: vñd mein
blüt ist warlich ein tranck.

In diesem Büchlein
wird angezeigt.

Die ware eigenschafft des leybs Christi.

Die ware versiglung des leybs/ıc.

Die ware außgeende krafft des leybs.

Das ware einig essen des leybs Christi/ıc.

Die Sacramentliche weyse zu reden.

Der alt Catholisch glaub vom leyb Christi.

Allen die Chur vnd Fürsten/
samt anderen Oberherren der
Augsburgischen Confession.

Sonderlich in der Pfaltz / Saxon/
Hessen / Wirtemberg / vnd auch
in Gülüch / Cleue / Berge / zc.

Nachgebozne Gottliebende Für
sten / vñ andere Oberherren. In der leer
von dem natürlichen waren leyb Chris
sti / habend wir gewüßlich die heilige
gscriffte / vnd auch die alte Catholische Christens
heit / im grund an vnser seyten / wie euch in disem
Büchlein klärlich ist Bezeuget. Vnd zu dem stims
met die Augsburgische Confession vom Abents
mal auch wol mit vns / in allen jren Worten / wie
Joānes Alasco gnügsam hat erweisen. Desß gley
chen leert auch Philippus Melancthon / in Lö
cis Communibus / im grunde nicht anders vom
Abentmal dan wir. Vnd er hat freylich noch yetz
eben söliche meinung / als diß Büchlein begreyf
fet. Doch steen wir nicht auff Philippum / sonder
auff Gottes wort.

Anno
1556.
Melancthon

Wiewol aber disem allen gewüßlich also ist /
dennoch werdend wir von vilen vnbesünete Kir
chendieneren / die sich der Augsburgischen Con

An die Oberherren.

fession jmer rümed (mit grüwlichē schmaachwot
ten allenthalbē vnchristlich geschēdet. Sy verlesie
rend vns bey dem gemeinen vnwüßenden volck/
vnd beschwārend vnserē leer felschlich bey euch
Oberherren/mit vnrechter auflegung/auff das
sy vns damit von dem kirchendienst (vnder der
Augspurgischen Confession) abhaltind oder ver
treychind. Item das sy vnserē verjagte betrübte
mitbrüder vnd schwestern/auff euwēren euangē
gelischen herbergen allenthalbē stossen mögind.

Wir söltend (wie der allmächtig weyßt) gern
friden mit jnen haben / aber sy wöllend ymmer
feindlich über vns faren. Vñ möchtend vülleiche
lieber sehen/das wir arme verjagte Christen wis
der ins Papstthumb sielind / oder vō den Pāpstli
chen tyrannen erwürget würdind / dan das vns
erlaubet werde vnder euwēre gnādigen schirm
zūwonen. Mit welchē handel sy warlich (ich res
de allein von den schuldige) jren Christlosen geist
wol offenbarend.

Sarumb ist vnser aller hertzliches bitten / vñ
vnserē gecreüzigten heilands Jesu Christi wil
len/das jr Oberherren (durch söliche mittel/ als
am ende dīses Büchleins sind angezeigt) die Sa
cramentliche sach selbs verstendig ansehen / der
warheit Gottes vorstehen/ vnd sölichem bitteren
mütwillen vnserē yetzigen gegenteils/ Christlich
begeggen wöllind. Die beharrliche vnbilligkeit
(so vns von vilen jarē hār in dīser sach widfert)
nötiget vns/euwerē hilff in Christo anzertüssen.
Vnd

An die Oberherren.

3

Vnd dieweyl jr den Euangelischen name tragend/vnnd Gottes warheit in anderen articklen loblich handthabend/ so ist vnser hoffnung / daß jr vnser Bitten erhören / vnnd euch auch in diser sach Chrustenlich halten werding / wie jr ampts halben vor Gottes augen schuldig sind zethun. Ich hoff auch / daß die Gottsuchende verständige Leyen/ auß disem Büchlein bald versteeen mögind (wo sy es hertzlich bedencken wöllend) daß wir recht habend.

Der allmächtig Gott wölle vnser gegestreyter mit Besseren fridsamen sinnen begaben/ vnnd euch Oberherren in diser sach recht erleuchten/ vor allem übel behüten/ Bey langwirrigem gutem glückhafftem Regiment erhalten / vñ endlich in das ewig läben bringen/ vñ Christi Jesu willen/Amen. Datum zu

B. im Martio/Anno

1557.

Adamus Christianus.

J. A. G.

a ij

Zu dem Läser.

Schicklicher lieber Läser / wiewol der natürlich leyb Christi (mit dem wäsen) selb nicht vnder dem brot sey/te. Vnd doch sol mā das edle Abendmal in grosser achtung haben / vnd gar trāffentlich daruon predigen.

Die trostliche sacramentliche Verfigung des leybs vnd blüts in vnserem eigenthumb / sol man tieff bedenckē / vnd dem volck verständlich fürhalten.

Man solt auch den leütē das wunderbarlich geheimnuß / von der aufgeenden krafft des fleysches vnd blüts Christi wol erklären / wie in diesem Büchlein beschehen ist / vnd als der alte leerer Cyrillus gethon hat / in der außlegung des sechsten capitels Joannis.

Ein solches ässen des fleischs Christi / vnd trincken seines blüts / solt man den leütē verständlich eynbilden / vnd selbs anschauen / das die enderung des bösen / vnd die sterckung des gūten läbens warhafftig würtcket.

Dis ist auch zu wüssen / Ob der leyb Christi selbs schon im brot des ganzen Abendmals wäre / so wär dannoch der leyb nicht in den päpstlichen verkeerungē / vnd mißhandlungen des Abendmals / wie am ende dieses Büchleins etwas ist angezeigt.

Die ermanete päpstlichen soltend ire bekeerung zu dem bescribnen Euangelio nicht vnderlassen / vmb vnserer sacramentlichen spaltung willen / die der barmhertig Gott (wie ich hoff) bald wirt hinwegnehmen.

Die dem Luthero wider Zwinglium im Abendmal volgend / soltend billich keinen Abgott auß dem Luthero machen.

Die nachfolger Zwinglij soltend eben wol Lutherum in anderen articlen (da er recht hat) hoch achten / vnd seine Bücher in eeren halten.

Im Brauch der Postillen Lutheri / vnd seiner nachvolgern / sol

Sol man sich hüten vor irem irthumb im Abentmal / vnd sonderlich vor der nachuolgung ires vnbillichen schätens über Zwinglium / vnd über seinen anhang.

Es sind sunst seer nütze Bücher für die gmeine Lehen / vnd für die vngelernten Kirchendiener: item auch für die ioulen / die selbs nicht studieren wöllend / wår nun der gemäلت irthumb vnd mårwill darauff gelassen.

Bey den vnbüßfertigen sol man auch nicht leichtfertig predigen von der vngemäßen gnad Gottes / vnd von dem vndendlichen verdienst Christi.

Man sol allzeit die norwendige verlassung des bösen / vnd die anfangung oder übung des güten läbens wol darbey setzen.

Man sol auch wol verständlich darbey erklären / mit welcher meinung das güte läben müß sürgenõmen werden: namslich mit danckbarkeit für die sãligmachende wolthat Christi / vnd nicht mit verdienst meinung: dann Christus ist der einig verdiener vnfers ewigen heils.

Zur gegenwãrtigen versünung mit Gott / ist die gegenwãrtige anfangung vnd übung des danckbaren neuren läbens gewõßlich norwendig / mit einem fürsatz hinfort gehorsam zu bleyben / verstee / so vil mit gutem gewõssen måglich ist / durch die angeruffte bereite hilffe Gottes.

Alle vergangne mishandlung (nichts außgenommen) wirdt den gläubigen büßfertigen alle zeit vmb Christi willen gewõßlich vergeben. Die gnad Gottes vmb Christi willen / ist in diesem sal vil grösser dann alle menschliche übelthat. Diffs wirt vns allen mit dem wort Gottes verheissen / vnd mit den Sacramenten Gottes versiglet.

Die Lutherischen vnd Zwinglischen sind gleich gesinnet wider vil irthumb der Pãpstlichen / der Widerdõufferen / der Franckisten / &c. Vnd habend gmeilich güte einigkeit in allen sũrnemsten articlen des Catholischen waren glaubens.

Zu dem / habend sy auch einerley meinung von den sũrnemsten puncten im Abentmal / das ist:

Zu dem Leser.

- i. Von der Göttlichen verfigung.
- ii. Von der würcfung des fleisches Christi.
- iii. Von der annemmung durch den glauben.
- iiii. Von der verbindung zum gütten läben.
- v. Von der Göttlichen gegenwärtigkeit/ &c.

Derhalben solten sy an beiden seytten (vmb des streyts wilsen vom leyb) nicht vnderlassen / mit einanderen Nachmal zu halten/sonder (wie Euangelischen Brüdern gebürt) einanderen lieb haben / vmb des gemeinen Christi willen / einanderen beherbergen/in stetten vnd dörfieren wonen lassen/ vmb Gott mit einanderen bitten / vmb sältige einigkeit in der streytigen leer vom leyb Christi. Ein yeder köndte doch sein meinung wol eben starck mit freündlichen worten vnd sinnen beweisen.

Anno
1529. Si
he Sleis
hanum.

Diss ward Anno xxix. zu Marpurg in Hessen ein mal sürgenommen/ do Lutherus vnd Zwinglius in diser sacht disputierten/ aber es ist leider volgens nicht gehalten worden.

Den gemälten fridsamen wäg wandlen / war ymmer Christenlicher/ dann mit feyndlichen schmaachworten (in der predig) über die mitbrüder saren / vnd bey der Oberkeit anhalten/ das sy auß der herberge ins ellend vertriben werdind/ wie eiliche Lutherische Kirchendiener hin vnd hür in den landen vngöttlich handlend.

Wenn irer vil (durch vngelertheit/ oder des vnseyffes halben) nicht wüßend was sy frem volck sagen söllend: oder wenn sy in der predig mit dem zorn bewegt werdend / das sy der säre genommen materi vergäßend/ so müßend ire vnschuldige mitbrüder hür halten/ die sy verdampfte Schroermer/ Kottengeister/ vnd Sacramentshender nennend / nach der Postillen gewonheit/ sunst köndtend sy offtmals die stund mit worten nicht erfüllen. Diss hab ich offtmal selbs mit traurigkeit anhören müssen.

Hettend sy allein die gütten leerstuck auß den bücheren Lutheri so wol gelernet / als sy seine böse gewonheit in dem ewgerlichen schälten angenömen habend/ so wurde es freylich vil besser zügeen (an vilen orten) im glauben vnd läben.

Abw

Zu dem Läser.

5

Aber eben wie die irrthume/ vnd gebrechligkeiten der alten
Leerer/ von den Mäspriestern vnd anderen Papisten/ halstarr-
rig beschirmet werdend/ vnd das beste lest man sarē. Also wirt
auch nun der theure mann Gottes Lutherus von vilen äbelbes
dachten vnbillichen Kirchendieneren mißbraucher. Welchem
übel die ermanete Oberherren billich nicht lenger folgen/
sonder Christenlich bezeugen sötend.

Ich heite nicht gemeint/das die herren an etlichen ortē von
vnuerstendigen mütwilligen leüten sich ymmer vordind bevo-
gen lassen/ire arme versagte rechthabende mitbrüder / auß der
Euangelischen herberge zū vertreiben.

Ir lieben Oberherrē/ir. sehend doch in disem Büchlein zū/
wie etliche eurorer Kirchendiener / den rechten Catholischen
glauben vom leyb vnd Abentmal Christi / mit iren vnreinen
meülenen verleserend/ vnd vns eurore herbergē zūschliessend.
Gott gebe jnen bessere sinnen / vnd euch allen sein gnad / die
warheit zū erkennen / vnd sötlichen mütwillen nicht lenger zū
dulden/ Amen. Datum V. Aprilis/ Anno M. D. L. V. I.

Adamus Christianus.
J. A. G.

6 7

Die zeügnuß der alten Leerer in
diesem Büchlein angezogen/ mag man Latine fin
den in Decad. Bulling titul. De utraque nat. Christ.
De Sacrament. De Cœna. Item in Tract. Petri Mar
tyris de Cœna, &c. Diß sag ich denen zu Dienst/
welche die gantze Opera Patrum nicht habend.

Vom

Vom Nachtmal

Christi.

Adamus Christianus an die Sten
de der Augspurgischen Confession/sonderlich an
die Pfaltz/Saxen/Hessen/ vnd Wirtem
berg: item auch an Göllich.

Anno 1557.

Sutherus ist (on zweyfel) in vi-
len puncten ein traffenlicher man Got-
tes wider das Papstthumb gewesen/
durch welchen der allmächtig Gott
sein sach wundbarlich hat angefangen/
vñ durch sein schreybē vil hochgeleer-
te frome männer erweckt / die volgents
mit im treuwlich gearbeitet habend/ also/ dz vns
nun durch den dienst Lutheri/vñ seiner mithelf-
fern/die edle warheit Christi reichlich sey erkläret.

Ma lase
die Com-
mentaria
os Joā.
Eledas
ni.

Söliche wolthat Gottes sol mā wol betrach-
ten/ vñnd im für die aufweckung Lutheri hertz-
lich dancken / den Luther selb lieb haben / vñnd
seinen namē gern bey yederman in eeren halten/
vñnd seine Bücher gern läsen/ıc. Warlich die söli-
ches nicht thünd / sind vñdanckbar für die wol-
that Gottes. Vñ sy konnend mir in dem nicht ges-
fallen/ die sölichen theüren mann Gottes / vmb
seines Sacramentlichen irrthumbs willen / ver-
werffend: wie etliche vnbedachte leüt an vnserer
seyten thünd/ die sich billich weyßlicher bedenckē

Wolthat
Gottes.

Von dem Abendmal.

stehend/ ob schon mit sollichem irrthumb nicht wenig Schadens in der Christenheit sey angerichtet.

Wider
wusser.

Die irrenden Widertöuffer / Sebastianisten/ vñ Schwencckfeldische/ die den Luther hassend/ vnd allenthalben verachtend / werdend wol vernemen / daß sy Gott darmit erzürnet habend. Der Luther ist mir in vilen Dingen ein lieber vndermeister in Christo Jesu. Dis alles muß vnd wil ich gern von hertzen bekennen.

Der leyb
Christi.

Aber warlich in seiner meinung / von der gegenwertigkeit des natürlichen leybs Christi an allen orten/ vnd vnder dem brot des Abendmals/ hat der hochgeleerte theure man sich vergriffen/ vnd ist der yetzigen Christenheit/ mit diesem irrthumb/ nit wenig schädlich gewesen/ vnd es wirt villeicht der fünfftigen Christenheit schaden.

Schrifft

Lutherus hat in diser sache/ nicht allein von seinem öffentlichen widerteil / sondern auch von niemants etwas hören/ oder leeren wollen. Alle gute rechnung (aus der heiligē geschrifft/ vñ sonderlich auß etlichen articlen vnserer notwendigen Christenlichē glaubens gründlich gezogen) hat er in diser sache mit zu vil bewegten sinnen verworffen.

Väter.

Die klare zeügnuß auß dem Augustino/ vnd auß anderen Vätern (die im in diser sache / eben wie das schein dem wasser/ widerstreytend) hat er auch nicht grundlich ansehen wollen mit freütlichem hertzen / sonder er ist zornig hinüber gesprungen/ vnd hat dieweyl etliche figurliche sprüche auß dem Augustino auff sein sache gebogen/ wie

wie seine streytbücher klärlich Bezeugend.

Lutherus sagt/ daß der natürlich leyb Christi f.
 zü gleych an allen orten sey / ebē wie die Gottheit
 an allen ortē ist. Diß verneinēd aber die alten Lee
 rer außtrucklich/vñ sagēd/ Dß der leyb Christi nit
 zü gleych an allē ortē sey. Nā sehe Augustinū ad Augustino
nos/16.
 Dardanū Epist. 57. Itē super Ioā. Tract. 50. vñ wid
 Felic. Arri. cap. 9. 10. 11. Vñ de Agone Christi, cap.
 24. Biß an 27. Man sehe auch Vigiliū Episcopum
 Tridentiū wid Eutichen/vnd Fulgentium lib. 2. ad
 Thrasimundum. Item Theodoretū Dialogo 2. &c.

Es hat keiner vnd allē vātern (in dē erste DC. Merck.
 oder DCC. jarē) geschribē/ Dß der natürlich leyb
 Christi auff einer zeyt zü gleych an allen ortē seye.
 Man findt aber das gegenteil offt mal bey inen.

Auff dliche zeügnuß auß Augustino vñ an
 deren im fürgeworffen / gibt Lutherus kein anto
 wort/richt dieweyl die sach mit schältwortē auß.
 Man sehe seine bücher. Vnd eben deßgleychen
 thünd vil seiner jüngerer. Etliche vndersteen die
 gemalte zeügnuß zü glosieren/ aber es hat keine
 farbe. Sy verschemend sich selbs mer vñ mer mit
 sölicher weyß. Dañ die heilge gschrifft gibt auch
 klare zeügnuß/ Dß d lyb Christi nicht zü gleych an
 allē ortē sey/ Ioā. 11. Luc. 24. Act. 1. 16. Sehe vndē.

Lutherus schilt Zwinghū vñ seine mitgsellen h.
 auch deßhalbē / Dß sy das Sacramētlich Brot ein
 figur/ein gedēckzeichē/vñ ein sigel deß lybs Chri Die deß
trüg Sam
gli.
 sti achtend vñ nennend/vñ deütend die wort Chri
 sti also: Das ist mein leyb: das ist/ Diß Brot ist ein

Von dem Abentmal.

figur/ein warzeichen / ein gedencckzeichen/vnnd
ein sigel/oder ein versiglung meines leybs/1c.

Diß schälte ist ye vnbillich/ dieweyl söliche deit
tung einen güten grund in der gschriffi hat / vnd
dieweyl auch die altē Leerer die wort Christi ebē
also vorhin gedeütet habend. Dann sy heissend
das brot im Abentmal oftmal ein figur/ ein an-
bildung / vnd ein zeichen/ oder ein gedencckzeichē
des gecreützigeten leybs Christi/1c.

Man sehe doch Tertullianū lib. 4. wid Mar-
cionem/ item Augustinū lib. wider Adimantum
cap. 12. vnd über den iij. Psalmen/vnnd Epist. 23.
an Bonifacium: item Chrysostomum über 1. Co-
rinth. 10. Item Ambrosium lib. 4. de Sacramentis
cap. 5. An gemälten vnnd vil anderen orten wer-
dend die wort Christi (Das ist mein leyb / 1c.)
eben also außgelegt/wie vor gemält ist.

iiij.

Lutherus sagt auch offimal / das Zwinglius
vn̄ seine mitgsellen (die er Sacramentierer nen-
net) brot vnd weyn im Abentmal für blosse läre
zeichen haltind/vnd das sy sagind/dz vns im Ab-
entmal nichts anders dan brot vn̄ weyn zur blos-
sen gedechtnuß des todts Christi / gegeben wer-
de/1c. Mit disen Worten thut Lutherus inen vn-
recht. Dann sy bekennend ymer außtrucklich/dz
vns gläubigen mit dem brot der ware leyb Chi-
sti: vnd mit dem weyn/ das ware blüt Christi ges-
wüßlich gegeben werde/versteē in vnserē eigen-
thumb/vnnd zu vnserem ewigen nutz/ eben wie
vns ein hauß/ein acker / oder ein weynberg/ mit
einem

Merck lie-
ber läser.

einem versigleten Brieff in vnseren eigenthumb
gewüßlich wirt übergeben.

Eben wie nun die aufrechte versiglung der ^{versig-}lung
frommen menschen kein bloß lâr zeichen ist / son-
der sy ist ein krefftig nutzlich zeichen / wie yeder
man weißt. Also ist auch die versiglung Christi
ein krefftig nutzlich zeichen. Dann Christus wirt
freylich seine versiglung noch vil vester halten
Dann die menschen / dieweyl Gott noch vil war-
hafftiger vnd frömmter ist dann die menschen.

Wie aber die versiglete güter (als ein hauß / ^{versigte}te güter.
acker / oder weynberg) selbs nicht leyblich in dem
versiglete Brieff sind / sonder sy bleybend an irem
ort steen oder ligen. Also ist auch der leyb Christi
selb nicht in dem Brot des Abentmals / sonder ^{Merck.}
der leyb bleybt mit dem blüt im himmel / an sei-
nem ort / in der maiestat / nach der zeügnuß der
heiligen schrifft / Act. 1. vnnnd 3. Philip. 3. Colos. 3.
2c. Jedoch ist die krafft des leybs Christi ebē wol ^{Krafft.}
bey dem Brot / wie hernach gesagt wirt.

Das im himmel ist / vnd da bleybt / Das selbig
wirt vns gleych wol hie auff erden im Abentmal
übergeben / mit sölicher weyse / wie zu Straaß-
burg oder zu Edln / mit güter versiglüg ein hauß ^{hauß.}
mit warhafftig köndte gegeben werden / das zu
Lindorff / zu Brüssel / oder zu Hamburg steet / vñ
da bleibe. Wo söliche versiglüg gewonlich wäre.

Vñ eben wie mā von den versiglete irrdischen
gütern warhafftig mag sage / Das hauß / od der
acker ist mein : dan ich hab gute sigel vnnnd Brieff

Von dem Abentmal.

Dauon/vñ es hinderet mich nit an dē eigenthūm/
Dz soliche güter etwas weyt von mir sind geläggē.
Also mag ein yeder gldubiger Christ auch sagē/
Der leyb Christi ist mein/mein eigē güt/mir von
Christo geschencft/vñ mit dē Abēimal mir zū eis-
genthūm versiglet. Der leyb ist mir versiglet mit
dē Brot/vnd das blüt mit dem weyn. Es schadet
mir nichts / daß der leyb Christi nicht selb vnder
oder in das Brot komme/sonder bleybe im himel/
weyt von mir abgesünderet. Dāñ er ist eben wol
doch mein/vnnd ich kan doch eben wol die tägliche
nurtzung dauon haben. Die heilsame krafft
des leybs vñ blüts Christi reychet täglich auß dē
himel an mich auff erdē. Vnd da ich yetzt vñ hārs
nach reden von der läbmachenden krafft / die da
kumpt oder außgadt auß dē fleisch vñ blüt Chris-
ti/reden ich nit von dem fleisch vnd blüt/als nur
eins gemeinen oder blossen menschengesund als
vō dem/der wol ein recht fleisch/aber mit ewiger
Gottheit / dahār alles läben kumpt/vereinbaret
ist: wie dann auch der heilig Cyrillus. daruon
schreybt lib. 4. in Joā. cap. 24. vñ im 11. li. cap. 21.
Also den leyb Christi zū eigen haben/ ist die al-
ler grössert reychthūm. Dāñ es ist alle verdienste
Christi (durch den glauben) zū eigen haben/ wol
wüßend daß die vergangne sünd vns (vñ Chris-
ti willen) seye verziget/ daß wir frey seyen auß
der hellen/vñ erben des himels/wenn wir Chris-
to vertrauwend. Disen trost kan ein Christ täg-
lich in dem bedachten leyb vnd blüt Christi habē:
item

Der leyb
ist mein.

Den leyb
zū eigen
haben
was das
sey.

Von dem Abentmal.

Item auch zu aller zeýt in Befeeerung von groben sünden.

Die gemälte übergebung/verschreybung/vñ ^{Merk:} versiglung des leybs vnd blüts Christi in vnseren eigenthumb/ wirt vns allzeyt widerum von Christo selbs erneüweret vnd bestätigt / so offtmal als wir widerumb das Abentmal haltend/ auff das wir ymmer in disem verstande wol gegründet seyend. Vnd also dienet denn die empfangung des Abentmals zur sterckung des glaubens/ vnd des danckbaren neüwen läbens. ^{Sterckung des glaubens.}

Item dise versiglung Christi / steet vns auch allzeyt vest / wenn wir des empfangnen Abentmals im glauben gedencend. Vnd also kan vns die gedechtnuß des Abentmals täglich ein güte sterckung des glaubens seyn : vñnd auch zu der zeýt weñ wir kein Abentmal haben könnend. Darum sol mā mit sölicher gedechtnuß off vñngeen.

Den leyb Christi vnd das blüt Christi (vns zu eigenthumb übergeben/ vnd mit dem Abentmal vns versiglet) also tieff bedencken / daß wir des ewigen heils dardurch gewüß seyend/ fröude in dem hertzen fülen/ vñnd ein güte danckbare neigung zum neüwen läben überkommen/ &c. Diß heißt vnd ist den leyb od das fleisch Christi essen/ ^{Den leyb essen.} vnd sein blüt trincken. Item diß ist damit gespeset vnd getrencket seyn zum ewigen läbē im himmel/ vnd auch zum neüwen läbē hier auff erden/ eben nach disen worten Christi / ^{Joan. 6.} Weicher mein fleisch isset / vnd mein blüt trincket / der hat das

Von dem Abentmal.

ewig läben. Item / Er Bleybt in mir / vnnnd ich in jm.

Diß innerlich essen vnd trinckē mit der seelen/ wirt vns im Abentmal mit eüsserlichem Brot vñ weyn angebildet/vnnnd Befolen im Brauch zu haben/ täglich / vnd doch mit sonderlicher andacht/ wenn das Abentmal wirt empfangen.

Das
thünd zu
meiner
gedächtnis
nuß.

Diß heilsam essen vnd trincken wirt nicht Behinderet durch das abwäsen deß fleisches vnnnd Blüts Christi: wiewol der leyb Christi im himmel ist/ danneroch wirt er hie auff erden warhafftig von vns geessen mit den gläubigen gedanken/ also/ dz er sey ein ware speyse vnserer seelen.

Merck.

Deß leybs vnd Blüts speysende würckung/ wirt auch nicht Behinderet mit dem weyten abseyn. Die krafft kan wol auß dem leyb vnd blüt Christi täglich vom himmel hārab an vns gläubigen

Exempel
der Sonnen.

auffer erden reichen. Eben wie die Sonn selb im himmel Bleybt / vnnnd sendet dennoch auß irem leyb ire hitzende würckung täglich an vns auff erden. Siweyl diß warhafftig also zūgeet mit der Sonnen/ so kan freylich auch ein speysende läbendigmachende krafft auß dem leyb Christi von weytem zū vns vnd in vns kōmen: Siweyl Christus doch (on das) die rechte Sonne ist/ die vns

Sol iustitiam.

täglich zum ewigen läben erleuchtet/ vnnnd allhie zum neirwen läben erwermet.

Christus wonet in vns / nicht allein mit seinem geist/ sonder auch mit der krafft seines leybs vnd blüts/ durch würckung seines geistes. Diß Bekennend

Bekennend wir außtrucklich mit Cyrillo vnnnd Ireneo.

Wenn wir Brot essend/vnd weyn trinckend/so kumpt gewüßlich ein krafft auß dem Brot vnnnd auß dem weyn in vnseren leyb. Also auch wenn vnser seelen mit gläubigen gedancken den leyb Christi essend/vñ sein blüt trinckend (Das ist/tieff im glauben betrachend) den kumpt freylich ein sällige krafft auß dem leyb vnd blüt Christi (vom himmel hārab) in vnser seelen/ damit sy zū ewigen läben gespeysset / vnnnd auch hie zum neüwen läben wol geneiget werdind. Siß meinet Christus freylich/wenn er sagt / Mein fleisch ist warlich ein speyß: vñ mein blüt ist warlich ein tranck. Item das auß dem fleisch vnnnd blüt Christi das läben in vns kumpt.

Vide Cy
rillō lib.
10. super
Ioā. cap.
13. Iē L
renzum.
lib. 4. 5.

Joan. 6.

Durch die gemälte außgeende krafft werdend auch vnser leybe von dem leyb vnnnd blüt Christi angerüret vnd geheiliget zum neüwen läben / zū der aufersteegung / vnnnd zum ewigen läben. Wie Christus sagt / Ich wird den selbigen aufwecken am leisten tag der mein fleisch isset vñ mein blüt trinckt.

Joan. 6.

Dise würckung deß leybs vnnnd blüts Christi/in vnseren seelen / vnnnd auch in vnseren leyben / durch die außgeende heilsame krafft / meinet der alte leerer Cyrillus an allen orten / da er sagt / daß wir im Abentmal mit dem leyb vñ blüt Christi angerüret / geheiliget / vñ läbendig gemacht werdind. Item dz Christus nicht allein mit

Cyrrillus.

Vom dem Abentmal.

seinem geist/sonder auch mit seinem leyb in vns
würcke/vnnd vns läbendig mache/wenn wir das
Abentmal empfangen/2c. Cyrillus zürnet über
die/welche fragend/wie solliches möglich seye.

Eben diß
meinet
auch Ire
neus lib.
4. vnd 5.

Siehe Cyrillum lib. 4. über Joannem cap. 13.
von dem Essen/schmecken/vnnd anrühren. Item
lib. 10. cap. 13. de Participatione naturali: item lib.
11. cap. 21. item lib. 12. cap. 58. de Tactu/cap. 50. Si
he weyßlich auff den gemalten grund wenn du
Cyrillū liest. Er meint die gegenwürtigkeit deß
leybs nicht: Dann die selbige verneinet er lib. 6.
cap. 14. vnd lib. 9. cap. 21.

Merck.

Diß außgeende würckung deß fleisches vnd
vnd deß blüts Christi / ist allzeit zu gleych an alle
orten/in allen gläubigen. Aber der leyb Chris-
ti ist nicht selbs zu gleych an allen ortē: eben wie
auch die scheynende hitzende würckung der Son-
nen/über die gantze wält hinaußgeet / vnd denn
nocht bleybt die Sonn selbs im himmel an jrem
ort. Die menschheit Christi ist nicht zu gleych an

Mat. 18.
vnd 28.

allen orten: aber die Gottheit Christi ist zu gleych an
an allen orten/vnd würcket die außgeende sällige
krafft deß fleisches vnd blüts Christi/auff gemalte
te weyse/ daß wir allzeit vnd allenthalben damit
an seel vnd leyb geheiliget vñ gebesseret mögend
werdē. Jedoch begegnet vns diese krafft fürträff-
lich im Abentmal/ dieweyl es ein sigel deß leybs
vnd blüts Christi ist.

Merck.

Lieber Läser auß disem allen ist ymmer offen-
bar/daß man vns vnrecht thut/wenn vns ange-
dichtet

dichtet wirt/ daß wir Brot vnnnd Weyn für Blosseläre zeichen haltind: vñ dz wir kein wares ässen des fleisches vnnnd trincken des blüts Christi im Abentmal forderind. Man thüt vns vnrecht dar mit (sag ich.) Dann wir haltend das Abentmal für ein gar gewüßse übergebung / verschreybüß vnnnd versiglung des leybs vnd blüts Christi / in vnseren eigenthumb / item zur speyß vnd tranck der seelen/wie vor ist erkläret. Vnd wir fordernd ein soliches wares ässen vnnnd trincken / das wir mit der außgeenden säligen krafft seines fleisches vnd blüts zum ewigen läben warlich gespeysset/ getrencket vnd geheiliget werdend: vnd daß wir vns auch zum neüwen güten läben/ darmit wol geneiget vñ gestercket sülen mögē. Wir sagend/ daß die krafft des leybs vnnnd blüts Christi warlich in vns gläubigen komme vnd würcke.

Vnd wiewol soliches essen vnd trincken / nicht allein in dem brauch des Abentmals / sond auch täglich/ mit gläubigen gedancfē kan geschehen/ vnd sol billich in täglicher übung geen/ auff das auch die seel mit irer speyß vnd tranck/ nicht weniger dann vnser leyb/täglich versorget wäret. Dannoch sol es im brauch des Abentmals geschehē mit sonderlicher andacht / dieweyl wir also da die gemälte versiglung Gottes empfangen/ vñ dieweyl vns mit dem Abentmal soliches essen vnd trincken wirt angebildet/ vnnnd auch besolen täglich in übung zū haben. Itē dieweyl die außgeende krafft des fleisches vnd blüts Christi/vns

i.

q.

Diß
solt man
fürnem
men.

Merck.

Von dem Abentmal.

sonderlich im Abentmal begegnet.

Dise sach ist nun von vilen traffenlich erkläret/ ob schon im anfang des streyts zwüschend Luther vnd Zwinglio nicht alles vollkömlich sey angezeigt worden.

liij:

Lutherus schreybt auch / das sechste cap. Joannis rede nicht vom Abentmal. Es ist wol war dz Christus mit diser predig sein Abentmal nicht eyngesetzet habe: aber dannocht hat er mit diser predig eben dasselbig ässen vnd trincken/ vorhin verstandlich erkläret / das er volgens mit den Worten des Abentmals hat befolen / vnd das er mit den Elementen des Abentmals (das ist mit dem brot vnd weyn) hat angebildet. Dis kan ein Gottliebender mensch wol mercken.

Dis bes
Fennet
Augusti-
nus li. 3.
de Con-
sensu Es-
pange-
llitarum.

Vnd hie mitstümend gemeinlich die alten Leesrer/ Griechen vñ Latinen / welche das sechste capitel Joannis oft auff das Nachtmal deutend/ vnd erklärend die meinung Christi / im Nachtmal mit den Worten dises capitels. Man sehe Cyrillum/ Augustinum/ vnd andere/ die den Euan gelisten Joannem außgelegt habend.

Summa / die predig Christi bey dem Joanne am sechsten/ ist ein vorgeende gewüsse erklärüng des folgenden Abendmals/ auß welcher erklärüng die rechte meinung Christi im Abentmal leichtlich ist zu vernemen / weñ man nur weyßlich auff den grund sihet. Christus hat vorhin wol gesehen / das seine wort vom Abentmal / in fünfftigen zeyten/ vnrecht gedeütet soltend werden.

den. Darumb hat er diese erklärung durch Joannem auffschreybē lassen. Die eynsatzüg ist durch Mattheum/ Marcum / vnd Lucam beschriben. Die auslegung ist durch Joannem beschriben. Merck.
Das Abentmal ist ein anbildung vnd ein ver-
siglung der predig Christi/Joan. 6.

Welcher die meinung Christi im Nachtmal recht verstehen wil / der lerne die predig Joannis am sechsten wol verstehen / da Christus erstlich le- j.
ret/ das vns (verstee vns alten) notwendig sey/ sein fleisch zu essen/ vnd sein blüt zu trincken/ also/ daß wir sunst kein ewig läben habē könnend. k.
Zu dem leeret er klärlich daß solliches äffen vnd trincken/ nicht geschehe mit dem leyblichen munde / wie die Capernaiten meinetend / sonder mit Capernaitens
dem geistlichen munde der seelen: das ist / allein mit den gläubigen gedancken. Ober das leeret iiij.
er da / was nutz vns in sollichem äffen vnd trincken sey gelägen/ namlich/ deß ewigen läbens gewiß seyn/ vnd mit güte gewüssen in dem dienst Christi bleyben. Er leeret gar klärlich / daß er in vns wonet vnd wücket / nicht allein mit seinem geist/sonder auch mit der krafft seines leybs vnd Merck.
blüts.

Lutherus sagt auch / daß die vngläubigen v.
vnd vnbüßfertigen / den leyb Christi eben so gewüßlich im Abentmal äffind / als die gläubigen Böse Communican-
ten.
büßfertigen. Judas habe in so gewüßlich geäffen als die andere Apostel/2c. Solliches verneinend aber die altē Leerer klärlich/sagende/ dz der leyb

Von dem Abendmal.

Christi von keinen gottlosen geassen werde. Man
sehe Hieronymum über Esaiam cap. 63. Item
Augustinum lib. 21. von der Statt Gottes/ cap.
25. Item Eugenem über Matheum cap. 15.

Mat. 26.
Mar. 14.
Joan. 6.

Christus thut auch nur maldung von einerley
assen seines fleischs/ vnd trinckē seines blüts / vñ
gibt gnügsam zü verstecken / daß es noch nicht in
übung sey bey denen Cömunicanten/ die noch vn
gläubig sind / oder die noch müthwillig in wüß
sentlichen sünden bleybend. Dañ er sagt klarlich/
daß wir den deß ewigen läbens gewüß seyend:
item daß er denn in vns sey / vñnd daß wir in jm
seyend (versteck mit gutem gewüßen) wann wir
sein fleisch essend / vñnd sein blüt trinckend. Wær
mein fleisch isset (sagt er) vñnd mein blüt trinckt/

Joan. 6.

der hat das ewig läben. Item/ Er bleybt in mir/
vnd ich in jm/ 2c. Wo nū die gewüßheit deß ewi
gen heils noch nicht ist / vñnd wo das bleyben in
Christo noch nicht wirt angefangē / da wirt noch
das fleisch Christi nicht geessen / vñ sein blüt nicht
getruncken / ob man schon zum Nachtmal geet/
vnd die zeichen deß leybs vñnd blüts Christi mit
dem mund empfalet.

Mat. 26.

Mit dem essen deß fleisches/ vñ mit dem trins
cken deß blüts Christi kan sich niemants versün
digen/ oder verdammen. Dañ diß essen vnd trins
cken beschicht allzeyt allein in den seelē / mit gläu
bigen gedancken / vnd ist allzeyt heilsam: es wür
cket allzeyt die gewüßheit deß ewigen läbens/
vnd ein bleyben in Christo / wie vorgesagt ist / es
geschehe

Augus
tinus
Tract.
in Joā.
26.
Joan. 6.

Geschehe im Abentmal/oder zü anderen zeyten.
Den leyb Christi im Abentmal essen / ist nimmer
sünd: aber den leyb Christi im Abentmal nicht es-
sen/ das selbig ist ein sünd / wid den leyb Christi/
vnd wider des leybs zü vns außgeende krafft.

Paulus warnet vns nicht vor vnrechtem essen 1. Cor. 11.
des leybs Christi / noch vor vnrechtē trincken sei-
nes blüts in dē Abentmal: sonder er warnet vns
vor vnrechtem essen des brots/ vnd vor vnrechtē
trincken des weyns im Abentmal. Er sagt/ daß
wir denn wider den leyb / vnnnd wider das blüt
Christi groblich sündigind/ wenn wir vnrecht vñ
Sacramentlichen brot essind / vñ vom weyn trin-
ckind. Dise wort Pauli beweysend keine gegen-
würtigkeit des natürliche leybs vnder dem brot.

Er sagt/ Welcher vnwürdig isset von disem
brot/ vnd trincket von disem felch: das ist/ Wel-
cher den leyb Christi nicht isset / vñ sein blüt nicht
trincket/ mit gläubiger frölicher seelen / wenn er
brot vnd weyn im Abentmal/ mit leyblichē mun-
de empfabet/ &c. Der ist schuldig (sagt er) an dem
leyb vnnnd blüt des Herren/ das ist/ Er hat son-
derlich gesündiget wider den leyb/ vñ wider das
blüt Christi/ wiewol beides im himmel ist / vnnnd
nicht selb leyblich im Abentmal gegewürtig / wie
die schrifft gnügsam anzeigt.

Er sündiget wider die gemälte außgeende sä-
lige krafft des leybs vñ blüts Christi/ die vns im
brauch des Abentmals / auß dem himmel/ für-
träffenlich begegnet / in meinung daß wir sy da

Von dem Abentmal.

Sonderlich mit dem geheiligeten Brot vnd weyn (in rechtem büßfertigen glaubē) söllend annemen/ vnnnd in vns würcken lassen/ ein sterckung des glaubens / vnnnd des notwendigen notwendigen läbē. Dañ wiewol dise krafft auch sunst alle tag auß dem himmel an vns auff erden reichet / yes doch ist sy fürträfflich (mit sonderlicher würckung) bey dem Brot / vnd bey dem weyn im Abentmal / dieweyl sy vns mit disen elementē wirt angebildet / vnd warhafftig versiglet / ja dieweyl der ganze Christus vns allda zū eigen wirt versiglet.

Merck.

Der den angebotnen versigleten leyb Christi im Abentmal nicht annimpt zū eigen / vnnnd zur speyß der seelen. Der in allda nicht isset / vnd das blüt nicht trincket / welches allein beschicht mit dem mund der seelen. Item der allda die gemälte gegenwirtige läbendigmachende krafft (die auß dem leyb vnd blüt Christi vom himmel hā ab steygt) nicht in sich wil lassen kommen. Der solches alles (sag ich) nicht thüt / sonder bleybt in bösem gewüssen / vnnnd in vnglauben / vnnnd stelt sich dennoch mit der empfahung des Abentmals / eufferlich eben also / ob ers im hertzen alles wol mache / nach dem willen Christi. Der selbig spottet des Herren Christi / seines angebotnen leybs / der außgeenden krafft / item seiner ordnung vnd versiglung : welches freylich ein verdämlliche übelthaat ist / wenn es über gute ermanung beschicht.

Erst

Er ist schuldig an dem leyb vnd blüt des Her ^{Merc}
 ren: das ist/ er hat sich mit dem versündigtet/ daß ^{lieber}
 er im Abentmal den leyb vnnnd das blüt Christi ^{ser,}
 nicht hat angenömen/ verstee zü eigen/ zur speyß
 vnd zum tranck der seel/ Itē dz er die außgeende
 heilsame krafft des leybs vnd blüts Christi/ mit
 dem Brot vñ weyn nicht hat eyngenömen in rech-
 tem glaubē/ vnd sich damit nicht hat sterckē vnd
 heiligē lassen zum ewigen läbē. Diß ist den leyb
 des Herrē nicht vndercheiden. Sumā/ er ist das
 rumb schuldig/ daß er im Abentmal nur Brot vñ
 weyn mit dem leyblichen munde empfahet / vnd
 hebt nicht an den leyb Christi zü ässen/ vnnnd sein
 blüt zü trincken mit der seele / nach des Sacra-
 mentlichen Brots vnd weyns anbildung.

Reus est corporis & sanguinis, id est, non man-
 ducati, & non bibiti: item non accepti in possessio-
 nem, in cibum & potum animæ: item reus est non
 usurparæ uirtutis uiuificæ, è corpore Christi exeun-
 tis ad nos, &c.

Lutherus vñ vil seiner nachuolgeren sagend/ ^{vj.}
 dz der leyb Christi täglich eben so wol auff erden
 sey als im himel. Hiergegen sagend aber die al- ^{Der leyb}
 ten Leerer/ daß der natürlich leyb Christi im him ^{selb.}
 mel sey / vnnnd nicht auff erden. Die zeügnuß
 auß dem Augustino / Cyrillo / Vigilio / Fulgen-
 tio / &c. findt man hernach bey einanderen. Item
 die heilige schrifft weyset vns auch den leyb Chris-
 sti (nū nach der himelfart) nur im himel/ Act. 1.
 vnnnd 2. Philip. 3. Colossen. 2. &c. Verstehe / daß

Von dem Abendmal.

Der leyb da sey vnd wone mit seinem natürlichen wäßen: aber mit seinen verdiensten / vñ mit seiner außgeenden krafft reichet er ebē wol täglich auß dem himmel über die gantz wält / an alle gläubigen auff erden / oder auff dem wasser / &c.

Sie außlegung der worten.

vñ. Lutherus sagt offtmal / daß man die worte Christi (Das ist mein leyb / Das ist mein blüt) eigentlich nach dem blossen büchstaben versteeen muß / on alle figur / vnd berümet sich deß / wie er in seiner außlegung keine figur brauche / vnd vil seiner jungern thünd noch eben deßgleychen. Aber die wort gebend selbs gnügsame zeügnuß / daß es gar notwendig sey / sy figurlich zu deütere. Vnd Lutherus hat sy ymmer auch figurlich ges deütert: wiewol er anders rümet. Dann seine deü tung lautet also: Diß brot ist mein leyb / das ist / In oder vnder disem brot ist mein natürlicher leyb. Diser weyn ist mein blüt / das ist / In oder vnder disem weyn ist mein natürlich blüt.

Auflesung Lutheri.

Figürliche rede.

Mit diser deüitung ist ymmer Lutherus selb vom blossen büchstaben hinab gewichen / auff eine figur (das ist / auff ein verwendete sonderliche weyß zu reden) die Synecdoche wirt geheissen. Vnd er bekennet gnüg mit dem / daß Christus das Sacramentliche brot per Synecdochen seinen leyb nennet / das ist / mit sölicher weyße zu reden / wie man etwan ein geschirr / oder ein kante weyn

weyn nennet / darumb daß weyn darinn ist / sag-
 gende / Die kante ist weyn: vnnnd ist doch nicht die Ersch.
 meinung / daß die kant selb weyn sey / sonder daß
 weyn in der kanten sey. Item wie man einen se-
 ckel gold oder silber nennet / darumb daß gold
 oder silber darinn ist. Itē wie man auch ein sheit-
 rig eysen / sheitir nennet / darumb daß sheitir in dem
 wäsen deß eysens ist. Eben also nennet Christus
 (wie Lutherus meint) das brot seinen leyb / das
 rumb daß der leyb / in oder vnder de brot sey / &c.

Sieweyl dem also ist / so sagt ymmer Luther
 nicht mit warheit / dz er in seiner auslegung gar
 bey de blossen büchstabē eigentlich bleybe. Maek.
 Dañ wo er bey dem blossen büchstabē eigentlich wär
 gebliben / on alle auslegüg durch figuren / so het- i.
 te er eintweders in die Päßliche erlogne trans-
 substantiation verwilligen müssen / namlich / daß
 im Abentmal deß brots vn̄ weyns natürlich wä-
 sen / durch die consecration hinweg genommen / vn̄
 gar vernichtiget wirdt / also / daß volgents nichts
 vom wäsen überbleyb / ob schon die accidentia
 bleybēd. 4.
 Oder er hette noch ergers müssen zulas-
 sen / namlich / daß ein natürlich brot der leyb Chri-
 sti sey / vnd dz ein natürlich brot auch für vns sey
 gecreütziget / auferstanden / gen himel gefarē / &c.

Diß wurde ye auß dem blossen büchstabē vol- Büch-
stab.
 gen. Dañ er sagt außdrucklich also von dem brot /
 Das ist mein leib: vnd vom weyn / Das ist mein
 blüt. Ja es wurd auch darauß volgen / daß der
 selb (er sey gold / silber / od andere materia) iiij.

Von dem Abentmal.

Mat. 26. Das blüt Christi wäre. Dañ der büchstab lautet
Mar. 14. ymer vom kelch also / Das ist mein blüt / :c. Man
seyhe doch Mattheu vnd Marcū. Item es wurd
weyter auch darauß volgen / daß der genant ma-
11ij. terial kelch selb das neüwe Testament wäre: vnd
das gold / silber / oder andere materia / der selbig
pundt wäre / den Gott mit vns hat gemacht.
Luc. 24. Dañ der büchstab lautet bey dem Luca vñ Paus
2. Cor. 11. lo außstrucklich also vñ dem kelch / Diser kelch ist
das neüwe Testament. Item dises irrigen vol-
gens ist noch mer / deß ich hie geschweyg.

Sehe doch zü lieber Läser / wie vil grobe ir-
thum auß dem blossen büchstaben volgen wur-
den / vnd wie Lutherus selb damit sey genötiget
zü seiner gemalten figur (Synecdoche) zü stichē /
Die deut-
tung Luc
1heri. das ist / die wort Christi (Das ist mein leyb) also
zü deüten / In dem brot ist mein leyb. Vnd mer-
ckend doch weyßlich / daß Lutherus sich vnwar-
hafftig gerümet habe / Er bleybe allein bey dem
blossen büchstaben: diuweyl es doch offenbar ist /
daß er mit seiner außlegung (in dem brot / bey /
oder vnder dem brot) von disem blossen büchsta-
ben (Das ist mein leyb) sey abgewichen. Dann
dise worte / Das ist mein leyb / machend ymmer
mit jrem blossen büchstaben einen anderen sinn /
Dann dise außlegung Lutheri / die also lautet /
In dem brot / oder vnder dem brot ist mein leyb.

Es sind aber noch etliche Schreyber / vñnd
Ges-
schworen.
sunst vil Kirchendiener (die ymmer in allen stuc-
cken geschworne diener Lutheri seyn wöllend)
so vns

so vnbesunnen/ vnd etwan so halßstarrig/ daß sy in diser sach dem Luthero vnd jnen selbs noch al lenthalben zügebend / daß sy eigentlich bleybind allein bey dem blossen büchstaben / on alle figürliche außlegung/welches doch nicht war ist.

Die heilige schrifft sagt klarlich/ das Brot bleybe eben wol Brot nach der heiligung: Das ist/ wenn schon die wort Christi darüber gesprochen sind. Vnnd der weyn bleybe auch nach der heiligung / ein natürlich gewächß deß weyns stocks. Diß hat Lutherum recht bewegt/ die vermeinte Transsubstantiation zü verwerffen: Das ist / den irrthumb / von der verenderung vnnnd vernichtung deß Brots/zü straaßen. Dann die Pöpste sampt irem anhang dichtend das im Abentmal deß Brots vnnnd weyns natürlich wäßen durch die Consecration / gar hinweg genommen / vnnnd vernichtet werde / also / daß volgents nur läre accidentia da seyend: Das ist / Sy sagend daß die größe / die farb / vnnnd der geschmack deß Brots vnnnd weyns / da bleybind on wäßen. Dañ das wäßen solliches Brots vñ weyns (sagend sy) sey durch die Consecration gar vernichtet.

Sarumb deütend sy die worte Christi also/ Das ist mein leyb: Das ist / Diß Brot wirdt nur vernichtet / vnnnd mein natürl. cher leyb kumpt nur in die statt dises Brots / vnder seine farb/ größe/ vñ geschmack. Vnd eben deßgleychē deütend sy auch disen spruch/ Das ist mein Blüt, Diß

1. Co. 10. vnd 11.

Mat. 26. Mat. 24.

Die papste.

Auflesung der P. 11te.

Von dem Abentmal.

Palli. 4. heissend sy dann des Brots vñ weyns Transsub
Sentent. stantiation. Vnd weñ man sy fragt / wo das Brot
Distinct. vnd der weyn also wirt vernichtiget / in welchem
 8. 9. 10. fundament bleybt dann die farbe / die grössse / vnd
 11. der geschmack hangen? Dife accidentia müßend
 ymmer ein fundament haben.

Auff dife frage gebend etliche vnder inen dife
 antwort / daß dife accidentia in der lufft hange:
 vnd etliche sagend / daß sy an dem leyb vñnd an
 dem blüt Christi hangind. Suma / sy liegend wi:
 der die heilige schrifft / wie vor gemält ist / vnd wi:
 der die alten Doctores / ja auch wider die alten
 Römische Bischoff / vnd wider die erfahrung des
 sehens / des greyffens vnd schmöckens. Sy ha:
 bend ire blindtheit mit difem groblich geoffenba:
 ret / vnd dennocht grosse abgötterey damit auf:
 gerichtet.

**päpsti
 che irr
 thumb.**

i.

Die Päpstlichen habed im Nachtmal dife vol:
 gende irrthumb / wie die erfahrung noch anzeigt.
 Daß der natürlich leyb Christi / allda vnder
 oder in der gstalt des Brots gegenwürtig sey / vñ
 sein blüt vnder der gstalt des weyns.

ii.

Item daß des Brots vñnd weyns natürliche
 wäsen vernichtiget werde durch die zukunfft
 des leybs vnd blüts.

iii.

Item daß man ein Maß auß dem Abentmal
 sol machen / vnd opfferen den leyb vñnd das blüt
 Christi täglich auff den Altaren für die läbendis:
 gen vnd für die todten.

iiii.

Item daß man Abentmal on gesägneten Felsch
 halten

halten möge. Ja daß man den Leyen kein gesäg-
neten weyn sol mitteilen / sonder allein das Brot
müß man jnen geben.

Item dz man die wort des Abentmals müß v.
bedecken vor den Leyen / mit dem Latin / vnd mit
heimlichem läsen / auff das die communicanten
ymmer die consecration nicht verstecind.

Item daß man es Brot sol auffschliessen / müß vj.
sig steen lassen / es vmbtragen / vereeren / Gott
heissen / anbätten / &c.

Vnder disen nur erzelten Päßlichen irrthum Merck.
men (die noch in allen landen gwaltig läbend / da
der Papst noch mit seiner Maß regniert) hat Lu
therus nur einen behalten / alle andere hat er lob
lich verlassen / vnd wol verstendilich darwider ge
schriben / dafür man Gott hochlich sol dancken.
Er ist aber gebliben in der Päßlichen meinung Lutherus
von der gegenwirtigkeit des natürlichen leybs
Christi im Abentmal. Vnd disen irrthumb hat er
leben wie ein zorniger großmächtiger Kriegs Zorns
man) gar häßtig beschirmet / mit vnbillicher ver
achtung / vnd verdammung seines rechthaben
den widreils. Durch welche ergerende spaltung
der lauff des Euangeltij an vilen orten seer ist be
hinderet worden / wie die erfahrung noch täglich
bezeugt / vnd bringt allen verstendigen Gottlies
benden hertzen ein grosse traurigkeit weñ sy das
ran gedenckend.

Spricht yemants / Warumb ist danñ diese auß Merck.
legung Lutheri nicht recht / weñ er sagt / Der nas

Von dem Abendmal.

Der erst
grund.

türlich leyb Christi ist allenthalben im Abentmal / in oder vnder dem Brod? Antwort: Erstlich Darumb ist sy nicht recht / daß der natürlich leyb Christi / mit diser leer / durch alle orte wirt außgestreckt / dieweyl mā wol zu gleych / auff einer zeyt / an hunderttausend weyt verschiednen orten / Abendmal Föndt halten. Es ist eben so vil im grunde gesagt / als / Der natürlich leyb Christi ist zu gleych an allen orten gegenwürtig / wie die Gottheit / so weyt außgebreitet / als die Gottheit. Welche meinung auch Lutherus (nebens der vorigen) Bey yederman hat aufrichten vnd erhalten wöllen: wie seine scheltbücher wider Zwinglium / Ecolampadium / vñ andere Gottliebenden (die er Sacramentierer nennet) an vielen orten Bezeitigend.

Merck.

i. Soliche leer Lutheri / von der gegenwürtigkeit des leybs Christi an allen orte / ist erstlich wider vil klare zeugnissen der heiligen schrift / die hernach angezeigt werdend. Sehe vnden.

ii.

Zum zweyten / ist sy sonderlich wider den träflichen Artickel vsers Christenlichen Glaubens / von der waren menschlichen natur in Christo Jesu / die allzeyt in jm vnzerbrochen bleybt. Er bleybt nach der himmelfart im himmel eben so wol ein warer mensch / als er vor dem leyden auff erden ist gewesen. Die rechnüg seines leybs an allen orten / ist im grunde ein verneinung seines waren natürlichen leybs.

iii.

Zum dritten / ist soliche leer Lutheri offenbarlich

lich wider die alten Catholischen Leerer der Christi-
 stheit / welche die gegenwürtigkeit des leybs
 Christi zu gleych an allen orten offtmal in jren bü-
 chern verneint/vñ nimmer verjähret habend. *Sehe vn*
 die zeügnussen/ die hernach angezeigt werdend. *den les*
ber Läser

Zum vierdte/ köndt soliche leer bald ein vrsach
 seyn viler gferlichen irrtümern von dem empfeng-
 nuß/ geburt/ vom leyden/ aufersteeung/ vñ him-
 melfart Christi/ıc. Wie auch hernach etwas sol
 gesagt werden.

Summa/wen er wifen ist/ daß der leyb Chris-
 sti nicht an allen orten sey / so ist freylich auch er-
 wifen / das der selbig leyb nicht allenthalben im
 Abentmal sey. Dann eins volget auß dem ande-
 ren. Ist das ein kein ordnung Gottes/ so ist auch
 das ander kein ordnung Gottes. Siß hat Lu-
 therus wol gemerckt / vñnd hat deßhalben auch
 gelectret / daß der leyb Christi an allen orten ge-
 genwürtig sey wie die Gottheit/ auff das er mit
 solichem grund wider Zwinglium möcht erhal-
 ten/ daß der leyb auch im Abentmal vnder dem
 brot wäre. Vñnd mit diser leer ist er geraaten in
 das übel / da vns Augustinus für warnet / der
 vns sagt/ daß wir deß geklarificierten Christi al-
 so gedencken söllind/ vñnd also von jm sprechen/
 dz wir doch die warheit seines leybs nicht vernei-
 nind. Welche verneinung auch warlich den Bes-
 schicht/wen man seinen leyb an allen ortē gegen-
 würtig rechnet.

*Sehe vn
den les
ber Läser
iiij.*

*Ad Das
dan. cap
57.*

*Der
3ro cpe
grund*

Die heilige schrift Bezüget vns auch gnügsam/

Von dem Abentmal.

Daß Christus mit seiner menschliche natur/ nicht in diser wält auff erden sey / sonder im himmel. Auß diesem ist abermal gnügsam zu verstecken / Ds sein natürlicher leyb nicht im Abentmal vnder de Brot sey / dieweyl das Abentmal in diser wält/ vnd nicht im himmel/ wirdt gehalten. Die zeüge auß der schrift steet hernach an irem ort.

Der dritt grund.

Über das gibt vns Christus selb gnügsam zu verstecken/ daß wir sein fleisch nicht ässen werdend mit dem leyblichen munde / sonder mit dem geyst: Das ist/ mit der seele. Dañ er hat den Capernaiten/ vnd auch seinen jungern (welche meintend/ daß er leerete / man müste sein fleisch mit leyblichem munde essen.) also geantwortet: Der geist machet läbendig / Das fleisch ist kein nutz. Die worte die ich spreche / sind geist vnd läben.

Das fleisch ist kein nutz. Joan. 6.

Merck.

Diß ist eben so vil/ ob er also hette gesprochen/ Lieben zühörer/ mein fleisch wirt nicht in euwern fleischlichen mund kommen / weder sichtbarlich noch unsichtbarlich/ weder geschmecket noch vn geschmecket. Dañ solliches essen wurde euch keinen nutz bringen: sonder es sol mit euwerẽ geist geessen werden: Das ist/ Es sol mit euwerẽ büßfertigen gläubigen seelen also Betrachtet werde/ daß sy die gewüßheit deß ewigẽ läbens täglich darauß schöpfen / vnd auch ein freystige dankbare neigung zum güten läbẽ täglich darauß fülen. O lieber Läser diß sol man wol betrachten vnd üben.

Diß sol man für nemen.

Das fleisch ist kein nutz: Das ist/ Das fleischliche essen

we essen meines fleisches (versteet mit leyblichem munde) wurde euch keinen nutz bringē / vñ wirt nicht geschehen. Der geist machet läbendig: das ist / Das geistlich essen mit gläubigen seelen / machet euch läbendig: das ist / Es machet euch erstlich deß ewigen läbens gewüß / vnd fortan mit danckbarkeit geneigt zum neüwen güten läben / wie die würckliche erfahrung euch wirt leeren.

Die worte die ich reden (sagt er) sind geist vñ läben: das ist / Ich reden nicht von einē essen meines fleisches mit leyblichem munde / das nicht geschicht / vnd da kein nutz von kōmen wurde: sonder ich reden von dem essen meines fleisches mit dem geist (das ist / mit der seele) das euch läbendig machet. Mein fleisch wirdt nicht anders geessen dan mit dem geist / &c.

Diß ist eigentlich die meinung Christi in diesen sprüchen / wie auß seinen vorgehenden worten gnügsam kan verstanden werden. Vnd also sehet man / daß Christus vorhin klärlich (mit der predig / die Joannes am sechsten beschreybt) angezeigt habe / was er volgents mit dem Abentmal meinen / an bilden / versiglen / vnd befelen wurde / namlich nicht anders dan ein geistlich läbendig machend essen vnd trinckē / mit den gläubigē seelen / vnd kein leyblich essen seines fleisches / noch trincken seines blütes / mit dem mund deß leybs.

Was Joannis am sechsten wirt geprediget / von dem essen vnd trincken / das selbig wirdt vns mit dem Abentmal angebildet / versiglet / vnd be-

Vom dem Abentmal.

Sehe Au
gustinū
Tract.
26 super
Ioan.

folen/ in übung zü haben. Brot vñ weyn Des Abentmals sind eüsserliche sigel Christi / Damit er das einig geistlich läbendigmachend essen vñd trincken tieff in vnser gedächtnuß wil bilden/ in übung bringen vñd halten. Auff das wir täglich (durch ware gedächtnuß seines leydens) Des läbens gewuß seyend/ vñ mit danckbarkeit für seine wolthat/ in newem läben wandlind/ mit guttem gewißen.

Der
wert.

Der leyb Christi wirdt allein geäßsen mit dem munde der in schmecket. Vnser leyblicher mund schmecket in nicht: Darum wirt er auch nicht mit vnserem leyblichen mund geäßsen. Wie er allein mit dem mund der seelen wirt geschmecket: also wirt er auch allein mit dem müd d' seelē geäßsen.

Der
sünff.

Die keinen gerechtmachenden glaubē habend/ die äßsend den leyb Christi nicht / Dann er wirt allein mit dem glauben geäßsen: welche den mittler Christi noch nicht erkennend / vñ wüssend in bey dem himelischen vatter noch nit zü brauchen. Sie die noch wüssentlich in bösen wercken bleybend/ vñ keine besserung fürnemend/ die selbigen habend keinen gerechtmachenden glaubē. Darum essend söliche cōmunicantē den leyb Christi nicht/ vñ trinckend sein blüt nicht/ &c. Sehe Augustinū super Ioan. tract. 26. Item lib. 21. de ciuit. Dei. ca. 25.

Summa/ auß bißhär gemälten gründe / ist klarlich zü mercken/ daß die rechnung Lutheri nicht besteen möge/ vñd dz die Sacramentliche worte (Das ist mein leyb/ Das ist mein blüt) ein ande
ausle

auflegung haben müßend / vñ namlich die selbe die hernach volgt. Ich bitt vnd ermanen dich in Christo / mein lieber Läser / dz du dise Sacramentliche sach grundtlich ansehē / die warheit selb annehmen / vñ bey anderen leüten (nach vermügen) fürderen wöllest / zum lob Gottes vnd zum friden der Christenheit.

**Die ware auflegung Zwinglij/
vnd seines anhangs in diser sach.**

Das ist mein leyb / ist so vil gesagt / als / *Diß Brot. Eigel.*
Brot ist ein warzeichen vnd ein sigel meines leybs / mit welchē mein gecreützigter leyb in euwerē eigenthūm warhafftig wirt versiglet / vnd sichtbarlich angezeigt / daß mein leyb gewüßlich euwer eigen güt sey.

Das ist mein blüt / ist so vil gsagt / als / *Diser weyn. Wegn.*
Diser weyn ist ein warzeichē vñ ein sigel meines blüts / mit welchē mein vergossen blüt / in euwerem eigenthumb warhafftig wirt versiglet. Es ist euwer eigen güt / sind nur büßfertig / vnd glaubēd sliches / *rc.*

Nebend disem / *Das Christus das Brot im Abentmal seinen leyb nehet / rc.* mit dem hat er auch zu gleych dise meinūg / daß es Brot ein ermanēde figur / od ein anbildūg seines leybs sey / vñ dz der weyn ein figur seines blüts sey. *Das Brot ist mein leyb / ist auch so vil / als / Das Brot ist ein figur meines leybs / rc.* *Dise auflegūg ist auch güt / vñ de sū Christi wol gemāß: dan Christus wil ymer* *Figur. Tertull. Ecolap.*

Von dem Abentmal.

Merk d
sen grū
auf dem
6. cap.
Joan.

mit dem Brot auch figurieren oder an bilden (das ist bedeyten) daß sein gecreützigter leyb/das Bes
ste/ ja das einige notwendige Brot (das ist spey
se) der seelen sey. Vnd mit dem weyn wil er des
gleychen an bilden/das sein vergossen blut/der ei
nig vnd der notwendig weyn (das ist tranck) der
seelen sey/eben wie er Joannis am 6. klärlich lee
ret. Diß ist der grund.

Merk.

Durch das eüsserliche befolne essen vnd trin
cken im Abentmal wirt vns ein solche tieffe be
trachtung des gecreützigten leybs / vnd des ver
gossen bluts Christi/angebildet vnd befolen/daß
der leyb vnd blut Christi/ also mit der seele ge
schmecket werden / wie man Brot vnd weyn im
Abentmal mit dem leyblichen mund schmecket/
zc. Ergründe doch das 6. cap. Joan.

Lieber Läser / diß wirt von Zwinglio / Ecol
lampadio/Bullingero/Caluino/vnd von andern
fromen Scribenten gemeinet / weñ sy das Brot
im Abentmal ein warzeichen / ein sigel / oder ein
figur des leybs Christi heissend. Itē weñ sy den
Weyn ein warzeichē/ein sigel/ oder ein figur des
bluts Christi nennend. Vnd diß ist auch die meis
nüg der verstendigē Burchendienern vñ Leyen/
die es mit dem Zwinglio in disem haltend.

i.
ij.
iij.

Vnd warlich dise auslegung ist recht: sy stim
met eigentlich mit der heiligen schrifft: sy stimet
auch mit den alten Catholischen Doctoren: vnd
auch mit der gemeinen gewonheit zū reden / die
noch täglich bey vns im brauch ist. Vnd sy dienet
sonders

Sonderlich zum guten läben.

Mit der schrift stimet sy also: Der heilig geist hat in der schrift allenthalben dise gewonheit/ daß er die Sacrament eben also nennet / wie die ding/gaaben oder güter selbs heissend / die mit den Sacramentē bedeytet vñ versiglet werdēd.

Also ist die Beschneydung der Pundt geheissen/ darumb daß sy ein gedencckzeichen/ ja ein sigel des gemachten Pundts war.

Das Osterlamb ist Pascha (ein durchgang) geheissen/darum daß es ein gedencckzeichen war des durchgangs in Egypten beschehen.

Item die Tauff ist geheissen das Bad der widergeburt/ vnd ein abwäschung oder reinigung von sünden / darumb daß sy vns das ware Bad der widergeburt (verstee das Blüt Christi) vnd die ware abwäschung (die allein in dem Blüt Christi steet) trößlich anbildet / vnd in vnseren eigenthumb versiglet.

Eben also heisset auch Christus selb das brot im Abentmal seinen leyb/vñ den weyn sein blüt/ darumb daß er vns mit disen elementen sein leyb vnd blüt (ein speyß vñnd tranck der seelen) klärlich anbildet / vnd zü eigen versiglet/ wie vor gesagt ist.

Gott spricht/ Die Beschneydüg sey der Pundt/ vñ erkläret sich selb/ sagend / Die Beschneydung sey ein zeichen des Pundts/ verstee des vorgehenden Pundts. Vñnd durch Paulum nennet er sy ein sigel/2c. Mit diser außlegung gibt vns Gott

Von dem Abentmal.

ein klar exempel vnnnd anweysung / wie man die Sacramentliche sprüch der heilgē schrift sol außlegen/namlich also:

- Ephes 5.** Die Tauff ist die Reinigüß: das ist/ Sy ist ein
Act. 22. zeichen / vnnnd ein sigel der reinigung / die allein
Zu. 3. durch das blüt Christi künft. Sy ist das Bad der
widergeburdt/das ist/Sy ist ein warzeichen/ vnd
ein sigel deß Bads / das ist / deß blüts Christi.
Mat. 26. Das Brot ist der leyb Christi: das ist / Es ist ein
warzeichen vnnnd ein sigel deß leybs Christi/ver-
steet/dz sein leyb vnser sey. Der weyn ist das blüt
Christi: das ist/ Er ist ein warzeichen vnnnd ein si-
gel deß blüts Christi. Der kelch ist das newwe
Luc. 22. Testament/ oder der newwe Pundt: das ist/ Er
1. Co. 11. ist ein warzeichen vnnnd ein sigel deß newwen
Pundts/den Gott durch das leyden Christi mit
vns hat aufgerichtet/ıc. Also verstee auch/ Das
1. Co. 10. Brot ist die gemeinschafft deß leybs Christi/ıc.

- 1.** Soliche außlegüß der Sacramentliche sprü-
2. chen/leert vns Gott selb mit seinem exempel/wie
vor ist angezeigt. Vnnnd die regel deß Christenli-
chen glaubens erforderet klärlich daß man solli-
che außlegüß müß brauchē/an gemähtē/vñ auch
an vilen anderen orten der heiligen schrift. Item
nicht allein da von den gemeinen Sacramenten
wirdt gehandelt / sonder auch da andere sachen
(per metonymiam) beschriben werdend.

Vnd hiemit stimmend auch die alten Leerer/
**Augus-
tinus.** sonderlich Augustinus / der es offinal für ein
merckliche Regel anzeigt / daß die Sacrament/
warzets

warzeichen / gedencfzeichen / oder figuren / eben also in heilger schrift genennet werdend / wie die bezeichnete dinge selbs heissend. Er beweyset Sehe von dem mit vilen exemplen / daß die heilige schrift disen brauch gemeinlich habe. Hernach hat man etliche klare zeügnuß auß seinen bücheren angezogen. Item alle die alte Schreyber brauchend söliche weyse zü reden gar offtmal.

Es ist auch noch täglich allenthalben bey vns in gar gemeinem brauch / die zeichen eben also zü Der gemein brauch. nennen / wie die bezeichnete dinge heissend. Die wapen / sigel / vnnnd bildnussen der stetten / vnnnd der personen nennend wir offtmal eben mit dem selben namen / den die stette vnnnd personen selbs tragend. Wir sagend / Das ist der Keyser / der Erzpa. König vonn Franckreych / der Pfaltzgrauē / ꝛc. Item / Das ist Cöln / Andorff / Franckfort / Nürrenberg / ꝛc. weñ wir die wapen / sigel / oder bildnussen ansehend.

Item die sigel habend auch noch bey vns den namen der versigleten gütern. Man sagt offtmal also / Das ist das hauß / der weyngart / der acker / ꝛc. Weñ man die sigel oder die versiglung der selbigen gütern ansehēt vnd meinet.

Suma / Zwinglius vñ seine anhenger habēd zwoins glia. recht in dem Sacramentlichē streyt. Ire meinüg vnd außlegung der wortē Christi stimet mit der heiligen schrift / mit den alten Doctoren / vnd der täglichen gemeinen gwoonheit zü reden. Sy gesēd die ware mēschheit Christi / die zwo naturen

Von dem Abentmal.

vnder einer person / den verdienst Christi / Item die tägliche würckung seines fleisches vnd blüts in vnseren seelen vnd leyben (durch die außgeende krafft/wie obē gemaldet ist) gar traffenlich zu bedenecken / vnnnd machend vns ein gar tröstlich gnadensigel vom Abentmal Christi. Man sehe doch Caluiniū/Bullingerum/vnd andere.

Caluini
mus.

Merck.

Mein lieber Läser/diſ muß ich abermals protestieren: Wir haltend das Abentmal nicht für ein schlächt gedenckzeichen deß leydens Christi/wie man vns (genänten Zwinglianen) mit vnser arbeit andichtet/ sond wir haltends für ein gewisse heilsame versiglung deß leybs vnd blüts Christi/in vnserē eigenthumb/durch welche versiglung vns Christus versicheret/das wir durch sein fleisch vnd blüt / verzeyhung aller vergangen sünd (in aller warer bekeerung) haben könnend/vñ sonderlich in dem brauch deß selbigē sigels. Mit de Abentmal versiglet vns Christus die verzeyhung/die er vns mit seinem leyden hat erworben. Diß bekennend wir öffentlich.

Merck.

Merck.

Item wir bekennend noch nebend disem / das wir gläubigen/auch ware gemeinschafft mit dem leyb vnnnd blüt Christi habend durch die vorgeordnete außgeende krafft / die täglich vom himel/ auß dem leyb vnd blüt Christi (durch würckung deß heiligen geistes) zu vns kumpt/vnnnd die im brauch deß Abentmals vns sondlich begegnet/wie vorhin ist angezeigt Wir bekennend/das vnser seelen mit solicher krafft würcklich gespeysset werdind.

werdind. Vñ das auch vnser leybe auß sölicher krafft ein söliche heiligung empfangind/ daß sy darumb fleisch auß dem fleisch Christi/ vñ Bein auß seinen Beinen/in heiliger schrifft geheissen vnd gerechnet werdend.

Vide Irenaeum lib. 4. 5.

Wir bekennend daß söliche würckung mit diesen sprüchen wirt angezeigt: Mein fleisch ist warlich ein speyse: vñ mein blüt ist warlich ein tranck.

Joan. 6.

Item / Wir sind glider seines leybs / von seinem fleisch / vnd von seinen gebeinen. Item / Wüssend ir nicht / daß euwere leyb glider Christi seyend: ic

Ephes. 5.
1. Cor. 6.

Unser Adamisch sündlich fleisch vnd blüt (ich reden von den gläubigen alten / vnd auch von vnseren vnwüssenden kindleinen) wirt auß dem fleisch vñ blüt Christi wid geboren / versteen durch die außgeende krafft / die der heilig geist vö himmel an vns bringt / wie er auch die krafft auß dē leyb der Sonnen / vom himmel täglich an vns füret. Vnd eben also empfangend freylich auch vnserre seelen ein heiligüg / von der seele Christi / durch die würckung seiner Gottheit. Siß alles volgt auch auß dem / d; er sich selb den weynstock nennet / vnd vns die räben / wie Cyrillus sagt.

Merck.

Wir habend nicht allein gemeinschaft mit der Gottheit Christi / die an allen ortē wäsentlich gegenwürtig ist / die vns mit der eynwohnung heilget vnd regieret: sonder wir habend auch gemeinschaft mit seiner abwäsenden menschlichen natur / die im himmel ist / vnd dennoch kumpt ire krafft an vns auß erdē / in sölicher weys / wie vor

Joā. 15.

Merck.
Sehe Cyrillus lib. 10. super Joan. cap. 17.

Von dem Abentmal.

gesagt ist. Die heiligung kumpt vns von dem ganzen Christo/ auß beiden naturen/ yedoch heiliget vns die Gottheit fürträffenlich / vnd machet vns die menschheit Christi so heilsam. Vnd wiewol solche heiligung auß dem ganzen Christo täglich an vns gldubigen kumpt / yedoch bekeñend wir auch/ daß sy vns sonderlicher weyß anrüret/ vnd fürträffenlich heiliget / in dem brauch der heiligen Sacramenten. Also verstee Ireneum lib. 4. vnd lib. 5. Item Cyrillum super Ioan. 6.

i.
Merck.

ii.
iii.

Wir bekennend/ dz Christus bey dem Abentmal gegenwürtig sey/ in folgenden massen. Erstlich mit seiner Gottheit/ die wäsentlich an alle orten ist. Zum zweyten / mit der gewüssen Barmherzigkeit seiner ganzen person. Zum dritten/ mit der außgehenden krafft seines leybs vnnnd blüts/ auff gemalte weyß. Aber leyb vnd blüt Bleybend selbs im himel/ &c. Item er ist gegenwürtig mit allen verdiensten seiner ganzen person.

Gnadens
igel.

Die Sacrament (Tauf vnnnd Abentmal) sind so gewüsse gnadensigel/ daß ein yeder getaufter/ vnd ein yeder Communicant mit warheit also sagen mag: Ich hab Brieff vñ sigel von Gott selb/ daß er mir die Bekeerung vnd das ewig heil wol gunnet/ vnd daß er mir mit seine geist gern darz zu wil helffen. Die darreichung des Abentmals ist eben so vil/ ob Gott auß dem himel also saget: Höre zu mein lieber cōmunicāi/ Dis warzeichē/ oder diß sigel gib ich dir nur darauf/ daß ich dir das ewig heil wol gunne/ ich habe dich nicht zue verdama

verdammuß gepredestinieret / ich gunne dir das ewig heil von hertze / ich wil dir gern darzu helfen: wie meine wort eüsserlich lautend / eben also sind sy auch innerlich von mir gemeinet / sey du deß getröset / laß dir helfen / laß dich nur regieren vnd leeren mit meinem wort vnd geist.

Wider die ansechtung von der predestination.

Vnnd eben solche barmhertzige meinung hat auch Gott in der Tauff / die den kindleinen oder den alten wirt geben. Vnnd also sind die Sacrament gar tröstliche zeügnuß Gottes wider die geferliche anfechtung von der parteischen Predestination Gottes / welche fantassey nur vil leüt verirret. Vnd nebend disem ist auch zu wüssen / daß die sälligmachende gnad Gottes noch vil weyter reicht dann die Sacrament / namlich an vnseren jungen kindlein die vngetaufft sterbend / wie offmal geschicht / vnnd auch an die gläubigen alten / die keinen Tauff od' gar kein Nachmal können haben / wie wol offmal beschehen ist / vnnd auch wol kan geschehen.

Tauff

Merk fleißig.

Von dem Abentmal sol man dises wol vnderscheidlich nach einandern bedencken.

Erstlich / daß vns mit dem Abentmal der leyb vnd das blüt Christi zu eigen wirt gegeben / mit allen verdiensten / verstee also wie obē gesagt ist.

Zum zweyten / daß vns mit dem Abentmal wirt abgemalet / daß der leyb Christi ein speyse / vnd sein blüt ein tranck sey vnserer seelen.

Zum dritten / daß vns mit de Abentmal wirt befohlen / solche speyse zu essen / vnd solich träck zu

Von dem Abentmal.

trinken / mit den gläubigen gedancken / täglich
vnd sonderlich im Abentmal.

Nemend / essend / trinckend / ic. Das thünd zu mei-
ner gedechtnuß Brot vnd weyn nemend in den
mund: aber mein leyb vnd blüt nemend in euwe-
re seelen / durch gläubige gedechtnuß / ic.

i. Sprichst du / Die gläubige habend doch vor-
hin den leyb Christi (mit allen seinen verdienste)
zu eigen / wie wirt er dann inen im Abentmal zu
eigen gegeben? Antwort: Das Abentmal ist inen
ein verneiwung / bestätigung / vnd versiglig
der vorgehenden schenckung / vñ ist eben so vil als
noch ein mal oder von neuwen geben / ic.

ii. Wie aber der leyb (der im himel ist) vns auff
erden wirt gegeben / soliches ist oben erkläret mit
der versiglig der abwesenden irrdische gütern.
iii. Ist wie die heiligende krafft auß dem leyb Chris-
ti / vom himel an vns auff erden reicher / das selb-
big ist erkläret mit de exempel der Sonnen. Den
leyb Christi vns zu eigen geben / ist eben so vil / als
verzeyhung der sünd / vnd das ewig heil vns ge-
ben / vmb Christi willen.

Büßfer-
tigen. Sprichst du / Welche leüt sind bequem oder ge-
schickt / den leyb Christi zu eigen zu empfaben /
vnd mit seiner außgeenden krafft geheiligt zu
werden? Antwort: Die des Herren Christi recht
gedenckend / vñ sich selbs wol prüffend / wie Chi-
stus vnd Paulus vns leerend: das ist / die sich
mit ernst von bösen wercken zu dem dienst Chris-
ti wendend / vnd auff in lernend vertrauwen / vñ
gedenckend

Luc. 22.

1. Cor. 11.

gedenckend mit gutem gewüssen vnder Christo zu bleyben/ mit glauben vnd läben nach seinem wort/ alles vermügens durch seine hilffe/ mit danckbarkeit für die wolthat Christi. Die danckbarkeit muß da seyn.

Die soliches noch nicht ansehend/sonder bleybend wüßentlich in bösen wercken/ nach des teuffels willen/mit bösem gewüssen/Die selbigē verlassend sich vergäblich auff Christū/sy geend verdämlich zum Nachmal / jr predig hören vnd bitten/ist ein erzürnung Gottes/ dieweyl sy also wider das gewüssen läbend. Aber von diesem dißmal gnüg.

Mein lieber Läser/ich bitte dich herzlich/das du die gemälte außlegung des Abentmals wol betrachten / vnd auch die folgende zeügnuß der heiligen schrifft/vnnd der alten Catholischen Leser recht erwägen wöllest / so wirst du wol erfahren das wir genañte Zwinglischen im Abentmal recht habend.

Zeügnuß der heiligen Schrift

von Christo vor dem leyden.

Merck.

Lazarus ist gestorben / vnd ich bin fro vñ eüwert willen/ dz ich nicht da gewesen sey/ auff das jr glaubet/Joan. 11.

Jesus hat Judeam verlassen/ vnd ist wider in Galileam gangen/Joan. 4.

Jesus gieng von dannen/ vñ kam in die gren

Von dem Abentmal.

Ge Tyri vnd Sidonis/Matth. 15.

Jesus zoch über das meer/Joan. 6. Item über den Jordan/Joan. 10. 2c.

Söliche zeügnuß hat man an vilen orten.

Zeügnuß von Christo nach der aufersteung.

Merck. Die engel sagend/ Jesus ist auferstandē / vnd er ist nicht hie. Luc. 24. Mat. 28. Mar. 16. Merck. Er ist nicht hie im grab/oder bey vns.

Greyffet mich / vnd sehet/ dann ein geist hat nicht fleisch vnd Bein / wie jr mich sehet haben/2c. Luc. 24. vnd Joan. 20.

Nach der himmelfart.

Merck. Ich bin (sagt er) nicht mer in der wält/ vnd sy sind in der wält / vnd ich kumm zü dir. Joan. 17. Merck. Ich bin nicht mer in der wält.

Jr habend alle zeyt die armen bey euch / mich aber habend jr nicht alle zeyt. Matth. 26.

Mat. 24. So dann yemants zü euch wirt sagen/ Sehe/ hie ist Christus/oder da / söllend jr es nicht glauben. Item/Wen sy zü euch sage werdend: Sehe/ er ist in der wüste/so geet nicht hinaus: Sehe/ er ist in der kämmer/so glaubēd es nicht. Dan gleych wie der blitzg außgeet vom Aufgang/ vnd scheynet bis zum Vndergang: also wirt auch seyn die zukunfft des menschen Söns. Matth. 24. Merck/

Merck/daß die Menschheit Christi offenbarlich
erscheynen werde wenn sy wider in die wält
füpt. Sein leyb ist nicht vnsichtbarlich in d wält.

Er zog/ oder schied von jnen/ vntd für hinauf
gen himmel. Luc. 24.

Die engel Gottes habend also gsagt: Ir män
ner von Galilea/ was steet jr/vñ sehēd gen hims
mel? Diser Jesus /welcher von euch ist aufges
nommen gen himmel/ der wirdt also kommen/
wie jr in habend sehen faren gen himmel. Actos
rum cap. 1.

Wenn jr essend von disem Brot/ vnd trinckend
von disem tranck / so söllend jr deß Herren tod
verkündigen/ biß daß er kumpt. 1. Corinth. 11.

Süchend das da obē ist/da Christus ist. Col. 4.

Vnsere Burgerschafft ist im himmel/ von dan
nen wir auch wartend deß heilāds Jesu Christi/
welcher wirt verklāren vnseren irdischen leyb/
daß er gleychförmig werde seinem verklārtē
leyb/2c. Philip. 3.

Stephanus sagt/ Sehe/ ich sehe den himmel
offen/vnd deß Menschen Sun steen zur rechten
Gottes. Act. 7.

Jesus muß den himmel eynnehmen (das ist/
er muß im himmel seyn mit seiner menschheit)
biß auff die zeyt/biß das herwider bracht werde
alles was Gott geredt hat / durch den mund als
ler propheten/2c. Act. 3.

Ich hab lust (sagt Paulus) abzuscheyden/ vnd
zū seyn bey Christo. Verstee bey seiner menschheit

Von dem Abentmal.

im himmel/Philip. 1.

Sieweyl wir hie wonend in dē leyb (sagt Paulus) so wandlend wir im abwäsen von dem Herren. Versteet von seiner menschlichen natur/2. Corinth. 5. 2c.

Merck
lieber
Läser.

Dise spruche zeügend (von zweyfel) nicht allein von der sichtbaren gestalt dēß leybs/sonder sy zeügend eben so wol von dem wäsen dēß leybs/ja von der gantzen menschheit Christi. Vnnd man kan/vnd man sol warhafftig also darauß schliefen/vnd glauben/wie nur volget.

i. Christus ist mit seinem leyb/vor dem leyden/nicht zü gleych an vilen/noch an allen orten gewesen/weder sichtbarlich noch vn sichtbarlich.

ii. Er ist auff einer zeyt mit seinem leyb nur an einem ort gewesen/wie er auch nur an einem ort ist gecreütziget/begraben/1c.

iii. Wie der leyb Christi nicht ist gesehe an zweyen oder vilen verscheidnen orten / zü gleych auff einer zeyt: also ist sein leyb auch nicht vn sichtbarlich zü gleych auff einer zeyt/ an vilen orten gewesen.

Nach der aufersteung.

i. Der leyb Christi ist auch nur (nach der aufersteung vnnd himmelfart) nicht an allen noch an vilen orten zü gleych auff einer zeyt/weder sichtbarlich noch vn sichtbarlich.

ii. Der leyb Christi ist nicht in der wälde hie auff erden/sonder er ist vnd bleybt im himmel.

Er ist

Er ist nicht bey vns / sonder er ist von vns gezogen. ij.

Der leyb Christi ist nicht vn sichtbarlich bey vns / wie er auch nicht sichtbarlich bey vns ist / 2c. Merck. Und auß diesem allen volget / daß der leyb Christi nicht im Abendmal vnder dem brot sey / 2c. iij.

Lieber Läser / diß alles leeret vns die warheit Gottes klärlich mit den vorgesetzten sprüchen / vnd die Catholische alte Doctores stünend auch damit überein / wie ire zeügnuß anzeigend / die hernach volgend.

Aber Christus ist mit seiner Gottheit gewüßlich bey vns an allen orten auff erden / wie er selb hat gesprochen / Sehe (sagt er) Ich bin bey euch alle tag biß ans end der wält. Item / Wo zwey oder drey (sagt er) versamlet sind in meinem namen / da bin ich mitten vnder jnen. Item Paulus sagt also / Christus läbt in mir / 2c. Der den geyst Christi nicht hat / der ist nicht seyn. Item / Erkennend jr euch selbs nicht / daß Christus in euch ist / 2. Co. 13. 2c. Summa / die Gottheit Christi ist allzeyt allenthalben gegenwürtige. Mat. 28. Galat. 2. Rom. 8.

Item die außgeende krafft des leybs Christi / reicht auch täglich auß dem himel an alle glöubigen auff erden / durch alle dörter / wie vor gemält ist. Aber der leyb bleybt selb im himel / vnd eben wol ist das Göttliche vnd menschliche wäsen in Christo / nur ein person / vñ nur ein Christus : wie die alten Leerer hie volgent klärlich bezeugend. Merck.

Von dem Abentmal.

Zeügnuß der alten Leerer/ aufrichtig vertetüschet.

Tract.
Jo. Iuper
Ioan.
Mat. 26.

Mat. 28.

Merck.
Er ist
nicht hic.

Augustinus spricht Tract. 50. über Joannem
1. al. 0: Christus sagt von der gegenwürtigkeit
seines leybs/waß er spricht: Die armen werdend
ir allzeyt bey euch haben / mich aber werdend ir
nicht allzeyt bey euch haben. Dann nach seiner
maiestat / nach seiner fürschung / nach seiner vns
außsprechlichen gnad wiris erfüllet / das von im
gesagt ist / Sehe ich bin bey euch alle tage biß an
der wält ende. Aber nach dem fleisch / das er hat
angenommen / nach dem das von der Jungks
frauen ist geboren / nach dem das er von den
Juden gefangen ist / ans holtz geschlagen / vom
creütz genommen / in lynwaat gewicklet / im
grab verborgenn / in der aufersteung geofs
fenbarer. (Nach disem sagt er) Ir werdend
mich nit allzeyt bey euch haben. Warumb? Dan
er hat mit seines leybs gegenwürtigkeit vierzig
tage bey seinen Jungeren gewandelt: vnnnd so
sy in geleitetend (mit dem nachsehen / nicht mit
dem volgen) ist er gen himmel hinaugefahren/
vnnnd er ist nicht hic. Dann daselbst sitzet er zur
gerechten d.ß vatters / vnnnd er ist (dennoch)
hic Dann die gegenwürtigkeit seiner maiestat
ist nicht hinweg gezogen / 2c. Bißhär Augus
stinus.

Mercket

Mercket lieber Läser / daß er nicht spricht allein von der abwesenden gestalt des leybs / sonder auch von dem abwesenden leyb selb.

Der selbig Augustinus sagt auch epistola 56. Augustinus epist. 57. ad Dardan.
 an Dardanum also : Willet nicht zweyflen / daß der mensch Christus Jesus nur da sey / von wannen er kommen wirt. Bedenckend vnnnd haltend treüwlich das Christliche Bekenntnuß : Dann er ist auferstanden von den todten / gefaren gen himmel / sitzend zur gerechten des Vatters : vnnnd er wirt dannen här / vnd nicht anderßwo här / kommen / zü richten die läbendigen vnd todten. Vnnnd er wirt also kommen (wie die engelische stimme Act. 7. bezeitiget) als er gesehen ist gen himmel faren / das ist / in der selbigen gestalt vnd wäßen seines fleisches / dem er warlich die vnsterblichkeit hat geben / aber die natur hat er jm nicht abgenommen. Nach diser gestalt sol man nicht vermeinen / daß er allenthalben gegenwürtig sey. Nach diser gestalt / das ist nach dem menschheit.
 Dann man sol fürsehen / daß wir die Gottheit des menschen nicht also verjähind / daß wir die warheit seines leybs hinweg nemind. Dann es volget nicht / daß ein ding / das in Gott ist / also allenthalben sey wie Gott. Dann die warhafftige schrift sagt auch von vns / daß wir in Gott läbind / wäbind / vnd sey gind / vnnnd dennoch sind wir nicht allenthalben wie er. Aber doch ist der mensch (Christus) anderst in Gott / dies weyl Gott anderst in dem menschen ist / mit einer eigentlichen vñ sonderlichen weyße. Merck. Acco. 17.
 Dañ ein

Von dem Abentmal.

Merck. person ist Gott vnd mensch/ vñ beides ist ein Jesus Christus / der allenthalben ist mit der Gottheit. Aber im himel ist er mit der menschheit/ 2c. Bisshar Augustinus.

Im selben bueß ein wenig nach disen worten/ vñ am ende leeret Augustinus eben das selbig/ vnd noch weyter/ wider Felicianum cap. 9. 10. vñ 11. Item de Agone Christi/ cap. 24. Bisß an das 27. capitel. Die geleerten mögend da verner läsen. Item super Epistolam Joannis am ende.

Cyrrillus. Der leerer Cyrrillus stimet eben mit dem Augustino: Dañ im sechste büch über Joan. cap. 14. spricht Cyrrillus also: Wiewol Christus die gegenwürtigkeit seines leybs von vns hat genomē/ dennocht ist Christus gegewürtig bey vns/ mit der maestat seiner Gottheit / wie er selb hat verheissen/ do er von seinen Jüngeren solt scheiden / Sehe/ ich bin bey euch alle tag / Bisß an das ende der wält/ 2c.

Weyter spricht d selb Cyrrillus lib. 9. super Joannē cap. 21. also: Christus sagt/ daß er ein kleine zeyt bey seinen Jüngeren seyn wurde/ nicht darumb daß er gantzlich von jnen sol weychen: Dañ **Mat. 28.** er ist allzeyt bey vns bisß ans ende d wält / Sonder deßhalben (sagt ers) daß er nicht bey jnen läben wurde wie vorhin: dann die zeyt war nur nach herbey/ daß er auch gen himmel zum vatter hinweg geen wurde. Die gläubigen müßend aber glauben / wiewol Christus mit seinem leyb nicht bey vns ist/ das dennocht alle ding/ vñ wir **Abest à nobis corpore.** mit

mit seiner krafft geregieret werdend/ vnd daß er sey bey allen die in liebend.

Derhalben sprach er / Warlich warlich / wo zwey oder drey versamlet sind in meine Namen/ Mat. 18.
 Da bin ich mitten vnder jnen. Dañ welcher massen er auch zu der zeyt den himmel füllete / vnd der engel gesellschaft nicht verließ / da er auff erden wie ein mensch wandlete : eben in sölicher massen ist er auch nur bey denen / die in auff erden liebend / dieweyl er im himmel ist / vnd mit seinem fleisch die erden nicht füllt /c. Biß hâr Cyrillus.

In gemälten zeügnussen setzet Cyrillus diese klare sprüche von dem leyb Christi Er spricht von Merck.
 dem wäsen des leybs:

i. Christus hat die gegenwürtigkeit seines leybs von vns genommen.

ii. Er ist mit seinem leyb von vns.

iii. Er ist im himmel.

iiii. Mit seine fleisch füllt er die erdē nicht.

Auß sölichen wortē ist ymer gnügsam zu verstehen / daß Cyrillus den leyb Christi selb nicht im Nachtmal vnder dem brot vermischt habe. Vnd daß seine sprüche vom Abentmal (die von dem Hamburgische Kirchendiener Joachimo Westphalo / mit vnuerstendigem zorn bey einander Westphalum
 sind gezogen) eben also zu verstehen seyend / wie ich oben von dem geistlichen essen / vnd von der außgeenden vns anrühenden krafft des fleisches vnd blüts Christi gesagt habe. Welches die ge-

So vil gesagt als / Der leyb ist nicht vnder dem brot.

Von dem Abentmal.

leerten (in Christo) bald mercken können.

Nicht bey vns seyn / Nicht auff erden / Vnd im
Abentmal seyn / Ist wid einandern / vnd kan nicht
zu gleych war seyn.

Vigilius Mit gemälien zeügnussen Augustini vnd
Cyrilli / stimmet auch klärlich der alt Leerer vnd
Martyr Vigilius / ein Bischoff zu Trent gewes
sen / der libro primo wider Eutichen also hat ges
schriben:

Der Sun Gottes ist vonn vns gescheyden
nach der menschheit. Nach seiner Gottheit aber
sagt er zu vns / Sehe / ich bin bey euch bis an der
wält end / &c.

Mark. Kurtz darnach spricht er also: Die Christus
verlassen hat / vnd von welchen er gescheiden ist /
mit seiner menschheit / Die selbigen hat er nicht
verlassen mit seiner Gottheit. Dann mit des
Inechtes gestalt (die er von vns hinweg hat ge
füret gen himmel) ist er von vns abwesend:
Durch die gestalt Gottes (mit welcher er nicht
von vns scheidet) ist er auff erden gegenwürtig
bey vns: yedoch gegenwürtig vnd abwesend / ist
er vns ein Christus / &c.

Derste Item libro quarto schreybt der selb Vigilius
mit dem
Reisch. noch also: Wo des worts vnd des fleisches ei
ne natur ist / wie solt dann auch das fleisch
nicht allenthalben erfundē werde / dieweyl doch
das wort allenthalben ist? Dann als er auff er
den ist gewesen / warlich war er nicht im him
mel. Vnd nur / nach dem er im himmel ist / so ist
er frey

er freylich auch nicht auff erden. Vnnd also verr
 ist er nicht hie / daß wir Christi wartind / nach
 dem fleisch vom himmel fünfftig / welchen wir
 nach dem wort glaubend bey vns seyn auff er-
 den. Derhalben (nach enwerer rechnung) wirdt
 eintweder das wort mit seinem fleisch in einem
 platz begriffen seyn / oder das fleisch ist allent- Loco cō
tinetur.
 halben mit dem wort. Dann eine natur empfas- Merck.
 het nicht in sich / das streytig vnd verscheiden ist.
 Es ist aber verscheiden / vnnd weyt vngleich / mit
 einem platz vmbgeschriben werden / vnnd allent-
 halben seyn. Siweyl nun das wort allenthalbē
 ist / sein fleisch aber nicht allenthalben ist : so ist of-
 fenbar / daß der selbig einig Christus zwo na-
 turen habe / vnnd daß er warlich allenthalben
 seye nach der natur seiner Gottheit / vnnd werde
 auch mit einem platz begriffen / nach der natur
 seiner menschheit. Daß er geschaffen sey / vnnd
 auch keinen anfang habe / daß er dnm tod vns
 derworffen war / vnnd auch nicht sterben mochs-
 te/te.

Vnnd Kurtz darnach sagt noch Vigilus also:
 Diß ist der Catholisch glaub / vnd das Catholi- Merck.
 sche Bekannnuß / welches die Apostel geleeret /
 vnd die Martyrer gestercket habend / vnnd wels-
 ches die glöubigen bißhär bewarend. Bißhär
 reichend die wort Vigilij.

Lieber Läser / wie köndt diser alt Leerer Kläre-
 licher an vnserer seyten sprechen? Er setzt ymmer
 außtrucklich dise folgende sprüche.

Von dem Abentmal.

i. Der Sun Gottes ist von vns gescheiden nach seiner menschheit.

ii. Er ist nur im himmel/vnd nicht auff erdē.

iii. Sein fleisch ist nicht allenthalben.

iiii. Er wirt mit einem platz begriffen / vnd umbgeschriben nach seiner menschheit.

v. Diß ist d̄ Catholisch glaub der Apostlen/ der Martyrer /vnd der gläubigē Biß anher. Diß ist jr Bekänntuß/ꝛc.

Lieber Läser/ diese sprüche setzet Vigilus klärlich/on alle außnehmung des Abentmals/vnd habend warlich auch söliche meinung/ ob er also gesagt hetie/wie volget.

i. Der leyb Christi ist nicht selb vnder oder bey dem Brot/ꝛc.

ii. Die Apostel vnd Martyres Christi habend nicht gehalten/dasß der leyb Christi selb vnder dem Brot sey.

Der Catholisch glaub der gläubigen/rechnet den natürlichen leyb Christi nicht im Abentmal gegenwürtig/ꝛc. Diese meinung Vigilij volget auß seinen worten: dann er schreybt außdrucklich von dem wäsen so wol als von der gestalt.

iii. Mit Augustino/Cyrillo/vnd Vigilio stimmet auch der Leerer Fulgentius / der im zweyten büch an den König Trasumundum geschriben/ also sagt:

Der selb einig Christus/welcher ein vnermäßiger Gott ist auß dem Vatter/ der ist auch auß einem menschen / ein mensch mit einem platz umbgriffen.

Vñ Theophrasti
Dialo-
go 2.
Merck.

Fulgentius.

Localis homo.

griffen. Der selb einig Christus / war nach seinē
 menschlichen wäsen nicht im himmel do er auff ^{Mercē}
 erden war: vnd er verließ die erde do er gen him ^{doch.}
 mel für. Aber nach seinem Göttlichen vnermäßs-
 nen wäsen verließ er den himel nicht do er vom
 himel absteig: vnnnd er verließ auch die erde nicht
 do er gen himel steig. Diß mag gewüßlich ver-
 standē werde auß dem wort deß Herrē/welcher
 (auff das er anzeigete / daß sein menschheit mit ^{Localis}
 einē platz vmbgriffen sey) hat er gesagt zū seinen ^{humanis}
 Jungern/ Ich far auf zū meinē vatter/ vñ zū eū ^{tas.}
 werē vatter: zū meinem Gott / vñ eūwerē Gott. ^{Joā. 20.}

Als er auch von Lazaro gesagt hat / Lazarus
 ist gestorben / do hater auch darbey gesetzt/ spre- ^{Joan. 11.}
 chende/ Ich bin fro euwert halben / daß ich nicht
 an dem ort war/ auff das jr glaubet. Aber seine
 vnermäßne Gottheit hat er seinen Jungern an-
 gezeigt/ also sprechēde/ Sehe/ ich bin alle tag bey ^{Mar. 28.}
 euch/ biß an der wält ende. Welcher weyß ist er
 gen himel gefaren? dann daß er mit einem platz
 vmbgriffen oder beschlossen wirt/ vnd ein warer ^{Localis.}
 mensch ist? Oder welcher massen ist er noch ge-
 genwürtig b. y seinen gläubigen / dann daß der
 selb Christus vnermäßnen / vnnnd ein warer Gott
 ist: c.

Im selbigen Büch Fulgentij findt man noch
 mer der gleychen zeügnuß / vnd lib. 3. schreybt er
 also:

Der selbe vnteilbare Christus/ ist auß dē grab ^{Fulgens}
 erstandē/ allein nach dem fleisch. Der se. b vnteil- ^{itas.}

Vom dem Abentmal.

Localiter.

bare Christus/ verließ (nach dem gantzen menschen/ den er hat angenommen) die erde/ daß er keinen platz darin behielte / do er gen himel ist gefahren/ vnd er sitzet zur gerechte Gottes. Nach dem selben gantzen menschen ist er künfftig zu richten die läbendigen vnd todten. Er wirdt krönen die gläubigen vnd Gottsförchtigen.

Bisshar Fulgentius/ der ymer auch gar klarsich an vnser seyten steet. Sehe doch lieber Leser / wie die alten die Gottheit vnnnd menschheit Christi vnderscheidend / vnnnd wie sy solliches mit der heiligen schrift beweysend.

Augustinus sagt ad Dardanum epistola 57. also: Christus ist yrgend in einem platz des himels/ von wägē der maß seines waren leybs/ ic. Item Tract. in Ioan. 30.

Es sind noch vil mer solliche zeügnuß bey Augustino vnnnd bey den anderen alten Doctoren/ wie die geleerten selbs wol ersarend. Aber diß ist gnüg für die Gottliebenden Leyen. Ja es ist gnüg für alle Gottsuchenden / sy seyend in den spraachen geleert/ oder ungeleert. Vnd ich bitten dich mein lieber / daß du die vorgesetzte zeügnuß wol behertzigen wöllest / vnd darauff mercken/ daß Lutherus vnnnd seine nachvolger (im streyt vom Abentmal) weyt anders vom leyb Christi schreybend dann die alten Catholische Doctores dauon geschriben habend. Man halte je schreyben bey einandern / so wirt man warlich ja vnd

vnd nein wider einanderen finden.

i. Lutherus vnd seine nachfolger sagend (wie auch die Päpstlichen thünd) daß der natürlich leyb Christi vn sichtbarlich allenthalben auff erden/gegenwürtig bey vns sey.

Die sprüche der Luthertischea.

ii. Die sichtbare gestalt des leybs / sey wol an einem ort/vnd mit dem platz vñgriffen / aber des leybs wäsen sey zu gleych an allen orten/vnd mit keinem platz begriffen.

iii. Die gestalt des leybs sey mit der himels fart von vns gewichen/ aber der leyb selb sey allzeit bey vns/2c.

ii.

Dise gegenwürtigkeit verneinend die alten Leerere (Augustinus/Cyrrillus/Vigilius / vnd Fulgentius) in den vorgesetzten zeugnissen/ vnd schreybend warlich gar außstrucklich dar wider/offtmal Bezeugende/daß der leyb Christi selb nicht bey vns sey.auff erden/ eben wie die gestalt des leybs nicht bey vns ist. Sy neñend den leyb selb/das fleisch/die menschheit / das menschliche wäsen: item die natur / die gecreütziget / gestorben vnd begraben ist/2c. Vnd setzend dise klare sprüche außstrucklich.

Die alte,

Die bestennet auch Pph lippus Meische thon.

i. Christus ist mit seiner menschheit / mit seinem leyb / mit seinem fleisch / 2c. nit an allen orten.

Merck.

ii. Seine menschheit/sein leyb/2c. ist mit dem platz vmbgriffen.

iii. Sein menschheit/ sein leyb / sein fleisch/ 2c. ist nicht gegenwürtig bey vns auff erden/

Von dem Abentmal.

sonder von vns abgesehen.

iii. Nun nach der himmelfart ist er mit seiner menschheit / mit seinem leyb / zc. nicht hie auff erden / sonder er ist im himmel / zc. Diß sagen ymmer klärlich.

Lieber Läser / sehet doch wol auff diese gemalte zeügnuß Augustini / Cyrilli / Vigili / vnd Fulgentii : dann mit solchen Worten habend sy auch ir meinung vom Abentmal klärlich geoffenbaret / nämlich / daß der leyb Christi selbst nicht vnder oder bey dem Brot sey. Dann wo sy diese gegenwärtigheit des leybs Christi vnder dem Brot vermeinet hettend / so würdend sy freylich nicht also (wie yetz gemalt ist) von alle außnehmung offtmal gesprochen haben. Dann solliches wär (mit wüssen) ja vnd nein wider einandern sagen / von einer sache / vnd wider sich selbst liegen.

Es meinet auch das vordere selbst.
Lieber Läser / sy schreybend nicht allein von der gestalt des leybs / wie es etliche mit vnwarheit gern glosieren soltend / sonder sy sprechend eigentlich vom wäsen des leybs. Sy sagend ymmer außtrucklich / Der leyb Christi sey selbst nicht allenthalben. Er sey nicht bey vns / sonder von vns. Er sey nicht auff erden / sonder im himmel / zc. Darumb ist ir meinung (on zweyfel) gewesen / daß der selbig leyb nicht im Abentmal sey. Dan wenn man sagt / Der leyb ist auff einer zeyt nur an einem ort / Er ist nicht gegenwärtig bey vns / Er ist nicht auff erde / zc. So hat man schon auch gesagt / Der leyb ist selbst nicht gegenwärtig im Abentmal vns
der

der dem Brot. Dife rechnung ist ye gewüß. Dan wo der leyb selb im Abentmal wär/so wär er ymmer auff erden/vnd er wär bey vns/ıc.

Also sehet man klärlich/ daß die gemälte Doctores gar eine meinung vom leyb Christi mit Zwinglio vnd mit vns habend. Vnd es wirdt zu dem gewüßlich war seyn/ dz alle andere alte Catholische Doctores vnd Christen/ eben in sölicher meinung vom leyb Christi gestanden seyend/ als Augustinus/ Cyrillus/ Vigilus/ vñ Fulgētius.

Siß ist erslich abzunehmen auß dem gemälten zeügnuß Vigilij. Dann er sagt außstrucklich/ daß sein bekantnuß vñ leyb Christi/ der Catholisch glaub vnd bekantnuß sey der Apostel/ der Martyrer/ vnd der gläubige biß auff seine zeyt. Item Augustinus sagt/ dz söliche leer das Christliche bekantnuß sey. Sehet oben die zeügnussen.

Zum zweyten/ ist söliche einträchtigkeit auch auß disem zemerckē/ daß Augustinus/ Cyrillus/ Vigilus/ vñnd Fulgentius in irer leer vom leyb Christi/ von keinen alte Doctoren gestraffet werdend/ die zu iren zeyten oder volgents geschriben habend.

Zum dritten auch auß dem/ das von keinen alten Doctoren (die vor oder bey iren zeyten geläbt habend) yrgend also sey geschriben/ Der natürlich leyb Christi/ ist auff einer zeyt an vilen/ od an allen orten. Item/ Sein leyb ist so weyt außgebreitet als seine Gottheit/ıc. Söliche sprüche könnend die nachvolger Lutheri bey keinen alte Ca

Zwingli
lius.

i.
Beweisung.

Catholisch.

ii.

iii.

Merk
fleißig.

Von dem Abentmal.

tholischen Doctoren finden / wiewol sy mit allen
Krefftten darumb gearbeitet habend. Man sehe
ire Bücher vom Nachtmal wider vns geschrieben.

In den letzte vier od fünff hundert jaren sind
soliche sprüche vnd dē irrigen Papsthum erdich-
tet / durch die Mönch vnd andere Māßpriester.

Summa / in den vorerzelten zetignussen der hei-
ligen schrift / vnd den altē Leerer / sehet man klar-
lich / daß Lutherus vnnnd seine nachuolger vn-
recht habend in disen iren spruchen vnd meinun-
gen vom leyb Christi.

Sprich
Lutheri/
26.

i. Der leyb ist zū gleych an allen oder an vie-
len orten gegenwürtig.

ii. Er ist so weyt vßgebreitet als die Gottheit.

Ich weiß
nicht ob
die Papi-
sten so
grob ge-
sprochen
habind.

iii. Als der leyb (vor dem leyden) in Judea
sichtbarlich an einem ort war / do war er auch zū
gleych allenthalben vn sichtbarlich auff erden ge-
genwürtig / ja auch im himmel.

iiii. Der leyb ist in / aussen / vnder / vnnnd über
himmel vnd erde.

v. Er ist in allen Baumen vnd Bletteren / &c.

Der leyb ist selb im Abentmal allenthalbē ges-
genwürtig vnder dem Brot : vnd das blüt ist vns
der dem weyn gegenwürtig.

Merck.

In disen sprüchen (sag ich) ist jr leer wider
den gemeinen grund der heiligen schrift / vnnnd
auch im grunde wider alle die alte Catholischen
Leerer / ja wider den Catholischen glauben der
ganzen altē Chrißtenheit / welches alles mit den
vorerzeltē zetignussen gnügsam ist erweisen. *Ma-
sche*

Sehe nur herzlich auff die sach.

Nicht bey vns seyn/ Irē nicht auff erden seyn: j.
 vnd im Abentmal seyn/ ist recht wid einandern/ Merck:
 vnd kan nicht zu gleych war seyn. Dieweyl dann ij.
 der alten Leerer meinung ist gewesen / daß der
 leyb nicht selb bey vns sey / item daß er nicht hie
 auff erden sey: so ist gewüßlich auch ire meinung
 gewesen / daß der leyb Christi nicht selb gegen
 würtig im Abentmal sey. Dife rechnung kan
 nicht fälen. Vnd diß volget auch auß dem/ daß
 sy schreybend / Die menschheit Christi sey mit ei- Sehe
 nem platz vmbgriffen (das ist) sy sey auff einer oben.
 zeyt nun an einem ort. Sehe Augustinum in Jo
 annem Tractatu 30.

Wan sy aber das brot den leyb/ vnd den weyri
 das blüt nennend: oder wan sy schreybed / dz der Christi
 leyb vnd blüt Christi in vnseren mund geind / od stomus
 vns anrürind/ &c. Soliches sagend sy per meto- Homil.
 nymiam/ nach gewonheit der heilgē schrift/ vnd 33. in
 hat eben soliche meinung/ als oben gesagt ist von Matth.
 der versiglung / vnd von der außgeenden krafft Augusti
 deß fleisches vnd blüts Christi / welches hernach nus ad
 mit iren eignen zeügnussen solerkläret werden. Ianuarij
epist. 218.
Sehe von
den.

Lieber Läser/ solt die leer Lutheri in disem ar- Schrifte.
 tikel recht mit der heiligen schrift bewisen wer-
 den/ so müßt man dife volgende zeügnuß in der
 schrift finden.

Der leyb Christi ist zu gleych allenthalben wie j.
 die Gottheit.

Der leyb ist vn sichtbarlich bey vns auff erden/ ij.

Von dem Abentmal.

Biß zum jüngsten tage.

iiij. Der leyb Christi ist zu gleych in einer zeyt an vilen verscheiden orten gesehen worden do er auff erden wandlete/2c.

Merck. Aber söliche zeügnuß findt man nicht in der schrift/sonder das widerspil / wie oben ist angezeigt mit vilen klaren sprüchen. Item / Christus hat seinen leyb auff einer zeyt nur an einem ort sehen vnd hören lassen. Als er zu Jerusalem gesehen ward / in der selben zeyt ward er nicht zu gleych in Capernaum / oder in Nazareth/ gesehen.

Merck. Er hat auch nirgend gesagt/dz seines leybs wäsen weyter reiche dann die gestalt seines leybs. Darumb ist hie die schrift im grund an Zwinglius seyten/wider Lutherum.

Catholische Leerer. Item/wo die alten Leerer an Lutherus seiten steend/in gemälder leer vom leyb Christi/ so muß man auch dise zeügnuß in iren büchern finden.

i. Der leyb Christi ist auff einer zeyt allenthalben wie sein Gotheit.

ii. Der leyb ist allzeyt unsichtbarlich bey vns auff erden/biß zum ende der wält.

iiij. Seines leybs wäsen reicher vil weyter dan die gestalt/2c.

Merck. Diß bes kennet auch Melancthon. Aber söliche zeügnuß findet man bey keinen alten Catholischen Doctoren / sonder man findt außtrucklich das widerspil/wie oben ist erkläret. Darumb steend die alten Leerer im grund auch wider Luther an Zwinglius seyten.

Merck. Man sehet auch wol/das Lutherus vnd seine mitz

müßfreyter / gar wenig antwortend auff die vorerzelter zeügnuß / auß Augustino / Cyrillo / Vigilio / vnd Fulgentio / inen für geworffen. Dañ diese zeügnuß steend zu klar wider ire leer vom leyb Christi. Sy gehen lieber vmb mit anderen sprüchen Cyrilli / Augustini / &c. die etwas tuncfel per meronymiam geredt sind. Item sy gehen lieber vmb mit zornigen scheltworten / dañ mit freündtlicher schrifftmäßiger Christlicher Disputation / sondlich die yhenigen / die nur in nächst vergangnen jaren / den Sacramentlichen streyt widerum gegen vns erneüweret habend / vnd vns armen die herberge / bey Fürsten vnd stettē allenthalben gern Behinderen soltend.

Die Lutherische sehen.

Etliche habend die vorerzelter zeügnuß (die außtrucklich von dem wäsen des leybs Christi zeügend) allein auff die sichtbare gestalt seines leybs gedeutet / wie ire Bücher anzeigend. Welches ymer ein grosse blindtheit ist / oder ein wüßsentliche übelthaat. Sy habed noch kurtzlich den Augustinum also geglosiert. Aber die zeügnuß Vigilij / Fulgentij vñ Cyrilli habend sy dennoch nicht angerüret.

Gestalt.

Man sol auch wol in gedächtnuß behalten / dz Cyrillus / Augustinus / Vigilius / vñ Fulgentius / vnd andere alten / diese volgede sprüche Christi / allein auff seine Gottheit deutend. Sehe / Ich bin bey euch alle tage / biß an der wälende. Itē / Wo zwey oder drey versamlet sind in meinem namen / da bin ich mitten vnder inen.

Mat. 28.

Mat. 18.

Von dem Abentmal.

Joan. 3. Item/ Niemants fert gen himel/ daß der vom himel herab ist kommen / namlich des menschen sun der im himmel ist/ 2c.

Die alten schreybend/ daß söliche sprüche niche von dem menschlichē wäsen geredt seyend. Aber Lutherus vnd seine nachuolger im Abentmal/ deütend söliche sprüch so wol auff das mēschlich wäsen Christi / als auff seine Gottheit/ auff das sy ire neüwe leer (von dem vngemässenen vngendeten leyb Christi) mit sölicher neüwen deütung etwas erhalten mögind. Aber es wirdt in künfftigen zeyten nicht helfen / die aufgende warheit wirt hindurch tringen.

Lutherus.

Merck.

Auff jr gegewerffen/ von Gottes allmächtigē Feit/ vnd von der vereinigung der zweyen naturen in einer person/ sol hernach etwas geantworret werden.

Zeügnuß der alten von der Sacramentlichen weyse zereden.

Epistola 13. ad Bonifacium spricht Augustinus also: Wo die Sacrament kein gleychnuß bettend mit den dingē/ deren Sacrament sy sind/ so wäred sy gar keine Sacramēt. Auß diser gleychnuß empfabend sy auch gemeinlich den name der selbigen ding: wie d Apostel von dē Tauff sagt/ Wir sind mit Christo begraben/ durch den Tauff in den tod. Er sagt nicht / Wir bedeutend die begrabung damit: sonder er spricht gentslich / Wir sind begraben. Er hat das Sacrament eines sölichen

Merck.

Ein crs
empel.
Rom. 6.

Tauff.

lichen grossen dings nicht anders genennet/ Dañ mit dem namen deß selbigen dings/2c.

Libro 3. Quæst. in Leuit. Quæst. 57. hat Augustinus disen spruch (Das blüt ist die Seele/ Deut. Deu. 10. 12.) also außgelegt. Das die Seele bedeutet/ das selbig wirt ein Seele geheissen. Es ist gewonlich/ daß ein ding das etwas bedeutet/ genennet wirt mit dem namen deß dings das es bedeutet/ wie geschriben ist/ Die siben ähren sind siben jar. Dañ Gen. 41. er hat nicht gesagt/ Sy bedeutend siben jar. Vnd die siben oxsen sind siben jar/ vnd vil deß gleychen. Siehâr kumpt es das gesagt ist/ Der velß 1. Co. 10. war Christus: Dann er hat nicht gsagt/ Der velß bedeutet Chrustū / sond als ob der velß das selbige war gewesen/ dz er warlich nicht war mit de wassen/ sond mit der bedeutung. Also auch dieweyl das blüt die Seele bedeutet/ so ist es in den Sacramentē die Seel geheissen. Bisshâr Augustin.

Wid Adimantum cap. 12. spricht er weyter also: Das blüt ist also die seel/ wie der velß ist Chri- Deu. 12. stus/2c. Itē ein wenig darnach sagt er also: Ich mag das gebott (vō blüt deß vihes) außlegen/ 1. Co. 10. daß es in einē zeichen stee. Dañ der Herr Christus hat auch wol ddriffen sagen/ Das ist mein Mat. 25. leyb / do er inen ein zeichen seines leybs gab/2c.

Von solicher Sacramentlichen weyße zū sprechen sehe weyter Augustinum lib. ij. contra aduersarium legis cap. 8. Item Tractatu 63. super Ioannē vnd epist. 102. an Euodium/ vnd epist. 23. an Bonifacium klarlich.

Von dem Abentmal.

i. **Merck.** Mein lieber L&er/ sehe doch weyßlich auff die yetz gemälte wort Augustini. Er sagt kl&rllich/ d& die Sacrament in der heiligen schrifft also genennet werdind / wie die Dinge selbs heissend / die mit den Sacramenten vns bededeutet werd&d. Er nennet auch die Tauff vnd das Abentmal nebed den exemplen auß dem Mofi.

ii. Item/er leeret vns/ wieman die Sacramentliche etwas tuncfle spr&uche sol versteeen / vnd wie man sy sol außlegen / namlich also: Es bededeutet/ oder ist ein zeichen deß oder dises dings. Sehe seine ex&pel die er gibt/ von dem Velsen/ von den sib&n Ochsen/ vom Bl&ut/ vom Tauff vnd Abentmal/ &c.

iii. Er th&ut klare anzeigung / da& seine meinung sey/ Christus habe das brot seinen leyb genennet/ eben mit sollichem verstande / als die sib&n ochsen sib&n jar sind geheissen. Item wie das Bl&ut die seele/ wie der Vels& Christus/ vnnnd wie die Tauff ein begrabung ist geheissen. Das ist in sollicher massen/ wie man ein zeichen gewonlich also nennet/ als sein bezeichnete ding selb wirt geheissen.

Zeichen.
Merck. Summa/ er zeigt an / Christus habe das brot seinen leyb allein darumb genennet / da& es ein zeichen seines leybs ist. Vnd er hat die wort Christi (Das ist mein leyb) also gedeutet: Das brot ist ein zeichen meines leybs. Er meinet aber kein schl&cht gedenc&zeich&e/ sonder ein gar gwi&ß g&ndenzeichen / vnd ein sollich heilsam sigel Gottes/ wie ich oben dauon gesagt habe.

Auff

Auff gemälte weyß vnd meinung hat er auch lib. de Trinit. cap. 4. also geschribē: Diß nennend wir deß Herrē leyb vnd blüt/ das von den fruch-^{Augustinus.} ten der erden wirt genömen / vnd mit dem geistlichen gebät geheiliget / vnd wir nemmends ordentlich zum heil/2c.

Item über den dritten Psalmē spricht er/ Christus hat den Judam zu der malzeyt mitgenömen / da er seinen Jüngerē die figur seines leybs vnd blüts hat befolen vnd gelisret/2c.

Wider Maximinum lib. 3. cap. 22. sagt er: In den Sacramenten wirt angemerckt was sy anzeigen: dann es sind zeichen etlicher Dingē. Sy sind ein anders / vnd sy bedeutend ein anders/ ^{Merck.} 2c. Das ist / Sy sind nicht das selbig das sy bedeutend.

Der alt Leerer Tertullianus spricht lib. 4. wider der Marcionem also: Christus hat das genöme außgeteilte Brot seinen leyb gemacht / sprechend: Das ist mein leyb: Das ist / Es ist ein figur meines leybs/2c. Tertullianus wil sagen / Christus habe das Brot darzü verordnet/ daß es seyn sol ein figur seines leybs. Er hat es seinen leyb gemacht/ist so vil/ als/ Er hat es seinen leyb geneit. ^{Tertullianus.}

Theodorētus schreybt Dialogo 1. vom Nachtmal also: Vnser Heyland hat selb die namen abgewächset/ vnd hat seinem leyb den namen deß warzeichens gegeben. Vnd er hat dem warzeichen (oder dem gedenckzeichen) den namen seines leybs gegeben/2c. Sehe daselbst weyter. ^{Theodorētus.} ^{Joan. 6.} ^{Mat. 26.}

Vom dem Abentmal.

Wmge wandt. Theodoricus gibt gnügsam zu versteen/ daß die wort Christi im Abentmal eben solche meinung habind/ als ob sy in diser ordnüg stündind: Mein leyb / der für euch wirt gegeben / ist das: Das ist / Mein leyb ist Brot: item / Mein blüt ist weyn/ verstee der seelen/ die allein mit irem glauben solche speyß vnd tranck brauchend/ wie oben gemäldt ist.

Merk Joan. 6. Vide Theodo reu Dia logo 1. Die sprüche Christi im Abentmal (Das ist mein leyb/ Das ist mein blüt) habend kein andere meinung dann dise sprüche Joānis am sechs ten/ Mein fleisch ist Brot / Mein fleisch ist speyß/ Mein blüt ist tranck / Ich bin des läbens Brot. Wär diß sehet / der hat den rechten grund des Abentmals getroffen. Vñ es ist leichtlich zu merken. Sehe oben weyter.

Joan. 6. Libro tertio de Doct. Christ. cap. 16. schreybt Augustinus also : Wo ein gebietende rede ist/ damit ein übelthaat wirdt verbotten : item nutz oder wolthaat gebotten / die selbe rede ist nicht figürlich. Wo es aber scheynet / daß sy ein übelthaat gebiete : item den nutz oder wolthaat vers biete/ so ist sy figürlich. Dise rede (Wo jr nicht essend des menschen Suns fleisch/ vñnd trinckend sein blüt/ so werdend jr kein läben in euch haben) scheynet ein übelthaat zu gebieten. Darumb ist die selbe rede figürlich / vns Befelende mit des Herren leyden gemeinschaft zu haben. Item lieblich vñnd mit nutz wol in die gedächtnuß zu legen/ daß sein fleisch für vns gereütziget vñnd verwuns

verwundet sey. Biß hár Augustinus.

Dise vnderichtung sol man wol behalten.
Durch das wort figürlich / meinet er ein söliche Figürlich.
rede / die seltsam lauter / vnd nicht bloß nach dem
büchstaben mag verstanden werden.

Super Psalm. 89. schreybt er also: Ir werdend Vel 98.
nicht essen disen leyb / den jr sehet: vnd jr wer-
dend nicht trincken dises blüt / das sy vergiessen Sehe
doch lies
ber 24
ser.
werdend. Es ist ein geheimnuß / das ich euch sa-
gen / welches euch wirt läbendig machen / so es
geistlich wirt verstanden / ꝛc. Augustinus spricht
diß vnder der person Christi.

Lieber Läser / wie möcht man doch klärlicher
sprechen? Er redt ymmer gwüßlich von dem wä-
sen deß leybs vnd blüts.

Tractatu 25. spricht er: Was bereitest du zän
vnd Bauch? glaube / vnd (mit dem) hast du ges-
sessen / ꝛc.

Libro tertio de Doct. Christ. cap. 5. spricht er:
Söliche dienstbarkeit der seele ist erbarmlich /
weñ man die zeichen für die ding selbs helt / vnd
wenn man deß gemüts augen über die leybliche
creatur nicht kan aufheben das ewig liecht zü
schepffen / ꝛc.

Vnd lib. 3. cap. 9. also: Dem büchstaben vol-
gen / vnd die zeichen für die ding halten / die das
mit bezeichnet werdend. Söliches ist ein dienste-
bare schwachheit / ꝛc.

Diß sey nun gnüg auß den alten / von der Sa-
cramentlichen weyse zü reden.

Von dem Abentmal.

Vngloubige vnnnd böse communicanten.

Libro 21. de Ciuit. Dei, cap. 25. sagt Augustus
Lnus: Man sol nicht meinen/ dz diser den leyb
Christi ässe/ der selb nicht ist in dem leyb Christi/
vnd in welchem Christus nicht bleybt / noch er in
Christo.

3te im selbē capitel: Sy essend den leyb Christi
nicht (sagt er) die nicht glidmassen Christi sind/2c.

Origenes sagt super Mathæum cap. 15. offens-
lich also: Die Gottlosen essend nicht den leyb Chri-
sti: dan der selbige leyb ist läbendigmached/ Der
in usset/ der bleybt in jm/2c.

Hieronymus spricht super Esaiam cap. 66. Sy
essend das fleisch Christi nicht/ vnnnd sy trinckend
sein blüt nicht/ dieweyl sy nicht heilig sind an leyb
vnd geist/2c.

Augustinus spricht Tract. 59. super Ioannem
also: Die Apostel assend das brot / den Herren
selb. Indas aß des Herren brot wider den Hero-
ren. Sy (überkamend) das läbenn: diser die
straaff/2c.

- i. Summa Tract. 27. vnnnd lib. 21. de Ciuit. Dei
cap. 25. gibt er klärlich zü versteen / daß die behar-
rende bösen im Abentmal nichts anders empfa-
h. hind dann brot vnd weyn. Zü dem daß die glou-
bigen büßfertigen im Abentmal den leyb Chri-
sti warlich zü eigen empfabend/ vnd essend in/ vñ
trinckend sein blüt. Aber nicht mit dem leylichen
mund/

mund/sonder allein mit der seele. Daß er söliche meinung habe/volget offentlich auß disem.

Er nennet Brot vnd weyn ein sichtbar Sacrament. Den leyb aber vñ das blüt Christi selb nennet er die krafft/ vñ das Ding des Sacraments.

Die
Krafft.

Das Sacrament (sagt er) wirt vō etlichen zum tod/von etlichen zum läben empfangē. Aber das Ding des Sacraments (er meiner den leyb vnd das blüt selb) reichet allen menschen / die es empfangend/zum läben/vnd keinem zum tod.

Tract.
super Io.
annē 20.

Item er sagt / Das Sacrament (versteet Brot vnd weyn) werde mit den zänen getrucket oder angerüret. Aber die krafft oder das Ding des Sacraments (versteet den leyb vnd blüt) werde mit dem hertzen geäffen / vñ nicht mit den zänen angerüret/ıc.

Merck.

Lieber Läser / wie möcht man klärlicher sprechen? Vnd eben so klärlich schreybt er auch lib. 20. de Ciuit. dei/ cap. 25. Ich bitt die geleerten hertzlich / daß sy Augustinū an gemälten orten übersäsinde/vnd wol erwägen wöllind.

Gegenwurff.

Wie spricht dann Augustinus Epistola 118. ad Ianuarium/ oder anderstwo / daß im Abentmal der leyb Christi in vnseren mund gehezt
Antwort:

Diß thüt er erstlich eben mit sölicher meinung/ wie er sich selb hat erkläret mit seinem vorgemäl

Von dem Abendmal.

Sehe et
was zu
tuch.

ten zeugnissen von den Sacramentlichen sprit
chen. Siweyl das Brot ein zeichen/ ein figur/ ja
ein Sigel des leybs Christi ist/ so gibt er im auch
den namen des leybs. Vnd sagt/ daß der leyb in
vnseren mund geet/ weñ die figur oder das sigel
dareyn geet/ vñ kein leyb selb. Dife weyse zu spres
chen braucht er/ nach gewonheit der schrift/ vnd
nach gemeinem brauch auff erdē/ wie obē ist an
gezeigt/ daß die Sacrament vnd andere zeichen/
den namen der bezeichneten ding tragind.

Sehe zu
lieber Läs
ser.

Zu dem spricht er auch soliches/ der außgeens
den krafft halben (dauon oben gesagt ist) die ges
wüßlich Bey vnd in dem Brot vnd weyn ist/ vñnd
fürt vns gläubigē nicht allein in die seel / sonder
geet vns auch in den mund/ mit dē heiligten Brot
vnd weyn/ vnd heiliget nicht allein die gläubige
seel/sonder auch den leyb zur sälligē aufersteung.

Augusti
nus.

Dife heilsame krafft des leybs vnd blüts Chri
sti/ nennet Augustinus den leyb vñnd das blüt
Christi / eben wie man die krafft oder würckung
der Sonnen/ die Sonne nennet / sagende / Die
Sonne ist in difem oder in dem Ding. Item ich
sehe oder fule die Sonne/ wann jr würckung (je
scheyn oder hitze) allein wirt gemeinet. Also sagt
Augustinus auch/ Der leyb Christi sey im Abend
mal/ im Brot/ in vnserm mund/ in vnsern hertzen/
ic. vñnd meinet doch nichts anders/ daß die heils
same krafft oder würckung / die vom himmel auß
dem leyb vñ blüt Christi/ an das Abendmal/ item
an vnd in die communicanten reichet.

Die
Sonne.

In diser meinüg schreybend auch die anderen Andere Doctores. alten Doctores eben des gleychen: vnnnd wenn sy treiff sind geträthen in die betrachtung dises geheimnuß/ von der außgeenden krafft/ so habend sy etwan gar hyperbolice (das ist zu vil grob) Hyperbolice. von dem leyb vnd blüt Christi geschriben/ sonderslich Chrysostomus/ vnd Cyrillus/ 2c. damit dann grobe irrthum verurrsachet sind/ vnd noch beschriemet werdend. Man sehe Cyrillum über Joannē Cyrillus. lib. 4. cap. 13. lib. 10. cap. 13. lib. 11. cap. 21. lib. 12. cap. 30. vnd 58.

Itē man sehe Chrysostomū über Matth. Chryso. 23. mil. 83. vnd Homil. ad popul. Antioch. 60. vñ 61. Itē Homil. in Encenijis / 2c. da sein schreyben in feine wäge nach dē grobē büchstabē mag gedētet werden/ wie vnser widfager selbs bekenēnd.

Mit solichen figürlichen sprüchē (als man an gemalten vnd anderen orten etwan findet) habend die alten kein andere gegenwürtigkeit im grund gemeinet / dann die gegenwürtige krafft des leybs vnd blüts Christi / wie mit dē exempel d' Sonnen ist erkläret. Vñ diß grosse geheimnuß Geheimnuß. der außgeenden krafft (damit die gläubigē communicanten warlich an leyb vnnnd seel geheiliget werden) habend sy mit jren figürlichen worten bey dem volck gantz achubar machen wöllen.

Auff disen grund sol man sehen / wañ die alte Doctores überläsen werdend. Vñ yederman ein Merck. soliches geheimnuß im Abentmal wol betrachte / in rechtē glaubē / vñ in gutem läben / mit allem

Von dem Abentmal.

1. Co. 11. vermügen / Durch die angeruffne bereite hilffe
Gottes) vñ lassen die krafft des leybs vnd blüts
Christi / mit dem brot vnd weyn / in sich kommen
Joan. 6. vnd würcken / beständigkeit des güten glaubens
vnd lebens / nach dem spruch Christi / Der mein
fleisch isset / vñnd trincket mein blüt / der bleybt in
mir / vñ ich in jm / 2c. Ein yeder probiere sein hertz
vnd leben.

Sehe
oben.

Die vngläubigen vnd vnbüßfertigen cõmu-
nicanten (die keinen willen habend besserüg für-
zenemen) verständigend sich mit der empfahung
des Abentmals verdämlich. Dann sy mißbrau-
chend das Sigel Christi / vnd lassend die gegen-
wärtige krafft seines leybs vnd blüts nicht in sich
kommen / wie oben an seinem ort gesagt ist. Jedoch
mag das brot den namen des leybs / vñnd der
weyn den namen des blüts / noch wol behalten /
vmb des vorgemälten Bedeütens willen / vñnd
auch von wägē der beywäsenden krafft / wiewol
sy nicht wirt eyngelassen.

Also sagt Augustinus erwan / daß Judas vñ
vil andere / den leyb vnd blüt Christi vnwürdig-
lich empfahind. Vñ meinet doch nichts anders /
dañ daß sy die zeichen des leybs vnd blüts / nam-
lich brot vnd weyn empfahind.

Summa / die alten nennend das brot im Ab-
entmal den leyb / vnd den weyn das blüt Chris-
ti / vmb zwo vrsachen.

1. Erstlich vmb des Bedeütens willen.
 2. Darnach vñ der beywäsenden krafft willen.
- Darauf

Sarauf sol man wol mercken.

Vnd ist wol in gedechtnuß zu halten / daß der iij.
leyb Christi mit sölicher weyse sey im Brot des A=
bentmals: item in vnseren leyben / vnd in vnseren Im A=
bentmal.
seelen (verstehe vns gläubigen) wie die Sonne ist
in vns / vnd in anderen creaturen auff erden: Das
ist / nicht mit dem wäsen / sonder mit der außgeen
den krafft / wie vorgesagt ist.

Wie aber dise außgeende krafft des leybs vñ
blüts Christi auch täglich an alle gläubigen auff Täglich
erden reichet / söliches ist oben erkläret. O disen
grund sol man wol betrachten / vnd in das neuw
we läben träten.

Antwort von der all= mächtigkeit.

Spricht yemants / Es sey der Göttlichen all=
mächtigkeit wol möglich / dz der leyb Chri=
sti zu gleych an allen orten selb sey / vnd eben wol
ein menschlicher leyb bleybe: das ist / dz sein leyb
zu gleych vngemäßen oder vnendlich sey / durch
alle orte außgebreitet / vnd doch auch gemäßen
oder endlich sey / an einem ort begriffen / &c.

Auff söliches fürwerffen sol man diß antwor=
ten / daß die allmächtigkeit Gottes nicht wür=
cket wider die klare ewige warheit / vnd offenbare S:dnüg.
re ordnung Gottes. Wie nur die allmächtigkeit
Gottes diß nicht würcket / das ja zu gleych ja vñ
nein sey. Ziem das ein liecht zu gleych ein klares

Von dem Abentmal.

Merck. liecht/vnd ein schwarze finsternuß sey: item daß der schnee zü gleych ein kalter schnee / vn̄ ein brennend fheir sey/zc. Also würcket auch die allmächtigkeit nicht/ßz der endlich leyb Christi zü gleych endlich vnn̄ vnendlich sey : endlich mit einem ort yrgend begriffen/ vnd auch vnendlich durch alle d̄ter außgebreitet.

i. Das wa
sen des
leybs.
Es ist ein ordnung Gottes / vnn̄ sein will daß der leyb Christi selb auff einer zeyt an einem ort sey / vnn̄ nicht zü gleych an vilen orten/zc. wie in den gemalten exemplen (von dem ja/ schnee / vnd liecht) ein ordnung Gottes ist / vnd wie es mit der Sonnen ein ordnung Gottes ist/ daß jr leyb selb auff einer zeyt nur an einem ort sey. Derhalben ist auch der leyb Christi selb nicht im Abentmal.

Sonne. Aber die Sonne (nach der ordnung Gottes) jren schnällē lauff hat/von einem platz zum anderen. Also kan auch freylich Christus seinen leyb von einem platz des himmels zum anderen gar bald führen/ ja über alle schnälligkeit der Bewegung in anderen d̄ngen/ vnn̄ er th̄t̄s freylich/wann/vnd wohin es seinem Göttlichen willen wol gefelig ist / durch den gantzen pallast/ oder behausung des weyten himmels / in welchem er mit seinem leyb (nach der himmelfart) in der maiestat wonet: wie oben mit zeügnuß der heiligen schrift vnn̄ der alten Catholischen Leerer ist bewisen.

iiij. Es ist auch kein zweyfel/wo es sein Göttlicher will

will wäre / so köndte Christus auch seinen leyb wol bald vñ offtmal auß dem himel zu vns auff die erde bringen / vnd in widerum gen himel von Erden führen / ja er köndt täglich wol offtmal mit seinem leyb hār ab / vñnd wider hinauf gen himel farē. Aber die heilige schrift Bezeüget vns gnüg sam / daß sein will vnd ordnung sey / mit dem leyb nicht auff erden zu seyn / sonder im himel zu Bleyben / vñnd zu triumphieren / wie auch die vorge mälde vätter Bezeügend.

Versteet mit dem wäsen des lybs.

Summa / der streyt ist nicht von der allmäch tigkeit / sonder vom willen vnd ordnung Gottes. Mit diesem grund söltend vsere widstender ire sach Beweysen / so wöltend wir jnen gern folgen. Aber diß könnend sy nicht thün / wie ich bißhär gnüg sam hab angezeigt.

Merck

Auß diesem sehet man wol / daß man vns vn recht thüt / wann man vns nachsagt / daß wir der allmächtigkeit nicht glaubind.

i. Nachs red.

Item wann man vns nachsagt daß wir leer rind / Der leyb sey yrgend in einem platz des him mels also gebunden / daß er nicht von dannen scheiden / vnd in andere örter des himmels kom men möge. Dann wir bekennend ymmer / daß die menschheit Christi im himmel mit grösser ma iestat läbet / regiirt / vnd vnaußsprechlicher mas sen triumphieret / vñ wandlet durch alle die him lische wonungen / nach dem Göttlichen wolgefal len vsers Herren Christi Jesu.

q. Maies stat.

Von dem Abentmal.

Antwort von der person Christi.

Die altē. **A**ugustinus/Vigilius/Fulgentius/vnnd an-
lich / daß die Gottheit vnd menschheit in Christo
eben wol eine persona vñ ein Christus bleybind/
wiewol das Göttliche wäsen zü gleych an allen
orten ist/wann das menschliche wäsen/auff einer
zeyt/nur an einem ort ist. Item ob schon die Gott-
heit vil weyter mit dem wäsen reichet dann die
menschheit/vñ sey täglich Bey vns/wañ der leyb/
ja die ganze menschheit (mit dem wäsen) weyt
von vns vnd nicht Bey vns ist/2c. Sehe die oben
gesetzte zeitignuß.

Lieber Läser/dise bleybende einigkeit der per-
son bezeüged wir (genante Zwinglianen) eben
deßgleichen. Vnd mercket/daß Augustinus/Vi-
gilius/Fulgentius/2c. von keinen rechten Chris-
ten gestraffet seyend / daß sy mit irer gemalten
vnderscheidung der zweyen naturen in Christo/
der einigkeit seiner person vngemäß geschrieben/
oder zwen Christos / oder zwo personen in Chri-
sto damit gemacht habind. Warum wolte man
vns dann solches andichten? so wir doch in ges-
mälte vndschieden d' zweyen naturen/den grund
der heiligen schrift offenbarlich an vñser seyten
habend/vñ zü dem nichts anders saged daß von
den alten Doctoren vorhin klärlich ist geschrieben.
Warumb sagt man nicht / daß die alten in dis-
sent

sem vndercheiden vnrecht habind: Man solt sy billich erstlich angreyffen: Dann wo wir in disem irrend/ so habend sy warlich vorhin in disem geiret/vnnd vnseren irrthumb (mit irem schreyben) entweders verursacht/oder gestercket. Aber die schrift bezeitiget gnügsam / daß sy vnd wir recht habind.

Mercket doch diß lieber Läser. Eben wie die einigkeit der person in Christo / nicht zerbrochen ward mit dem / das hunger/ durst/ traurigkeit/ blutmergiessen/sterben/2c.allem von der menschheit ward erlitten / vnnd nicht von der Gottheit. Also wirt auch die einigkeit der person nicht mit disem zerbrochen / daß die Gottheit weyter reichet dan die menschheit. Daß die Gottheit allenthalben ist/ wann die menschheit nur an einẽ ort ist.

Lutherus vnnd seine nachvolger (im Abentmal wider Zwinglium) machend auß der einigkeit der person in Christo diß argument.

Sieweyl die Gottheit vñ die Menschheit Christi eine person machend / so ist auch seine menschheit allzeyt da gegenwürtig / wo seine Gottheit gegenwürtig ist. Die Gottheit ist zu gleych allenthalben/darumb ist auch die menschheit (mit leyb vnd seel) auff einer zeyt allenthalben. Ergo/2c.

Dise rechnung ist wider die heilige schrift/ vñ wider die alte Catholische Doctores / wie oben mit klaren zeügnussen ist erwisen: sonderlich hat Augustinus wider diß argument etwas geschriben Epist. 57. ad Dardanum. Vnnd es ist warlich

Argument.
Augustinus Epi
sol. 57.

Vom dem Abentmal.

groß wunder / daß nur noch etliche iraffenliche
leüt in der betrachtung dises arguments so vn-
besüßen seyn mögēd. Dañ mit diser weyß köndt
man auch vil grobe irrthumb eben so wol glosie-
ren vnd erhalten.

Wie die zwo naturen in Christo ire sonderlis-
che eigenschafften behalind / vnd doch eine pers-
son machind / solliches sehe auch bey Theodoro
Dialog. 3. Item sehe zū rugt die alten Leerer.

Vrsach viler irrthumb.

Warlich die Päßliche leer von der vn-
sichtbarē gegenwürtigkeit des natürlic-
he leybs Christi an allen orten / köndt ley-
chlich ein vrsach seyn vilerley ketzeren / in
verscheiden manieren.

i.
Zwoh
leybe.

Man köndt bald in den whon geraaten von
zweyen leyben / daß der ein sichtbar sey / mit ge-
stalt vnd größe vns gleych / zc. vñnd daß der an-
der vn sichtbar sey / durch alle öter außgebreitet /

ii.

Gestalt.

z. Oder man möcht mit disem whon betrogen
werden / daß die sichtbare menschheit Christi nur
ein eytele gestalt eines leybs (on wäsen) wär ge-
wesen. Vnd also möcht man den rechten glauben
verlieren / von der empfangnuß / geburt / todt /
aufersteung / vnd himmelfart Christi.

Man möcht gefährlich dencken / daß es vil
leicht alles nur phantasterey (das ist / nur ein
scheyn

scheyn on thaat oder vnwarheit) möcht seyn gewesen / was von disen articklen ist geschriben / vnd vns befolen zü glauben / wie Marcion vnd ^{Marcio.} seine gesellen vormals gesagt habed : da für vns Gott behüte.

Oder man köndt leychtlich in disen irrthumb ^{ij.} fallen / daß der leyb Christi (nach der aufersteeung / oder nach der himmelfart) von der Gottheit ganz verzeeret / oder in die Gottheit sey verwandelt / wie vormals Eutiches vñnd seine an- ^{Eutiches.} henger gemeinet vñnd geleeret habend. Wider welche leüt Vigilius / Theodoretus Episcopus Cyri / vnd Fulgentius gestritten habend / wie in iren bücheren ist zü vernemen. Vñnd warlich was von gemälden Doctoren geschriben ist wider die Eutichianos / das selbig steet auch ofsenbarlich nur für vns / wider vnserere gegestreyter im Abentmal / sy seyend Pöpfflichen oder Luterischen.

Warlich vnserere gegestreyter habend (mit Merck- irer leer vom leyb Christi) im grunde grosse verwandschafft mit den Eutichianen / ob sy es schon ^{Eutichianen.} mit worten hefftig verneinend. Wo die gemälte Doctores zü diser zeyt läbtind / sy wurdend gewißlich eben die selbe argument wider vnserere gegestreyter brauchen / die sy wider die Eutichianen gebrauchet habend.

Zü disem ist zü mercken / daß die Maß / das ^{Maß/ie.} opfferen / das vñntragen / auffschliessen vñ anbat- ten des Maßbrots / auch auß dem grund diser

Von dem Abentmal.

Päpfflichen leere (vom leyb Christi) sey here kommen / vnd werde noch darmit erhalten. Ja auch die abschaffung vnd vnderlassung des gesägneten weyns. 3te die erzehlung der wort Christi in vnerkannter spraach/2c.

Behinderung des geistlichen essens/2c.

Mer das alles erfindt sich auch / daß die grobe meinung (von dem essen des leybs / vnd von dem trincken des blüts / mit dem mund des leybs) ein behinderung sey des obgemälten waren notwendigen geistlichen essens vñ trinckens mit der seele / das von Christo im Abentmal eigentlich angebildet od bezeichnet vñ befohlen ist.

Ein behinderung sag ich / nicht allein bey dem Päpfflichen volck / sonder auch bey dem gemeinen genannten Euangelischen volck. Dann dies weyl man also bekümmert ist mit dem bedenckē / verzeren / vnd essen des vermeinten natürlichen leybs vnder dem Brot / vnd trincken des blüts vnder dem weyn: so wirdt das heilsame / geistliche / bezeichnete / eyngefarzte / befolne essen vnd trincken mit der seele / gemeinlich vergäffen vnd vnderlassen / so wol in der empfangung des Abentmals / als in dem täglichen läben / welches zu vil gemeinlich bey solichē leütē / nach dem empfangenen Abentmal mit wüßentlichen beharrlichen sünden / eben so bestocket bleybt / wie es vorhin ist gewesen.

Ach / man gedencet im Abentmal gemeinlich nicht weyter / daß den leyb vnd das blüt Christi nur einen augenblick oder zwey / in dem munde zu haben / vñ mit sollichem vermeinten anrürē seines leybs vnd blüts / von sündē gefreyet / oder etwas geheiliget zu werden (ich rede von den gesunden vnbüßfertigen) eben wie man im Papstthumb mit dem vermeinten gebein der heiligen / oder mit anderem vermeinten heiligthumb ist vmbgangen / damit man sich hat bestreychen lassen / in blinder meinung / daß die leüt mit dem leyblichen anrüren solliches heiligthumb geheiliget werdind / vnd verzeyhüg der sünd habind.

Wie sich vil Papisten (bey iren Bilderen) mit dem genannten heiligthumb eüsserlich bestreychen lassend / die doch keinen willen habend / selbs mit gutem gewüßsen heilig zu läben / nach dem exempel der gestorbenen heilgē. Also gedencend auch vil genañte Euangelischen / daß sy iren leyb (im Abentmal) mit dem leyb Christi wöllind bestreychen vnd anrüren lassen. Welche doch nicht gedencē noch arbeiten wöllend den Herrē Christum geistlich in iren hertzen zu haben / mit seiner bleybenden wonung vnd regierung. Joan. 6. vñ 14. Rom. 8.

Von sollichen cōmunicanten wirt die sach gar vmbgewandt. Christus wil seinen leyb (mit dem wäßen) auffer vns haben / vnd seinen geist wil er täglich in vns haben. Sy aber wöllend den leyb Christi (einen augenblick oder ein fleine weyl) in

Von dem Abentma.

- Der** vnserem mund haben / vnd den geist Christi / mit
geist. dem newen läbē / wöllend sy auffser vns haben.
- Die** Christus wil die krafft seines leybs (wie vor
krafft. gemält ist) täglich in vns haben mit newem
danckbaren läben. Sy aber wöllend das wäsen
seines leybe (etlich mal im jar) ein kleine weyl in
jrem mund haben / vnd eben wol in dem fleischli-
chen läben bleyben.
- Erfarüg.** Summa / die erfahrung bezeügt diß gemeinlich /
wo der wohn deß leyblichen essens vñ trinckens
am meisten ist / vñnd mit der meisten häffigkeit
wirt beschirmer : daselbst wirt das geistlich essen
vñnd trincken mit der seel / am wenigsten im Ab-
entmal betrachtet / vñ also würcklich für genom-
men / daß die Enderung deß lasterhaftigen ver-
damlichen läbens druß volge / nach den worten
- Joan. 6.** Christi / Welcher mein fleisch isset / vnd mein blüt
trincket / der bleybt in mir / vñnd ich in jm. Es
- predican** wirt auch von den gemeinen Predicanten (die
ten. disen wohn habend) nicht verstendlich / noch
eyferig gnüg getriben. Vnd mag auch wol deß
gleychen von etlichen träffenlichen (deß glau-
bens) Scribenten gesagt werden.
- Merck.** Wann es schon so wäre / daß Christus im Ab-
entmal / so wol ein leyblich essen seines leybs
mit dem munde / als ein geistlich essen mit der
Das seele / eyngesetzt hette / so müßend sy doch selbs
geistlich noch in jren hertzen diß erkennen / daß man bil-
essen / zc. lich die betrachtung vñnd übung deß geistlichen
essens

essens / mit predigen vnnnd schreyben / ymmer so scharpff / ja vil ernsthafter von den leüten sol forderen / Dann die betrachtung vnd übung des leyblichen essens : dieweyl das geystlich essen vil notwendiger ist / vñ vil nutzer dan das leybliche / wie sy selbs bekennend.

Sy bekennend ymmer selbs / das leyblich essen möge beschehen on enderung des offenbaren sündlichen läbens wider das gewüssen / vnnnd könne deshalb selb sünd seyn / vnnnd ein vermeerung der verdammuß. Dagegen müßend sy ymer auch bekennen / daß auß dem geistlichen essen allzeyt ein netiwes läben volget. Dan Christus sagt selb / Welcher mein fleisch isset / vnnnd mein blüt trincket / der bleybt in mir / vnnnd ich in jm / 2c. Vnnnd die erfahrung bezetiget desgleichen. Darumb sol man ymmer das geistliche essen / noch vil scherpffer vnnnd offter treyben dan das leybliche / wañ schon das leybliche auch geordnet wäre.

Nur beschicht aber das widerspil von etlichen Scribenten / vnnnd von seer vilen Predicanten / die dem Luthero wider Zwinglium im Nachtmal volgend.

Das weniger von nöten wäre (wañ es schon so wäre geordnet) das selb trey bend sy am meisten : vnnnd das allzeyt mer von nöten ist / das trey bend sy am wenigsten. Sy rüffend in jrem predigen vom Nachtmal / vil mer von dem

Joan. 6.

Merk
läser.

Von dem Abentmal.

leyblichen dann von dem geistlichen essen / das auß dem waren glauben neüwigkeit des läbens würcket.

ij. Das streytig vnd jnen vngwüß ist / forderend sy vil sberpffer / dann das jnen gewüß vnd vns streytig ist.

iii. *Sehe zu.* Das im Abentmal mit vnuerstand von menschen wirdt gefantisiert / das treybend sy herter dann das Christus im Abentmal eigentlich im grunde hat gemeinet vñ befolen / wie das sechste capitel Joannis erkläret.

iiii. Das kein enderung des fleischlichen verdammlichen läbens bringt / forderend sy vil mer dan dißes das die sällige enderüg warhafftig würcket / vñ vns bey gütem läben (in rechtem vertrauwen zu Christo) Beharrlich stercket.

Lieber Läser was kumpt aber güts auß sölichem predigē vom Abentmal: vnd auß jrem anhangen schälten vnd schmähen über vns genante Zwinglischen: die sy mit grossen vnrecht / wider die warheit Gottes / Schwermer vñ Sacramentschender heissend. Warlich die erfahrung bezeuget wol was söliche Kirchediener außrichtind / ire zühörer / vnd communicanten bleybend gemeinlich gar vngebesseret in dem läbē / vnd vnuerstendig in dem edlen Abentmal Christi / wie vor gemält ist / vnd überkömend (vil auß vnwüßsen) ein bitter hertz wider vns ire rechthabende mitbrüder in Christo. Der allmächtig Gott wöl alle irrigen mit seinem geist erleuchten.

Etliche

Etliche tuncle sprüch.

Die folgende sprüch mag man nicht grob nach dem blossen Büchstaben versteeen/ sonder man müß sy nach dem gemeinen sin der heiligen schrifft/vnd nach den articlen des Christlichen glaubens richten/vnnd sy figurlich deuten.

- Das wort (oder Gott) ist fleisch worden. Ro. 12.
Joan. 1.
 Christus ist gestorben. Rom. 4.
 Christus hat Brüder. Marc. 3.
 Gott hat seine gemein erworben durch sein eigen blüt. Act. 20.
 Gott hat blüt.
 Der vatter ist größser dann ich. Joā. 14.
 Ich vnd der vatter sind eins. Joā. 17.
 Der sun hat kein wüßsen von dem letzten tage. Mar. 13.
 Das ist mein leyb/ıc. Mat. 10.
 Diser kelch ist das newwe Testament. 1. Cor. 11.
 Der sun ist das wort Gottes. Luc. 8.
 Die kirch ist der leyb Christi. Ephes. 1.
 Wir vil sind ein brot. 1. Co. 10.
 Du bist erden/vnd solt wider zu erden werde. Gen. 3.
 Fleisch vnnd blüt werdend das reych Gottes nicht besitzen. 1. Co. 15.

Der zweyt Adam ist hiñlich.

Wie dann Abraham ward b. n ich/ıc.

Joan. 8.

Dieschrifft ist voll solicher sprüchen.

Sehe doch zu mein lieber Läser/ was auß diesen vnd vilen anderen sprüchē der heilige schrifft volgen wurde/ wo man sy bloß nach irem büchstabē versteeen wölte. Das fundament vnsero

Von dem Abentmal.

glaubens in den fürnemsten puncten / sol öffentlich damit verneinet vñ vns abgenomen werde.

No. 12.
Sit analo
gia fidei.

Man muß in den erzelten sprüchen zusehen / daß die auslegung nicht lauffe wider die ware Gottheit / oder wider die ware menschheit / oder wider die ware person in Christo: item wider die ware aufersteüg vnser s fleisches: oder wider die vntödtligkeit der seelen: oder wider den geistlichen vrsprung der seelen: oder wider das blosser Göttliche wäsen / &c. Vnd eben deßgleychen muß man zusehen an vilen orten.

Merck
heber Läs
ser.

Wie man dise sprüch / Der vatter ist grösser dan ich / Der sun hat kein wüssen vom letzten tage / &c. dermassen muß deüten / daß die Gottheit Christi nicht verneinet werde. Also muß man auch dise sprüche / Das wort ist fleisch worden / Das brot ist mein leyb / Der weyn ist mein blüt / &c. dermassen versteen / vñ also auslegen / daß die ware menschheit Christi (in jren eigenschafftten) nicht damit vertuncklet / oder (im grunde) verneinet werde. Item daß die auslegung nicht streyte wider vil klare sprüch der heiligen schrifft an anderen orten.

Eigens
schafft.

Eben wie der leyb Christi / nach der himmels fahrt dise eigenschafft hat / dz er warhafftig fleisch vñ blüt behelt. Also bleybt auch deß selbē leybs eigenschafft (durch Göttlichen willen) daß er mit dem wäsen auff einer zeyt nur an einem ort sey / vñ nicht zü gleych an vilen / oder an allen orten.

Wie

Wie die allmächtigkeith Gottes kein wunderwerck thut/damit des leybs fleisch vnnnd blut wirt vernichtiget. Also thut sy auch kein wunderwerck / damit des selben leybs umbschreybung vnnnd begreyffung mit einem platz wirdt vernichtiget/ wie vorhin mit der heiligen schufft vnd mit den alten Doctoren gnügsam ist erwisen. Theodoretus Cyri Episcopus sagt also/ Dialog. 2. Der leyb Christi hat warlich seine vorige gestalt / wäsen / vnnnd umbschreybung / zc. sehe daselbst.

Das gegenwerffen vnserer widerstreyttern/ von der wandlung auff dem wasser / vnd durch beschlossen thüren/zc. dienet nicht zu irem fürnehmen/ sonder ist vil mer für vns/ die weyl die gemälde umbschreybung des leybs mit einem platz/nicht damit verneinet od vernichtiget wirt/ sonder offenbarlich bestätiget vñ erwisen / durch gewüsses ansehen vnd greysen. Solliche wandlung Christi mit dem leyb / ist auff einer zeyt nur an einem ort beschehen / vnd offenbaret worden. Das soltend sy bedencken.

Summa / auß bißhär angezeigten gründen ist gewüßlich zu verstecken / daß wir genannte Zwinglianen / in dem Sacramentlichen streyt recht habend/ vnnnd daß wir von vnseren widerlageren (sy seyend Papisten oder Lutherischen) des Abentmals halben / mit grosser vnbilligkeith geschmehet vnd verlestet werdend.

Von dem Abentmal.

i.
Corpus
phantasti-
cum.

Sehe
oben.

ij.
Manducatio
pharisaica.

Mercf.

i.
Corpus
uerum.

Mercf.

ij.
Manducatio
uerum.

Sy dichten dem Herren Christo (wider die heilige schrift) ein soliches leyb an / den er nicht hat. Dañ Christus hat keinen vn-gemäßen leyb / sonder er hat einen waren gemäßen leyb / wie oben gnügsam ist bewisen mit heiliger schrift / vnd mit den vättern.

Sy phantasiered (aus vnrechter ansehüng des büchstabens) ein soliches essen des leybs Christi / vnd ein soliches trincken seines blüts / das nimmer geschicht: Dañ der leyb Christi wirt nimmer mit vnserem fleischlichen munde geäffen: vnnnd sein blüt wirt nicht nimmer also getruncken. Sehe oben die be- weysung. Itē der leyb Christi wirt nicht anders geäffen: vnnnd sein blüt nicht anders getruncken / Dañ mit dem glauben / vnd nimmer on glauben.

Wir aber (die sy Zwinglianen heissend) schrey bend vnnnd predigend von dem waren leyb / der von vns gen himmel warhafftig ist gefaren / so wol mit dem wäsen als mit der ggestalt. Vnd wo- net im himmel / in der herrlichen maiestat. Wir lassend den leyb Christi bleybē bey seinen geord- neten eigenschafften / eben wie die heilige schrift vnnnd die alte Catholische Doctores davon an- zeigend.

Item wir schrey bend vnnnd predigend von eis- nem waren läbendigmachenden essen mit den gläubigen seelen / daß allzeyt ein enderung des bösen / vnd ein sterckung des güten läbens wirt / cket / wie die schrift anzeigt / vnd wie die erfahrung im hertzen bezeuget. Vñ der Herr Christus meinet ge-

net gewüßlich kein ander essen im Abentmal dan
 diß einig/wie gnügsam ist erwisen.

Sieweyl dan disem allen also ist/so sind ymer
 alle ermanete Oberkeiten des Christenlichen na- Oberkei-
ten.
 mens schuldig / solliche warheit Christi nicht zu
 vernolgen/sond sy zu beschirmen/ vnd den vnbil-
 lichen müwillen vnfers gegenteils weeren. Bes-
 uorab soltend solliches thun die Oberherren der
 Augspurgischen Confession / die sich des Euang- Augspur-
gischen
Confess.
 gelij wider das Papsthum sonderlich rümend/
 vn̄ auch die warheit Christi in vilen articklen gar
 loblich fürderend. Ey sy soltend auch die warheit
 vn̄ diener Christi in disem artickel / von vilen vns-
 billichen Kirchendienerē / nicht lenger so greüw-
 lich verschmehen vnd verlestern lassen: itē/keine
 herberge noch Kirchendienst jnen abschlahen / ꝛc.

Warlich wo man beharrlich hinfort vrlaub
 gibe/ mit gewönliche scheltwoitē über die rechts-
 habende Diener Christi heraus zu farē / Itē wo
 man jnen die wongung wegeret/ oder sich von Kir-
 chendienst absetzet/ꝛc. Da ist nicht wenig zu Bes-
 sorgen/das auch diser vsach halbē wol ein gros-
 se zeytliche straaff (ich geschweygē der ewigen)
 über solliche ermante Oberherren / vnd über jren
 anhang fallen möchte. Dan mit Gott ist nicht zu
 scherzē: seine warheit ist (leider) zu lang verles-
 tet worden / man hat den vnbillichen müwillen
 viler Kirchendienern zu lang wider vns würckē
 lassen. Es ist zeyt das sich die Oberherren der
 Augspurgischen Cōfession / in der Sacraments

Von dem Abentmal.

liche sach besser bedeckind/ vñ vndersteeind müglicher massen / ein fridsame einigkeit zü machen.

Merck
von der
Aug-
spurgis-
chen Cō-
fession.

Vnnd hie ist auch diß anzumercken / daß die worte der bekantnuß vom Abentmal in der Augspurgischen Confession/ also gesetzet vñ geordnet seyend / daß sy mit vnserer leer vō Abentmal im grunde recht überein kōmen. Diß ist geschehen durch Gottes gnädige scheidung / vñ wüßend der trāffentlichen Theologen/ die solche Confession bewilliget/ geapprobieret / vnnd vil leicht auch mit geordnet habend.

Meläch-
thon.

Etliche meinend / daß der fürnemest Author der Augspurgischen Confession/ Philippus Melancthon/ schon zü der zeyt die warheit heimlich erkannt habe / vnd daß die wort vom Abentmal mit fleiß von im also geschriben seyend. Ob es also sey/ kan ich nicht eigentlich wüßsen. Aber diß halt ich für gewüß/ daß Philippus vil jar (ja auch lang bey dem läben Lutheri) besser gewüß habe/ vñ dennocht geschwigē vmb fridens willen/ oder vmb andere vsachen / mit beirübte gewüßsen. Ich hoffe aber / daß er hinsort nicht lenger schweygen / sonder seine meinung frey herauß offenbaren werde/ wie er Christo vnnd seiner beirübten kirchen schuldig ist zü thun.

Merck
lieber
Läser.

Die gemälte scheidung Gottes (dß die bekantnuß vom Abentmal in der Confession gesetzet/ in allen worten mit vnserer leer überein kumpt) ist meins bedunckens ein gödtliche anzeigung vnd vorbildung / daß die lobliche Stende der Augspurgis-

Ein vor-
bild.

spurgischen Cöfession / sich in diser sache noch besser bedenden werdind / vnd zu letzt eben solche meinung vom Abentmal Christi annehmen / als die von Zürich vnd Geneva sampt iren anhangenden Kirchen habend. Ich hoff auch daß unsere yetzige widerstreyter nicht allzeyt in diser sache so vnbesinnet / vnd nicht allzeyt so hart wider vns erbitteret bleyben werdind. Gott geb jnen seine gnad.

Sie muß ich abermals protestieren / daß ich Martinum Lutherum (wie billich ist) hoch achten. Dann er ist ein traffenlicher Diener Gottes in der Christenheit gewesen. Vnd ist mir leid / dz sein lobwürdiger name / mit dem Sacramentalen handel wider vns / etwas sey beslecket worden. Wir wolten die vergangne hendel gern in vergeßung fallen lassen / vnd Lutherum gern in eeren halten. Aber seine übelbedachte nachfolger schendend iren meister von neuem / so offtmal also sy seine irrthum so fleischlich (mit schälworten) beschirmend.

Hette der gute Lutherus gewüßt / daß er nur wol weißt / er wurde freylich vil anders vom leyb Christi geschriben haben. Er wurde freylich sich ee haben tödten lassen / dann er mit solchen vnbilligen schälworten über vns wär gefaren.

Von dem Abentmal.
Gütemittel die warheit
zū erkennen.

Die Oberherren der Zugspurgischen Confession köndtend in diser Sacramentlichen sache wol bald auß der finsternuß in das klare licht kommen / wo sy nur dise folgende mittel weyßlich brauchen wöltend.

- i. Das erste mittel ist / daß man die beste streytsbücher (an beiden seyten geschriben) selbs andechtig sol überläsen / oder dz wäre überläsen andechtig anhören / vnd die fürnemste gründe (auß welchen die beweysung wirt gezogen) an beide seyten wol erwägen / mit hertzlicher anruffung Gottes / vmb rechte erkantnuß seiner edlen warheit.

*Bulling.
Caluin.* An der Zürychischen seyten / das ist / an Zwinglii seyten / sol man übersehen die Decades Henrici Bullingeri / vnd die Institution Joannis Caluini / 2c. Dañ die meinung der theuren männern Gottes / Zwinglii vnd Ecolampadii / ist gar träffentlich von jnen erkläret worden. Item / man läse die bücher Herren Joannis a Lasco / oder Petri Martyris / 2c.

- ii. Das zweyte mittel. Wo ein fürst / oder ein anderer Oberherr selb des Latins vnerfahren ist / oder auch kein lange matery mag läsen / oder hören läsen / der selb sol also thun. Erstlich solt er einen geleertē fromen anhenger Lutheri zū jm beruffen / vñ von jm allein hören was Lutherus im Abentmal für einen grund habe / vnd was der grund Zwinglii sey.
- Dara

Darnach sol er deßgleychen einen geleerten frommen anhenger Zwingliß beruffen / vnd auch allein von jm vernemen / was Zwinglius für einen grund habe / vnd was der grund Lutheri sey. Ein Oberherr sol sich mit dem anzeigē einer party nicht benügen lassen. Dañ es kan bald geschehen / daß einer die sach seines widerteils nicht so treüwlich anzeigt als sein eigne sach. Vñ man sol einen yederen ermanen die sach mit gütten gewüssen anzüzeigen on alle bitterkeit über seinen nächsten.

Zü lestt sol ein Oberherr dise gefragte personen an einem anderen tage bey einander bescheiden / vnd ire Disputation vom Nachtmal auch selb mit fleyß anhören in Bekannter sprach. Warlich mit disem köndt ein Gottliebende Oberkeit bald mercken bey welcher teil der beste grund sey.

Das dritte mittel ist / dz man die männer / die nur den tröfflichsten namen der Euangelischen geleertheit vnd Gottsförchtigkeit habend / müglicher massen von beiden partyen bey einander sol beruffen / ein freündliche Christliche Disputation (ausß der heiligen schrift / vnd auch ausß den alten Doctoren) über dise sach zü halten on alle bitterkeit / die bißhär bey dem anhang Lutheri zü vil gewonlich ist gewesen. Solliche Disputation soltend die fürsten / sampt iren fürnemsten Räten (wo es müglich wäre) selbs vmb Christi willen langmütig anhören / vnd wol betrachten / was gründe von beiden seyten fürgebracht werdind.

ij.

Von dem Abentmal.

Dispu-
tation.

Vnd dise Disputation sol billich etliche tãge von neuwem gerepetieret/oder widerholet werden/ auff das die zühörende Oberherren/ sampt iren Räte/ durch söliche widerholung/ die sach grundlich versteeen möchtẽ. Zu dem auch deß halben/ daß keine partey zu klagen hette/ man wäre cylents durch listige rechnung verstricket/ vñ nicht warhafftig/ sonder nur im scheyn überwunden worden.

Ich versich mich gewüßlich daß die geleerten vñ Kirchendiener auff vnserer seyten bereit werdend seyn zu sölicher freündliche Christenlichen collation. Es werdet auch die leerer der anderen seyten söliche Disputation gern bewilligen/ ansehen/ vnd zum Christenlichen Friden arbeiten.

iiij.

Das vierdte mittel ist / dz ein yeglicher Fürst/ allen geleerten (die in regierung der kirchen vñ in schulen vnder seinem gebieten dienst habend/ oder sunst vnder jm wonend) freye erlaubnuß sol geben/ on alle gefärligkeit ire meinung zu offbaren/ vñnd frey zu malden/ ob sy es im artikel vom Abentmal mit Luthero haltind/ oder mit Zwinglio. Deßgleychen söllend die Graffen vnd Regenten der stette auch thün.

Mit diesem mittel köndtend die Fürsten vñnd Stende der Augspurgischen Confession bald vernemen/ daß die frömestten geleertisten Theologi in iren landen vñnd Stetten/ an Zwinglium seyten bey den Zürychern / mit dem hertze steen/ vnd

vnd erkennen vor Gott / daß der gute Lutherus (der sunst dennoch ein fürtrassenlicher sonderlicher mann Gottes in dem kirchendienste ist gewesen) in diesem puncten geirret habe / vñ gar vnbillich durch seine schmaachwort mit vns gehandelt.

Etliche habend sich noch still gehalten / vmb Des gemeinen Christenlichen fridens willen / vnd gewartet auff bessere gelägenheit / ire heimliche meinung zu offenbaren / wie sy bey iren getreüwen freunden etwan protestierend. Etliche aber (ja freylich an vilen orten) schweygend Deshalbten / auff das sy ire Empter vnd dienstgält / in Kirchen vnd Schulen behalten mögind. Item auff das sy nicht für Schwermer vnd Sacramentschender / von den fleischlichen müthwilligen leüten / außgeruffen vñ verlessteret werdind : sunst wurdend sy allenthalben ire meinung bald offenbaren. Soliches mögend die Oberherren der Augspurgischen Confession freylich für ein gewüsse waarheyt halten.

Daß aber die yhenigen (so die erkannte warheit in diesem puncten verschweygend) nicht recht thünd / das selbig kan man leichlich ermessen / vñ auch wol bedencken / daß sy freylich nicht kleine Bekümmernuß in iren hertzen darüber tragend / wann sy die sach vor dem angesicht Christi wol erwägend / vñ ist zu verhoffen /

Von dem Abentmal.

Daß sy solche beschwärnuß ihres gewüßens in kurtzer zeyt ablegen werdind: vnd frey herauß sagen, was sy güts im hertzen bedeckt habind.

Wittemberg. Marspurg/16. Ich meinē sonderlich die yeningen/ die nur die meiste Theology vnd achtung habend: sy seyend zu Wittemberg/zü Leiptzig/zü Marpurg/oder an anderen orten gefassen/sy habind Kirché oder Academias zu regieren. Was wöllend sy doch so vil fromme leüt/nach lenger über ire meinung zweyßlen lassen? Warumb woltens sy ir gewüßsen nicht zeytlich entladen? Christum durch maldung seiner warheit nicht vereeren? die Kirche Gottes nicht helffen besriden? ee dan sy mit dem tod übereilet werden möchtend / da das lange schweygen inen ein grosse beschwärnuß seyn wurde.

Ob man schon die Empter darüber müßt verlieren/ oder die wonung an ein ander ort verrucken/ was wär vil dran gelägen? Habend doch die propheten vnd Apostel/ ja Christus selb/ von einer statt in die ander weychē müssen. Des Herren ist die erde an allen orten/ Gott kan seine treu weliebe diener (die seine warheit frey herauß sagend) wol auffer Wittemberg/ Leiptzig/ oder Straßburg/an anderen orten erhalten.

Über das müß man doch diß läben aufferden durch tödlichen abgang bald verlassen/wie man täglich sehet vor augen. Was sol dann ein Christ (diser kurtzen irrdischen wonung halben) sich so fleinmütig mercken lassen? Sonderlich die yeningen/

nigen/die mit grosser weytbekannter geleertheit vñ Gott so reychlich sind begaabet/das sy leichtlich ein traffenliche vnderhaltung findend/ es sey in Academien/Kirchen/oder anders. Die hoch geleerte.

Ich bin ein geringer vnbekannter schlechter Kirchendiener/vnder einer lobliche Oberken der Augspurgischen Confession gefassen/vnnd weiß mich keiner grossen geleertheit zu rümē/ warum ich wol bessere entschuldigūg meines stillschweygens hett/dann die weytbekannte achtbare hochgeleerten/auff welcher leüt zeügnuß vnd vtheil/von vilen Gottliebenden Christen(zum fridē der Christenheit) nur seer begirlich wirt gewartet. Aber dannoch bin ich vor Gott/in meinem gewüssen (mit dem verschweygen der erkannten warheit in diser sach) dermassen bekümmert/das ich bald meinen dienst dran wagen/vnnd meine meinung mit bekantem nammen wird offenbaren müssen.

Vnd ich hoffe/das allenthalben vil andere Kirchendiener(denen das schweygē wider jr gewüssen zu vil schwär felt) des gleyche thun werdind. Ob schon die geleertisten hinfort gewonlicher weyß/mit besleckten hertzen/stillschweygen vnd heuchlen wurdend. Heuchle.

Es möcht auch villeycht(durch göttliche schickung) ein mal darzu kommen/das solche hochgeleerte schweyger(die sich bey iren vertrauerten freunden dennoch gnügsam habend merckē lassen) vnuersehens vñ yemants mit namēn hars

Von dem Abentmal.

für an den tag gezogen wurdind/ dz sy eins vor
Beiden thun müßend/eintweder die erkännte war
heit(wider jr gewüßsen/vm jres Bauchs willen)
offentlich verlöbgnen(welches jnen dan wol ein
verfiglung der vnsäligkeit seyn köndte: Joder ein
mal frey heraus offenbaren/was sy heimlich lan
ge zejt im hertzen getragen habend.

Summa/ich ermane vnd bitte die Gottlieben
de Oberherrē/Jtem die Kirchendiener / Schül
meister vnd andere gemeine Christen / dz ein yed
er (nach gelägenheit seines standes) alles ver
mügens darzu wölle helfen / daß Gottes war
heit in allen puncten recht angenommen/vnd die
Betrübte Christenheit wol Befridet möge
werden. Zum preys Gottes vnd
vnsere ewigen heil!

Amen.

Ein gar schöner
Sendbrieff D. Francisci
Lamberti non Auinion säligen/ges
schriben / nach gehaltenem Gespräch zu
Marpurg/im M. D. X X I X. jar. Darin er er
zelt wo mit er überwunden / dz er von seiner ges
faßten meinung / der leyblichē gegenwürtigkeit
vnd niessung deß leybs Christi im Nachtmal/ab
gestanden sey. Gar lieblich vnd nutzlich
denen zu läsen/die disen handel
one lesterung / grunds
lich zu versteen bes
gierig sind.

Joan. VI.

Mein fleisch ist warlich ein speys: vnd mein
blüt ist warlich ein tranck.

Dem Christenlichen läser/wünscht
N. gnad vnd frid/durch Chri-
stum Jesum vnsern
Heyland.

Das wort des Herren zu keinen zey-
ten vnfruchtbar vnnnd vergäben seye/ auch die süß-
deren / die den friden vnnnd das güt verständig/
schön / bezeüget nit allein die heylig Göttlich ges-
schriffte/sonder alles das sich täglichen züttragt/ bes-
stätet das selbig ganz glücklichen / vnnnd das mag auch durch
ein exempel / so sich gar neüvolichen begeben hat / augen-
scheynlich angezeiget vnnnd probiert worden. Es sind auff dem
ersten tag Octobris zu Marpurg / bey dem aller Christenli-
chesten vnnnd durchleuchtigsten Fürsten vnnnd Herrn / Herrn
Philippen Landtgraffen zu Hessen / der für andere Fürsten
des zwoytrachtis vnder den geislichen voll ist/ vnnnd nach gemei-
nem friden vnnnd rechter einigkeit ein groß verlangen tragt/ et-
liche gleerte vnd fürträfliche männer auß Saxon / Schwab-
ben/Schweygerland/vnnnd auch anderen Nationen zusamen
kommen / was den handel des Nachtmals des Herren bes-
trifft/ sich freündlicher weys mit einanderen zu vnderreden/
ob villeycht/so sy einanderen gegenwärtiglich vnnnd mündtlich
verhörtend / sy in außlegen der geschrifften etwas einigkeit bes-
finden möchten/welches inen bißhär / dieweyl sy nit bey eins
anderen gewesen/nit hat mögen verlangen. Nun ob es gleich
hierinn nach irem willen nit gangen ist/ vnnnd sy zu beiden seyn-
ten auff irem sentenz vnd gefasster meinung beliben / vnd also
abgescheyden sind / so hat doch vnser himmelischer vatter nit
wöllen zulassen / das etlichen frommen vnd rechthertigen/ die
one anfechtung / mit steyß vnnnd ernst zugehört habend/irem
hertlichen begären nit gnüg beschähe / vnnnd sy die recht war-
heit nit erkanntind. Dann ob gleich etliche/irer party lob vnd
preys

preyß haben wöllen zämässen / in dem / daß sy one scham falsches fürgeben habend / vnnnd allenthalben hin vnd här gesaget / daß die ander part / welche das fleischlich niessen des leybs Christi im brot / die mit vnseren empfindlichkeiten betastet / empfunden vnd begriffen mag werden / nit erkennt vnnnd zälaffen wil / sonder fürgibt vnd erhalten wil / daß der leyb Christi / der warlich in die himmel aufgefahren ist / auch heydan in dem himmel seye / mit disputieren dahin pracht seye / daß sy den preyß vnd das helmlie der widerpart habind müssen gebē. Was aber die warheit an iren selbs seye / desse ist allein ein gnügsame zeitig nuß vnnnd kundtschafft die einige bekannnuß Francisci Lambertini von Auinion / des lehrers der heiligen geschrifft / welcher als ein fürbündiger gelehrter mann / der ein scharpffs vrtail in den dingen hatt / vnnnd in Götlichen geschriefften höchlich vnderrichtet vnd geübet was / gar wol vnnnd eigentlich wargenommen hat / was zü beiden seytten gehandelt wurde / vnnnd welche party mit hilff vnd beystand der warheit mer vermöchte. Es was aber genaüter Franciscus nit überweglich vnnnd vnstätt / der sich / gleych wie ein rot / von einem hetlichen wind hin vnnnd här wäyen lieffe / sonder er vnderstünd sein meinung standmätigklich zü beschirmen vnd zü erhalten / so lang bis er mit vilfaltigen argumenten / darinn seinem hertzen vnnnd gemüt gnüg geschehen müßt / überredt ward / also / daß züuor etliche in für ein eigenrichtigen menschen vnd langkopff hieltend / mit dem woenig zehandlen vnnnd zeschaffen wäre. Nach dem vnnnd er aber die warheit erkannt / hat er sich gar dem geyst Gottes nit widersetzt / der wält rüm vnnnd eer kein rechnung nit gehebt / damit er allein die warheit nit verlassen müste. Also hat diser seinen irthumb in dem Spräch diser männeren erkent / vnnnd angezeigt was auch andere erlernen mögind. Ja er hat seinen irthumb nit allein bey im selbs bekent / sonder auch frey vnnnd offentlich verjähren / vnnnd sich nit beschempt vor der ganzen wält Gott dem Herren sein glozi vnnnd eer zugeben vnnnd züzemässen. Auß der vsach hat er auch diß Büchlin beschriben / vnnnd gebäret / daß man es noch bey seinem läben im Truck auß

Vorred.

gon liesse. Er ist aber nit so glückhafftig gewesen / daß im das selbig verlanget seye : dann in kurzem darnach stirbt er an der pestilenz. Doch so ist er nit so vnbesinnter weyß gestorben / dann daß er auß den Predicanten von Straasburg etliche vertrauwte vnnnd verstendige männer berüfft / vnd diß Büchlin inen besolhen hat/vnnd in aller seiner krankheit auff ein neüros sy gebärten / daß sy dise sein bekanntnuß wöllind lassen außgon. Doch ist er gar treürolich vnnnd freündlich daruor gewesen / daß der nam desse / zu dem er sy geschriben hat/ nit geoffenbaret/darbey aber gar demütiglich begärt/daß sein nam nit vndergetruckt vnnd verhalten wurde:

Sann ich wil/ sprach er/ daß die gantz wält wüßse/daß ich / so vil das Nachtmal des Herren betrifft/einer anderē meinung worden seye. Diß handels ist ein genügsame zeügnuß der Sendbrieff mit seiner eignen hand geschriben/welche die Predicanten zu Straasburg noch habend: vnd das Original habend die Basler noch/des schreybers eigne handgschrifft. Es sind auch der Marpurgischen nit ein kleine anzahl/die da wol wüßsend/ daß es die warheit ist/ was wir von im schreybend. Doch wöllend wir diß mengtlichen ermanet vnd gewarnet haben/von wägen deren / die alles müßsend gescholten vnnnd geschmächet haben/vnnd auß begird wenig rüms vnd kleiner eeren/frommer redlicher leüten nammen/vnd auch die heilig warheit dahin gebend. O was frommen/ gottsfälligen vnd vnschuldigen manns ist diser gewesen? So veer vnnnd der merteil es disem lieber wölte nachhün / was er gethon hat/ mit reinem vngeselschten hertzen / weder daß sy sich gang vnnnd gar mit steyß vnnnd eyser auff zangt vnnnd hader begäbend / so wurde vil mer fridens / einigkeit vnd rechter fröud in der gangen wält seyn. Dem Herren Gott aber seye danck / der die seihen nit laßt biß an das end irrs gon / sonder die liebhaber der luginen in mancherley rodg geschendt vnnnd schamrot machet.

Siehe

Siehe auß diser bekannnuß hast du vil ding / das von denen zu
Marpurg mit grossen nutz geredt ist : welche / ob sy gleich nit
bey allen frucht fürbracht habend / sind sy doch nit gar vnnützig
vnd vergeben gewesen bey denen / die desse würdig gewesen/
vnd billich ein fruchtbar erdrich soltend genennt werden / daß
sy vilfaltigen vnd reychen erdwücher fürbracht habend/
vnd ist zehoffen / daß sy noch mers vnd wey-
ters fürbringen werdind. Gott bes
ware dich alle zept.

Dem eertwürdigen Herrn/
Herr N. seinē getrüwen lieben mitz
arbeiter in dem wort des Herren/
wünscht franciscus Lambertus von
Quinion/gnad vñ frid von Gott
durch Jesum Christum
vnseren Heiland.

Wie ich dir/wolgelerter lieber Brüs-
der/ zum aller leiste mein cōsciētz
vñ gewüßne deren dingen halber/
die das Nachtmal des Herrē bes-
trāffend/entdeckt vnd offenbaret/ auch hiemit be-
kannet/ daß ich durch die vnüberwindlich Krafft
des Göttlichen worts überwundē vñ mit gwalt
darzū bracht wāre/von dem/ des ich zū vor gesin-
net was / abzefallen: hast du ganz trungenlich
begärt/dz ich dir die vsachen diß mines abtrāts-
tens verzeichnete / welches ich zerhūn versprochē
hab. Siewyl vnd ich aber vnderwundē hab sōm-
lichs zeschrybē/wil ich dasselbig mit kurtzen worts
ten vßrichten. Siewyl mines Bedünkens/einem
weyßen vnd verstendigē gnügsum ist / so man ihm
allein einen anlaß gibt.

Vnd siewyl du sprichst/ du habest anderer Brüs-
der vnd geschryften/disen handel betrāffend/vff
das aller fleysigest vnd ernstlichest gelāsen/hab
ichs hierinn in meinem schreyben kein em wöllen
nach

nachhün / sund allein die stuck vñ puncten wö-
len verzeichnē / durch die ich bewegt / anders bin
gesinnet worden : dieweyl du auch / meines Be-
dunkens / dasselbig von mir begärst.

So vil nun vñ den handel des Nachtmals des
Herrē betrifft / hab ich zū gleycher weyß vor zey-
ten vil leydens gehabt / wie auch auff den heütti-
gen tag etliche an jnen selbs empfindend vñ erfas-
rend / allein das außgenömen / daß ich die / wel-
che einer anderen meinüg gewesen sind / nie dem
teufel geben hab. Ich bekennen zwar / dz ich vor
etwas zeyten gar betrübt vnd verwirrt gewesen
bin / in dem / daß ich vermarckt / daß etliche auß
hitz vñnd cynbrunst im disputieren / damit sy ire
meinung von dem Nachtmal des Herren erhal-
ten möchtend / offentlich fürgabend / daß sich nit
rympt / noch zū handel dienet / vö dem ich gleych
darnach etwas malden wil.

Nach dem aber beide partheyen / darzū vnser
durchleüchtigster Fürst geholffen hat / hiehar
kōmen soltend / vñ er vns geschriben hatt / dz wir
mit höchstem fleyß ernstlich nachgründtind / vnd
eigentlich besähind / ob doch die kirchen in etliche
wäg möchtind zū freütlicher lieblicher einigkeit
kōmen : do hatt ich den Herren mit versicherrem
vnd vertrauotē gemüt / daß dasselbig beschähe /
vnd begärt / daß ich von meiner verwirren mei-
nung erlediget wurde.

Sie zwüschen aber hatt ich das steyff bey mir
beschlossen / daß ich in dem nachgründē der war

S. Francisci Lamberti

heit nit darauff mercken vnnnd acht haben wölte/
welcher dieses oder yens sagte / sonder was da ge
redt wurde: vnnnd bin also an den handel gestan
den in zü ergründen / vnnnd hab ein gleych hertz
vñ ein gleyche annütigkeit zü yetwäderer partey
gehebt / vnnnd mir vestigklich für genommen / ich
wölte es mit dem teil halten / den ich gewüßlich
sähen wurde / daß er mit seiner meinüg mit dem
wort Gottes baß stimppte / vnnnd dem selbigen
gleycher vnnnd änlicher wäre. Desse hab ich mich
dozemal als ein leerjunger vnderwunden / vnd
mich an kein part gehenckt / daß ich deßhalber
in der erkantnuß der warheit nit verhinderet
wurde. Dann ich vermeint es wäre von nöten/
daß ich zü diesem handel käme als ein rein / sau
ber vnuerfchriben blat / darauff allein der fin
ger deß läbendigen Gottes schreibe / welches ich/
mein geliebter Brüder / auch dir von ganzem her
zen wünschen. Wirff hierinn von dir alle men
schen / ja wirff ganz vnd gar von dir / sprich ich /
auch den Luther / damit sy dich nit verhinder
rind. Ich weiß du merckst wol was mein mei
nung seye. Wir söllend in sömlichen sachen an
nieman hangen / dan an dem einigen allmächtigen
Gott.

Dise ding erwig vnnnd ermiß also / vnd damit
du die warheit ergreyffest / so ruff Gott also an/
vnnnd handle auch also / als ob du deren dingen
halber das aller minst wörlin nie weder gehört
noch geläsen habist. Frag allein den Herren
Chri-

Christum / vnnnd sich auff den einträchtigen verstand seiner worten / vnd besich auch durch welchen verstand der warheit vñ der einfalten Klarheit der gschriefften etwas entzogen vnd genommen werde / vñ welcher allenthalben mit gemelter gschriefft baß eins seye.

Damit ich nur auff das Komme / darvon ich mir zeschreyben in sonderheit fürgenom̄en hab / so laß dir seyn / wie ich dann auch gethon hab / als ob du zu der zeyt vnseres Herren Jesu Christi geläbt habist / vnd in selbs gegenwürtig gehört / in dem do er geredt hatt / von dem / das wir lassend Joannis am sechsten capitel. Vnnnd in sonderheit die kurtz vergriffenlich red / die von dem äßen seines fleischs / vnnnd trincken seines blüts handelt. Meinst du nit daß du die selbigē wort / auß dem / wie ers dir fürschr̄eybt / würdest verston werden? Dañ er hat gesprochen: Der geyst / das ist / das geystlich nießen oder äßen / ist das / das da läbendig machet: Das fleisch aber / das ist / das fleischlich äßen / ist gar kein nütz. Die wort die ich mit euch geredt hab / sind geyst vnnnd läben / das ist / geystlich vnd die da läbendig machend. Welches er darumb geredt hat / das er sach / daß der mertel seiner jünger̄n sich ab dem verergeret hattend / das er vohin von seinem fleisch / vnd von seinem blüt geredt hatt: welche er mit disen worten auff ein besseren verstand hat wöllen bringē / jnen anzeigende / dz das / welches sich in seinen worten für grausam vnd schetzlich

S. Francisci Lamberti

ansähen ließ (Dañ was ist grausamer vñ schützlicher dann menschen fleisch vñnd blüt ässen vñd trinckē?) geistlicher weyß soltend verstandē werden. Ich bin deß vertrauens / du hettest deren worten keins verworffen. Dann so du mit dem geist / den du von den gnadē Gottes hast / in der selbigen leer vñnd predig gewesen wärist / so hettest auch dozemal / deß ich kein zweyfel trag / den geist der worten Christi bekenn̄t vñd verjāhen / du wärist auch nichtig gewesen / daß das ein figurliche vñnd anders verstendige art zereden wāre / vñd hettest auch gemerckt / daß der glaub der da bekenn̄t daß sein fleisch für vns aufgeopfferet seye / das ware brot vñ die ware speyß der gläubigen seye / vñd daß er mit seinem tod / den er mit dem nammen seines blüts hat wöllen bezeichnē / die gläubigen also hat wöllen trencken / daß sy lebendig vñd geistlich wurdend / vñd der schädlich durst deß fleischs gwaltinglich in jnen gedempft vñd zu gutem teil geldocht wurde.

So du demnach auch in gebürt hettist vil der gleychen leeren / hettest du dich derhalbē gēargeret: Ich achten als nem. Dann du hettest bey dir selbs gedacht / dz er vorhin vil der gleychē figurliche vñ anders verstēdige redē gebraucht habe / vñ es by jm gemein wāre / die tropos / das ist / anders verstēdige arten vñ gattungē zeredē brauchen. Man hette dir auch nit müssen für vñd für sagen / daß dise wort nach dem geist / oder figurlicher weyß soltend verstanden werdē: welches on zweyfel

zweyfel auch den fürnemsten jüngerem Christi
 Begegnet ist. Vmb der vsach willen/ als sy zum
 Nachtmal Kommen sind/ vnd den alten Brauch des
 lämbkins erfüllt habend / vñ der Herr yetz disen
 neüwen eyngesetzt hatt / in welchem das Brot vñ
 der weyn gemeinlich von den gläubigen genom
 men ward / in dem er das Brot seinen leyb/ vñnd
 den weyn sein Blut nennet/ habend sy gleycher wor
 ten Christi nit so bald vergässen / daß daß sy wol
 gemerckt vnd verstanden habend / daß dise wort
 figürlicher weyß geredt sind. Vñ vmb der vsach
 willen / dieweyl sy sein red gar wol verstündend/
 habend sy in desshalb gantz vnd gar nit gefras
 get. Vnd auß denen worten die er zu den Capers
 naiteren geredt hatt / wußtend sy/ daß er gar nit
 wolt/ daß sy menschen fleisch äßind/ darumb daß
 das selbig grausam vnd scheützlich ist. Es wußt
 auch der gemein mann vnder den Juden/ dz das
 figürlich lämbkin / Pascha / das ist d' überschritt/
 geneñt ward / ob es gleych allein ein gedenckzei
 chen des überschritts was. Darauß volget/ dz sy
 es gar nit für neüw achtetend/ do vnser Herr vñ
 erlöser Christus die gedenckzeichen seines leybs
 vnd Bluts / seinen leyb vnd Blut selbs nennet. Zu
 dem so hortend sy / daß dises geschähen solte sei
 nen zu gedenckē/ wie auch das lämbkin/ desse ges
 heimnuß sy vorhin begangen hattend / zu einer
 widergedächtnuß des überschritts des Engels/
 der die erstgeborenen vnd den Egypteren erschla
 gen hatt/ gwonlichen geässen ward. Vñ du/mein

S. Francisci Lamberti.

geliebter Brüder / so du einer vnder inen gewesen wärist / hettest du können einer anderē meinung seyn? Es seye veer von mir / daß ich nun ein sömlichen argwon von dir habe. Dan nach dem vñ ich von dir halte / so hast du nit so gar kein geist / vnd so gar ein schlächt vteil. Derhalber so würdest du glaubt haben / daß dise ding in einer heiligen geheimnuß wärint gehandelt worden / vñ daß das brot / vnd der weyn figürliche vnd anbildende zeichen wärint / wie auch die heiligen Apostel / vnd alle vralten gethon habend: in deren geschribten mit ein puncten erfunden wirt / darauff man gewißlichen läsen könne oder möge / daß sy glaubt habind / daß Christus mit seinem leyb vñ blüt gegenwirtig in dem Nachtmal da seye.

Dises hab ich zwar vormalen offft vnd dick betrachtet / doch so warend mir meine augē dermaßen vermachtet / daß ich auch das das ich sach / in keinen wäg nit verston fondt. Es was aber die glücksalig zeyt noch nit kommen / in deren Gott die schetizlich dunckel nacht meiner blindtheit / mit dem heiligē scheyn seines liechts vertreyben wölte / wie er dann von ewigkeit här vorgeordnet hatt.

Da irret ich / leyder / über die maß gantz vnnd gar / vnd besudlet mit meinem verstand das aller heiligest wort Christi / da er spricht: Das fleisch ist gar nit nütz / vnd wolt nit glauben daß Christus das selbig von dem leyblichē ässen seines fleischs geredt hette / vnd deshalber vnderstünd ich mich
auf

auß dem selbigen anders zelernen / ob gleych die ordnung / vnnnd die heylig gschriff / wie sy in gemeltem sechsten capitel Johannis aneinanders hanget / gantz vnnnd gar darwider ist. Dann an disem ort hat er heyster bezeüiget / daß das leyblich ässen seines fleischs zü erhaltung des lebens nit nutz seye / von dem er vor geredt hatt / zü welcher doch das geistlich ässen des selbigen fleischs / vnd das geistlich trincken des blüts so nutz seye / das dergleychen nienen seye. Dann was bedeyt doch das wörlin Geyst an dem selbigen ort anders / weder das geistlich ässen vnd trincken? Aber ich sündhafftiger mensch / die weyl ich nit mit sömlichem fleyß vnnnd ernst vnnnd demüt / wie ich aber billich geföllen hette / den verstand vnd die volg diser worten ermaß / hab ich auß den selbigen wörlin ein anders leeren / weder aber warlichen an jm selbs geleert ward. Also handelt gewonlich vnser verstand / so er jm das wort Gottes vnderworffen machet / welches zwar ein groß schwär laster ist. Der Herr seye vns genädig / Amen.

Es was mir / leider / dozermal eben das widerfahren / das auch der verwoiffnen vñ verschupfften Synagog der Judē / welche / nach dem wort des Propheten Isaie 6. cap. Verblind das hertz dises volcks / ic. durch die figürlichen reden des Herren Christi von tag zü tag ye lenger ye hefftiger verblindt ward / in dem das die heiligen Apostel durch die selbige täglichen Baß vnderrichte

S. Francisci Lamberti.

tet vñnd besser werdend. Nach dem aber mein schöpffer mich auß diser finsternuß berufft vñnd genommen hat/do hab ich von stundan verstanden/wie lang / vñnd in was grosser blindheit ich gewesen seye / vñnd bin von dem verstand vñ von der meinung/die etwas mer was weder die meinung der Juden/abgeträttē/gantz voll der fröuden/von wägē desse das mir der lauter verstand des worte/das der gespons vñnd gmahel der kirchen geredt hat/was geoffenbaret worden: welches ich zwar vormals offt gehört hatt / vñnd aber vergäbens/ diewyl ich nit gemerckt hatt was es bedeutete vñnd was sein verstand wäre. Also hab ich von stundan gemerckt / welches auch die Apostel gemerckt habend / des ich gantzlich beredt bin/das der Herr in gemeldtem Nachtmal figurlich geredt hat/ wie dann auß der einträchtigkeit vñnd zusamen stimmen der worten im 6. cap. Joannis heiter am tag ligt.

So hab ich erst gesehen wie seyn vñnd warlich der heilig Augustinus im dritten büch von der Christenlichen leer cap. 16. auß vorgemeldeten worten eyngesürt vñnd geschlossen hat / dz ein yetlich ort der heiligē gschrifft das etwas grausams vñnd scheüzlichs/welches anderen gschrifftten nit gemäsz ist/vergreiffet vñnd inhalt/figurlicher vñnd andersperstendiger weyß solle genomen vñnd verstanden werden. Vñnd dieweyl man gleychs vurtel haben sol von den worten des Nachtmals des Herren / müsz billichen volgen das wir sagen

gen müßend / daß auch die selbigen wort figurlich sey gind / vñ ein anderẽ verstand habind. Dañ der Herr hat selbs geredt / sy seyend geistlich vnd die da läbendig machind / nit grusam vñ schertzlich. Auff die meinung hat Augustinus vñ auch die alten Leerer dise wort figurlichen verstandẽ / vñnd deßhalb das zeichen deß leybs / den leyb selbs: vñnd das zeichen deß blüts / das biüt selbs geneñt. So vil seye geredt auß den worten deß 6. cap. Joan. Demnach ist ein ort bey dẽ heiligen Paulo / oder wår ioch der gewesen seye / der die Epistel zü den Hebreern geschriben hat / da spricht er / Christus seye vns / außgenommen die sünd / in allweg gleych worden. Darauf dann von nöten volget / daß dergleych formen vñnd gattungen zü reden / als da man spricht / Er ist kommen / hinweg gangen / hineyn oder hãrauß gangen / abgestigen / aufgefare / er hat sich gsetzt / so sy in den heiligen geschribten von der menschlichen natur Christi funden werdend / daß sy solind nach irer eignen natürlichen bededünuß mit einer verenderung deß orts von einem zü dem anderen gantzlichen verstanden werden / nit anders weder so sy von anderen menschen geredt wurdend. Zwaar die aller höchst vñnd oberest Göttlich natur ist nit daß sy innerhalb einem ort möge begriffen vñnd verschlossen werden / sy wirdt auch in keinerley weyß vnd wæg verendert / wie wir dañ läsẽd Num. 23. 1. Reg. 15. vñnd Malach. 3. Aber die menschlich natur / wirt nit al

S. Francisci Lamberti

lein von einem ort zum anderen verenderet/ sonder auch in einem ort vergriffen gehalten vnnnd eyngesilet.

Der mensch Christus / der auch Gott ist/ der ist warlich aufgestigen in die himmel / aber doch allein die menschlich natur hat dozemal ein verenderung des orts zügelassen. So verr vnnnd sy aber mit der Göttlichen natur vereinbaret also von jren eigenschafften kommen ist / daß sy weder des orts halber / noch in andere wyß vn wäg mag verenderet werden/ so ist Christus nit in alle wäg / außgenommen die sünd/ vnser natur vn eigenschafft teilhafftig worden / vnnnd wirdt von jm erdichteter weyß vnd falschlich geredt/ das er kommen seye/ hinweg gangen / hineyn gangen/ hinaus gangen/ aufgefaren : vnd also auch von anderen dergleychen gattungen zereden. Vnnnd deshalben was man von jm schreybt daß er gethon habe / ist nichts anders dan ein gespänst vn trug gewesen. Wo ist dan sein geburt nach dem fleisch/ sein beschneydung / item dz er in den tempel getragen ist/ in Egypten geflohen/ widerumb darauß kommen / daß er an das hochzeyt gangen ist/ daß er hunger ghebt vn geessen hat/ daß er gangen vnd kommen ist / daß er geleert vn vil wunderwerck gwüreckt vnd gethon hat / daß er gefangen / gegeißlet vnnnd mit halbstreichen geschlagen ist worden / daß sein haupt mit dornen verwundt ist / daß er ist an das creutz gehefft/ daran gestorben / darab genommen vnd begraben/

ben/ deß gleychen auferstanden vnnnd aufgefahren
ist/ vnd sitzt zü der grechten seines himelschē vater-
ters: Wo ist doch deñ/ sprich ich/ vnser erhaltüg
vnd vnser heyl/ so die warheit vnser glaubens
nit steuff bestadt: Nun ist aber gewüß/ daß der
vorgemelten stucken keins on ein verenderung
des ortz gewesen ist. Dan als ich achten/ so wirst
du der meinung nit sein wie einer/ welcher/ als
er deß vergangnen jars von disem handel mit
mir redt/ ob er gleych gar nit ein vngeschickter
man was/ doch so gröblichē verfür/ daß er dorfft
bestäten (welches der valten keiner gethon hat)
die minder/ das ist/ die menschlich natur Christi/
die wäre in dem leyb der Jungfrawwē Marie
vnd auch am creütz empfindlich gewesen/ vnnnd
hiemit auch/ so vil die selbig natur betrifft/ hett
er himmel vnd erden erfüllt. Was kan oder mag
doch tho:ächtigers seyn/ dann eben dises wort/
oder geredt werdē das dem handel Gottes mer
zü wider sey: Lieber in welchem stuck wolt er
doch vns gleych seyn worden: Ist doch einer der
recht gegründten leererē/ der doch mit willē söm-
lichen irrthumb erleyden möchte: So nun Chris-
tus ein warer mensch ist/ so muß er an einem ort
seyn/ vnd nach seiner menschheit erfüllt er nit alle
ort/ welches ein eigenschafft ist deß Götlichen
wäsens. In den himlen ist er an einem ort/ da er
sitzt/ das ist/ regiert zü der rechtē seines vatters.
Dann in den geschribten welche die geheimnuß
vnser glaubens begreyffend/ da ist das wörite

S. Francisci Lamberti.

sitzen ein zeichen vnd Bedeünuß/ des Fridens vnd
der rüw/ vnd auch des reychs vnnnd der herrlig-
keit. Zü der rechten aber sitzen/ ist nichts anders/
Dañ mitregieren od herrschen. Ob gleych in dem
wdtlin Sitzen / von dem wir vorhin meldüg ge-
thon habend/ auch ein rüw Bezeichnet vnnnd ver-
standen wirt. Darumb so vns von den Euanges-
liten verkündt wirdt / daß er sitze zü der rechten
seines vatters / ist es gleych als ob man spreche/
Christus / der mit höchster demüt vnnnd nider-
trächtigkeit / mit vil zwangs vnd vnermäßlicher
arbeit den handel vnser heils auff erdē veruols-
kommet hat/ der regiert yetzunder in den himlen/
in der aller grösten gl'ou vñ eer mit sampt seinem
vatter über alles / auch des teils halber so vil er
ein mensch ist / in dem er auch seinem aller höch-
sten vatter biß in den tod des creützes gehorsam
gewesen ist. Jetz aber hat jm Gott die träher von
seinen augen gewünscht / vnnnd allen kumber
von jm hingenommen. Die Juden mißhandelnd
jn nit mer / er wirdt für Pilati gericht nit mer ge-
stelt/ sein hend vnnnd fuß werdend nit mer an das
creütz genaglet. Dises alles hat ein end. Dañ er
herrschet mit grossen fridē vñ one alle müy über
alle seine feind / die er vnder seine fuß geworfs-
en hat. Es ist mir zwar wol zü wüssen/ dz der
arm/ vnd die recht hand Gottes ye zü zeyten für
sein krafft genommen wirdt. Dann ist doch ye-
mants/ der da nit wüsse daß er keine glider hat?
Mit disen wdtlinen aber wirt sein macht anzei-
get

get vnd bedelitet. Derhalben so er an allen orten ist / so muß auch sein rechte vnd lincke hand vnd fuß an allen orten sein / die von jm nit löñend gesünderet werden. Also hat auch d sun mit sampt dem vatter ein rechte hand / darumb daß er ein Gott mit jm ist. Dannen här / wie man wol vnd recht spricht / Der Vatter ist dem Sun / vnd der Sun in dem Vatter : also bestadt auch das / so man spricht / Der Vatter ist zü der lincken oder rechten deß Suns : vnd herwider / Der Sun ist zü der rechten oder lincken deß Vatters. Dann one allen zweyfel so ist die rechte hand deß Vatters / der Vatter selbs : vnd die rechte hand deß Suns / der Sun selbs. Die rechte hand Gottes so sy nach sömlichen verstand genommen wirdt / ist sy allenthalben. Sy wirt aber nit also genommen so man spricht / Er sitzt zü der rechten Gottes / Er ist zü der rechten Gottes erhdcht / Der Herr hat zü meinem Herren gesprochen / sitz zü meiner rechten hand / Ich sich Jesum ston zü der rechten der krafft Gottes : sunder wie wir darvor geredt vnd gehandelt habend. Wider diese meinung ist niemants / weder der alten / noch d nachkömnen gewesen / biß auff dise verwirre zeyt / in deren etliche / damit sy jr meinung deß Nachmals deß Herren halber bestätetind / wider die geschufft / mit grossen nachteil vnd schaden vnser g'laubês geleert habed / dz die menschlich natur Christi / wie auch die Göttlich / an einem ort weder seye noch verwardlet werde: sun

S. Francisci Lamberti

der sy seye vnuerwandelbarlicher weyß allenthalbten. Es stadt aber also geschriben/ Er ist vns/ außgenommen die sünd / in allen dingen gleych worden.

Darüb so ist er ein warer mensch/ vnd ein warer Gott. Vnnd so verr er ein mensch ist / so ist er warlich vnd mit verenderüg des orts in die himmel hinauf gestigen / damit er daselbst regierende/ alle ding veruollkomnete / die d Vatter jm in seine hend übergebē hat/ nällich dz er das Keych/ welches/ so vil vnd er ein Gott ist / allweg ghebt hat/ vnd dem er nach der menschheit zū einē Regenten sūrgesetzt was/ verwielte biß zū dem end der wält/ wie dann in den heiligen gschrieffen zū vor angezeigt was / vnnd er endlichen auch mit Krafft/ hilff/ geyst vnd gnad bey den seinen in diser wält/ biß zū irem end blibe vnnd verharrete.

Du weist aber/ mein geliebter Brüder/ daß etliche in disem handel nit zūlassen wöllend / daß yemants spräche/ daß ein Mathematischer/ außgezirkleter vnnd außgemäßer leyb in Christo seye/ der sein last oder schwäre / größe vnd kleine habe: hiemit aber erdenckēd sy er habe einen leyb/ der übernatürlich / vnd nicht besterminder warlich an jm selbs seye. In dem sy warlich/ daß ich gar bscheidenlich daruon rede / gar nit vmbstichtiglich handlend/ vnnd also/ daß es dem handel Gottes nit gemäß ist. Dan einweders hat er ein Mathematischen außgeziltten leychnam/ oder er ist in

ist in seiner form vnd gestalt nit erfunden als ein mensch / auch jnen nit gleych in allen dingen.

Wie ist jm aber zethün? Wir habend alle in vilen dingen geirret. Dann auch ich / ob ich gleych nie gloubt hab dz die menschlich substanz vnnd wäsen vnfers Heylands vnd erlösers Christi allenthalben wäre (dann ich wüßt daß es aller heiligen vnnd Göttlichen leer zü wider was / vnnd die gläubigen das selbig in keinen wäg erleyden mochtend) so hab ich doch vermeint sy seye in dem Nachtmal nit begrifflicher vnnd umschribner weyß / sunder über alle natur / vnd nicht dester minder warlich an jren selbs. Yetz aber hab ich auß gütthät Gottes das erlangt / daß ich heiter sich / daß der leyb Christi selbs vns in dem Nachtmal weder Mathematischer / außgemäßner vnd außgezilter weyß / noch warlich substanzlich an jm selbs vns geben wirdt / sunder allein in zeichens weyß / vnd daß er in den himmlen sitzt / vnnd da Mathematischer umschribner weyß regiert / das ist / mit größe vnnd kleine seines natürlichen leybs / wie man das selbig auß vilfaltigē gschribten scheinbarlichen schliessen mag: nienen aber übernatürlicher weyß / nach seiner substanz vñ seinē wäsen / da nit beschriben werde wie sein leychnam / vnd was auch sein eigenschafftē gewesen seyend. Dann sy habend in heiligen gschribten desse kein zeignuß nit. Das aber S. Joannes Bugenbag

S. Francisci Lamberti

auß Pomern über den verß deß 110. Psalmens/
Er hat denen/die in fürchtend/speyß gebē/2c. ge
schriben hat/ ist wider disen verstand in keinen
wäg/ Da er spricht/Welcher vnd redt von dem
leyb nam Christi von vnseren augē zwar in den
himmel genommen ist/ doch so ist er mit seiner
frafft vnd würckung allweg bey denen die Gott
fürchtend. Dises sagt Pomeranus. Es sind auch
eiliche andere/ die vor etwas zeyten vil rechts di
ses handels halber geschriben habend: yetz aber
brauchend sy das widerspil/ damit sy doch also
beybringen mögind/ daß der leyb Christi vnder
dem brot vnd weyn in dem Nachtmal selbs ge
genwürtig da seye. So nun yetz yemants dar
auf tringen wölre/ daß der leyb deß Herren der
widerumb läbendig worden ist/in einem ort eyn
gezilt vnd begriffen nit möchten werden/ da
ligt auß vorgemelten worten gnügsam am tag/
wie man jm antworten/ vnd das maul verschop
pen sölle. Das ist vnd bleybt noch die warheit/dz
wir jnen mögind fürwerffen/ daß auff die weyß
dem lauteren heiteren verstand viler heiliger ge
schribten ein scheynbarer abb:uch geschicht/ als
namlich dise sind/ die wir hienach stellen wöllē:
Er habend in gesehen in den hūmel gon/ Acto. 1.
Er ist nit hie/ sunder er ist auferstanden wie er ge
sagt hat/ Matth. am 16. 17. Nimm war Jesus küpt
jm entgegen/an vorgemeltem ort. Als Jesus hin
zü nahet/gieng er mit jnen/2c. Er ist himeyn gan
gen daß er bey jnen blibe/2c. Er hat sy hinauß
geführt

geführt gen Bethaniam/2c. Luc. 24. Er ist als die thüren beschloffen warēd zū den jüngerē hineyn gangen / vñ sich die selbigen lassen anrüren/ Jos an. 20. Dife Ding aber hat er gethon/ nach dem sein leychnam clarificiert ist. So er nū dozermal/ als vil sein menschheit betrifft / nit vergriffens lich an einem ort gewesen ist/ so wārēd doch vorse gemälte wort nichts anders dann vnnütze geschwätz vnd lautere dantmäre. Dann sy wollend ein verenderung von einem ort zū dem anderen haben/ damit sy warlich an jnē selbs sey gind/ wie sy geschriben sind. Nun aber so sind dife Ding an jnē selbs warlichē geschähē: dan er ist auferstanden/ vñ ee er hinauf für zū den himlen / ist er mit seinen jüngerē gewandelt / hat sein wönüg bey jnen ghebt/ mit jnen geässen/ vnd geredt / vnd ist erst an dem vierzigesten tag/ vnd nit vor vnd ee/ wie etlich schädlichen leerend / aufgefahren zū den himlen/vnnd hat sich gesetzt zū der rechten seines Vatters/ von dannen er den Apostlen den heiligen geist gesendt hat / da er auch seinen dieneren Biß zū end diser wält/mit seiner krafft / vnnd mit seinem geist beystadt vnd hilff beweyßt. Oder er hat villeicht nit so vil krafft vnd vermügens/das diuweyl er in den himlen regiert / mit seinē beystand vnd seiner hilff/ vns beyston vnd behulffen sein möge? Es sey verr von vns / das vns sömlicher argwon nun in vnser hertz komme.

Zū dem so ist vns das gar wol bekant / daß vnser Herr Christus nach der menschheit / auch

S. Francisci Lamberti.

nach seiner vristende vns gleych ist/ außgenommen
in denen stucken die mit der glori vnd herligkeit
des vntödtlichen wärens sich nit reymend / als
da ist/zerbrüchligkeit/langsame / fähige des ley-
dens/vnd andere der gleychen.

Diser leyb aber d ist herrlich / vnzerbrüchlich/
subtreyl/ one alles leyden/bering vnd ferig/ vnnnd
auß dem/ das zum stand der sälligkeit nit dienet/
in das besser verwädlet. Doch so ist er hiemit ein
warer außgemäßner vn außgezilter leychnam/
des ors halber wandelbarlich. Dañ wie wolt er
sunst bering vnd ferig seyn? Oder wie wolt doch
Christus dozimal in vnnnd mit dem selbigem leyb
auferstanden/gewandelt/eynhergangen vn auf-
gestigen seyn/od anders gethon haben/von dem
vorhin geredt vn gehandelt ist? Wie hette er auch
dozimal von seinen jüngerem mögen gesähē vn
berürt werden? So sy in gantz vnnnd gar war-
lich nit gesähē habend / so sind sy nit gnügsame
zeüigen seiner vristende gewesen. Auß dem vol-
get nun / daß sein leychnā yetz an einem ort auß-
gezilt vnnnd außgemäßen ist/ vnnnd das selbig ort
erfüllt/ ob ersgleych von wägen seiner subtreilig-
keit alles durchtrigen mag / wie er dann als das
grab beschloffen was hinaußgangen ist / vnd do
die thüren beschloffen warend/zü seinē jüngerem
kommen ist. Nimm war nach dē er auferstandē was/
habend die Engel seinerhalb zü den weyberē ges-
prochen / Er ist nit hie. Welches allein von seis-
ner nideren vnd menschlicher natur mag verstan-
den

den werden. Dañ die Götliche die ist gsyn / vnd ist allwägen vnd an allen orten. Zu dem so habed die zwen mañ Act. 1. zu den Apostilen gesprochen: Jesus der von euch in den himel hingenommen ist / so er doch deßhalber / so vil vnd er Gott ist / an allen orten was. Darumb so was er nach seiner menschheit dozermal gar nit auff erden / sunder in dem himel: nach seiner Gottheit aber erfüllt er himel vnd erden / dañ er ist vnermäßlich.

Lieber lassend vns Gott die eer gebē / vnd die vollkōmenheiten der naturen in seinē gesalbtem vnseren Herrē vnd erlöser bekeñen vñ verjāhen.

Wir wöllend nit daß yemāts spreche (diß red ich vnder dem namē deren die das widerspil leesrend) das wir seine naturen verwirring / so doch vnser wort niener mit mer vmbgond. Lassend vns den naturē die ding zugeben die jnen zugeshörend / vnd kein verwirring vnd vermischung in den selbigen nit zulassen. Darñ etliche wort reymend sich wol auff in nach der menschheit / die sich aber nach der Gottheit auff in nit reymend / vnd also gleych das widerspil. Dann es ist wol vñ recht geredt / Der Sun Gottes hat gelitten: aber nit nach der Gottheit / darumb daß die Götlich natur nit mag weder leyden noch vererderet werde. Also auch Jesus Christus d' jungkē frauwen Marie Sun / hat die wält erschaffen: aber nit nach dē d'z er ein mensch ist / sunder nach d' Gottheit Dañ wie die wält erschaffen w'z / do was Christus nach seiner mēschheit gar noch nit.

S. Francisci Lamberti

Der Sun der Jungkfrauen ist gewesen/ vñ ist
allwägen vñnd an allen orten / aber nit nach der
mēschheit/ sunder nach der substantz vñ dem wā
sen / nach dem er ein Gott mit seinem aller höch
sten Vatter ist. Der Sun Gottes ist begrifflich
an einem ort / aber nit deß teils halber so vil vñd
er ein Gott/sunder ein mensch ist. Der Sun Got
tes ist allenthalben/ vñnd so verr vñd er Gott ist/
so wil weder das sitzen/aufsteygen noch kein Bes
wegnuß sich auff in reymen : welche stuck doch
allesamen/ nach dem vñd er ein mensch ist / auch
yetz sich auff in gar wol schickend. Diser meinüß
sind alle alten gewesen/nach warem/rechten/ hei
ligen vñd Göttlichen verstand / dann sy habend
das selbig nach inhalt vñ vermüß der gschriff
ten gehon. Vñnd etliche auß den vnseren/ dörf
fend yetz das widerspil fürgeben/vñnd das ver
feerter weyß/schandlichen vñd nit nach Göttli
chem verstand / dan sy thünd das nit nach inhalt
der heiligen gschriff.

Ich bin zwar desse nit abred / dz ich/so vil das
Nachtmal betrifft/vor etwas zeytē vñ desse wil
len gar betrübt vñd verwirrt bin worden / dz ich
etliche sach die auß grosser eynbrunst vñ entzün
ter begird deß disputierens so jämerlich vñd ers
bermlich faltend / daß sy zü Bestätigung irer mei
nung von dem brot vñd weyn deß Herren/auch
dorffend die loblich himelfart vnser Herrē vñd
erlösers Christi verlögnen vñd in zweyfel stel
len / deßgleychen auch den waren brauch deß
wörtē

wölins Himmel / vñnd auch gwüßlichen fürge-
 ben/er sitze nit leyblichen/das ist/er regiere nit in
 himlen zü der rechte seines Vatters / es werdind
 alle Ding erfüllt/ nit allein von seiner Göttlichen
 natur/ sunder auch von der menschlichen/ sampt
 anderen nit wenig dergleychen worten: darauff
 dan volget/ daß der name vñ das wort Gottes/
 das vnder vns ist/geschmächet wirt / vñ daß wir
 alle/die das selbig annemend/Beyn außlendische
 einē Bösen namen überkomend. Vñ vmb deß wil-
 len / ob ich gleych mein meinung in dem handel
 deß Nachtmals gar nit verendert hette / so wölte
 ich mich doch gwüßlich in alle wäg verhütet ha-
 ben/daß ich von der tödlichen sucht jrer leer vñd
 meinungen nienē vergifft wurde. Yetz aber dies
 weyl ich überauff heiter gnüg sich / daß Christus
 nach seiner mēschheit/ ob er gleych frey/ weyt vñ
 breit/vñ auch herrlichen regiert/doch in den him-
 len ein eyngesilt ort hat / vñ ich auch sich dz er / so
 verr vñd er ein mēsch ist/ nach der kundtschafft al-
 ler gschriefften / nit mag zmal an vilen orten seyn/
 ob er gleych nach der Gottheit allenthalbē ist/ so
 beken ich doch/daß er nach der menschheit in zeis-
 chens weyß/vñd mit seiner krafft vñ würcküg in
 dē Nachtmal gegenwirtig seye/aber gar nit war-
 lich an jm selbs/oder personlich/ vñd nach dē ort/
 dieweyl vñd das Nachtmal selbs/vñnd die wort
 mit denen der Herr das selbig eyngesetzt hat/ ein
 geist vñd läben sind. Es bedarff auch desse nit/dz
 man stätz diß wort fürwerff/ Das ist mein leyche

S. Francisci Lamberti

nam/2c. Dañ so der span ist von den wortē selbs/
vnnnd man aber die selbigen den handel damit zū
probieren anzücht / was volget anders darauß/
Dann das der anfang wideräfferet wirt: Vnnnd
ist aber / wie du selbs weist / kum ein ande gattig
zū argumentieren vnd ein ding zū bewären / die
fälliger vñ auch thorechtiger seye. Zū dem / so müs
send alle Gottsälligē das heiter bekenen / dz d' leyb
des Herrē keinē / der da glaubt dz er in nach seis
ner substanz vñ wāsen ässe / so verr vñ er also geas
sen wurde / nutzbar seye. Dañ das läbendig mas
chen wirt dem geistlichē essen vō dem Herrē zū
gemassen. Es ist auch / meines bedunckens / nie
man so eines verworffnē arbeitsälligē vtheils / wel
ches so gar zū dem handel Gottes nit dienet / dz
er spräche / der lyb vñ das blüt Christi werde war
lichen wie es an jm selbs ist / zū verzyhüg d' sün
den geessen vñ getrunckē. Der leyb selbs ist zwar
in tod gebē / vñ das blüt vergossen. Es wirt aber
desßhalber wed' sein leyb noch sein blüt substanz
lich vñ wāsenlich wies an jm selbs ist / geessen vñ
getruncken. Dañ es weist yedermā dz es gar zū
der Gottsälligē leer nit dienet / dz man verzyhüg
der sünden vnd die grechtmachüg dē leyblichen
essen zūmesse. Es seye verr von vns / dz wir dem
tod Christi / mit dē er vns dises verdienet vnd er
worben hat / ein abbruch lassind beschāhen / desse
frucht vnd nutzung wir hiezwißchend niessend /
vnd das durch reinem vngefelschten glauben in
jn: welches das geistlich vñ läbendmachēd niess
sen ist seines leybs vñ blüts. Dañ so ich dise beye

de zmal leyblich vñ geistlich nimm/ vnd ich aber allein durch das geistlich niessen läbendig gmachet wird/was wirt das and leyblich niessen mir nutz seyn / oder helffen? Dises sind / mein geliebter Brüder / die artickel vñ puncte / die für andere auß mich wider spänigen / mit mitwürcküg des Göttlichē geists / darzü bracht habend / dz ich dises artickels halber in dē Nachtmal des Herrē bin anders gesinnet worden. Dañ ob ich gleych diese wort vorlangest erwägē hab / habēd sy mir doch mein hertz nie mögē gwüñen / Dañ die finsternuß verhielt mir dermassen meine augē / dz ich den handel / wie er an jm selbs w3 / nit erschē kondt / biß dz die bestimpt zeyt von Gott hie was / in deren er mich würdig geachtet vñ gewellē hat mein gmüt mit der lieblichen leer seines geists vnderweyßen vñ berichte. In welchē hädel ich an mir selbs erfahren vnd erlernet hab / dz freylich das war seye / welches wir alle allenthalben leerend : Es möge nit seyn / dz wir mit keiner gleerte / gschickligkeit noch keinē fleyß vñ ernst die warheit ergryffind / Der Herr seye dañ vnser lehrmeister zeinnerst in vnseren hertzen / vnd gäbe vns krafft darzü.

Nach dē ich nū diese würcküg Gottes empfun den vñ erfahren hab / bin ich von dē grobē verstād des leybs vñ bluts des Herrē gleych gestandē / den waren vñ geistlichen aber hab ich von ganzē hertzē angenomē / vñ hiemit erkēnt dz der selbig verstād gātz gwaltig vñ krefftig ist vil gheimnus sen der heiligē Göttlichē gschufft zū erlernē / wes

S. Francisci Lamberti

liche/so mans in anderem verstand nimpt/als vn
uerstendig vnd finster werdend / als die dunckel
nacht. Von den selbigē wil ich dir zwar auff diß
mal nichts schreybē: so es sich villeicht aber kōmli
chen begābē wirt / wil ich es ein andermal thūn.
O daß d. r. Gott auch die gnad mitteilte / daß du
dises erfürest: es wurde dir nit anders seyn / dan
als wen ein gheller früntlicher lieblicher tag auff
ein schützliche/dunckle/finstere nacht volget.

Es sind etliche / die dise meine Bekehrung für
ein leichtfertigkeit rechnend / sam ich mich züvor
nit lang darwider gesetzt habe / vnd es nit schäl
tens wärt seye/so sich einer wider Gott setzt. Die
weyl ich aber in disem teil ein güte / rüwige cons
sciencz vñ gwüßne hab/wil ich irens vrtails / daß
nit bey den rechtsinnigisten ist/ kleine rechnūg ha
ben. Ist aber Paulus von deß wāgē auch leicht
fertig gewesen/ dz er von den Phariseeren abge
trätten ist/ deß gleychen wir von der sect vnd rott
der verderbnuß gewichen? Zwar so ich meiner
consciencz vñ gwüßne halber dörfen vnd gmd
gen hette/so wäre ich/von wāgē viler vnkōmlich
feitē meines leybs/auch vō armüt wāgē vñ scha
den deß ellends vñ vertreybēs / welches ich übel
entfassen hab/auff meiner vorigē meinūg Bestan
den vñ bliben. Es ist mir aber vil wāger leyden/
was zü leyden ist/ wed dem wort Gottes nit vol
gen wöllē. Was ist auch für ein wolstād so groß
in disem läbē/d mir etwas nutzēs bringē möge/
wen mein gewüßne hic zwüschend vnrüwig ist
vnd

vnd in schädlichen gefarlichē prästen Franck ligt:
 Serhalben wil ich waren Friden meines hertzen
 vnd gmüts höher schetzē vnd achten / weder alle
 fömlichkeiten vnd wolstand dises tödtlichen vnd
 zergenglichē läbens. Die aber mein bekeerung
 scheltend vnd verwerffend / die wüßend nit was
 sy scheltend noch verwerffend. Es werdend vil-
 leichter der tagen einest ire augē aufgethon / daß
 sy einer anderen meinung werdend. Das wölle
 Gott/Amen. Das weiß ich gewiß vnd wol / daß
 seyt der zeyt här / in deren der glantz der warheit
 mir mein hertz erleucht hat / vñ mich im gātz für
 eigen gemacht / das mir auß der gnad vnd güt-
 that Gottes / so grosses vnd herrlichs verlanget
 ist / dz ich das selbig nit wölte vñ die herrschafft
 der gantzen wält gäben. Fürwar on den Friden
 vnd rüw meines gmüts / darnach man billich ein
 groß verlangen haben sol / desse ich yetz gnöß vñ
 teilhafftig worden bin in: der heiligen dancksa-
 gung / so hat der Herr auß seiner Barmhertzig-
 keit vnd freündlichkeit auch das mitteilt / das ich
 seine geheimnussen vil grundlicher sich vnd ver-
 ston dann vormalen / vnnd klarlichen sich als den
 heyteren tag / wie schandlichen vñ lasterlichē wir
 vil heiliger gschriefften gewundē / wie kindlicher
 wir den meren teil der selbigen außgelegt ha-
 bind / sampt anderen stucken / die ich mit wüßten
 hie nit melden wil / vnd sy villeicht ein ander mal
 offenbaren vnd an tag bringen / so mich der Herr
 darzü berüffen wirt. Im seye eer in die ewigkeit.

S. Francisci Lamberti

Nach dem ich das aber geschribē/ vnd ein an-
laß auß dem / das ich anderen vorlisen / genömen
hatt (daß du weißt daß ich der Apostel Geschichte
auslegen) ist mir eyngesfallen die lobwürdig ge-
heimniß der vristende vnsers Herren Jesu Chris-
ti / in deren gemeldet wirt / dz er von den Aposto-
len in himmel aufgenommen seye. Vñ als sy vermein-
tend / sy würdind in vülleichter nachmalen sähen/
vnd sich deßhalber an dem ort / von dem er aufge-
farē woz / saumptend / habind die engel gesprochen /
Er werde auß den himlen auff die form vñ weyß
zū vrtail kōmen / nach derē er vor in die himel auf-
gefahren seye / damit sy freylich nit wartetind daß
er vorhin wider kōmen wurde. Demnach dz der
Herr selbs gleych dises von jm selbs etwan dick
heiter vnd klarlichen vorge sagt hatt / vnd er auch
beym vatter in den himlen vnser fürsprach vnnd
mittler seye. Zū dem das er sey d̄ gwaltig mann /
der in ein verr land gereiset ist / damit so er das
Keych überkōmen hat / er wider zū vns kōme.
Das er auch seye der Preütigam / der hinzogen
ist daß er hochzeyt halte / vnnd dem / so er wider-
keert / die Jungkfrauwen entgegen lauffen wer-
dind. Zū disem dienet auch das er verboten hat /
wir sollind denen in keinen weg glauben die da
leerend / daß er vor seiner heiteren vñ sichtbaren
zükunfft auff erden (on alle zweyfel nach seiner
menschheit) erfunden werde: vnnd bezeüiget sich
offentlich / sein widerfart werde allen mensche als
bekannt werden / als der scheynbar blitzg. Dife
vnd

vnd andere dergleychē ort sind mir eyngesfallen/
auß denen ganz klar vnd heiter am tag ligt/das
er nach seiner menschheit niemen auff erden ist.

Darumb so er eintweders allenthalben / oder
yetz im Nachmal ist/ warumb wöllend wir dan
denen nit glaubē/die da sprechend/er ist hie/oder
dort: Dann eintweders so ist er warlich an jm
selbs/so verr vñ er ein mensch ist / anderswo dan
im himmel/oder er ist nit. Wenn ers nit ist/ wie
druffend wir dann leeren / das er also da seye im
Brot vñ im tranck/ oder das er allenthalben seye?
Wenn ers aber ist / warumb sind wir nit mit des
nen zü Friden/die sprechend/ man solle in hie oder
dort suchen? oder warumb wöllend wir nit hie/
oder dort zü jm hinauß gon? Ich weiß wol auff
was weyß vñnd wäg/etliche dise ort der gschrifft
auslegēd/ oder was sy. gwonlich für antwort ge
bend. Wir bringind aber für auslegungen was
wir wöllind / so bleybt doch die red steiff vñ stät/
die der Herr Christus vñ jm selbs bezeuget hat:
Glaubend denen nit die da sprechend / er ist hie/
oder dort: Dan wie der blitzg/c. Welches gleych
ist als ob er gsprochē hette / Nach dem ich vñ den
todten auferston wird / vñnd hinauffaren in den
himel/wen/ eedañ ich kōmen wird zü vteil/ etwā
ein falscher Prophet zü euch sprechen wurde / ich
wäre auff erden etwan an einem ort/so glaubēd
jm nit. Dann ich wird nit also kōmen / das es nit
bald dem ganzen umbkreis kundbar werde.
Dann wie der blitzig so er zwoyzeret / geleych

S. Francisci Lamberti

allenthalben ein scheyn gibt / also wirt auch mein zukunfft nit mögen verborzen bleyben / sonder sy wirt allen menschen in dem ganzē umbkreiß der wält fundtbar werden.

Darauß mag man heyster ersähen / daß vnser Herz Christus Jesus nach seiner menschheit / nit / dann öffentlich / in die wält kōmen wirt / vnd das wirt seyn an dem leisten gericht. In das brot aber kumpt er nit also / vnd derhalben so kumpt er auch nit daryn (dieweyl er allein heiter vñ scheynbarlich nach dem fleisch wider kōmen wirt) vnd ist auch nit bey dem selbigē brot: dann er spricht / er wärde hie oder dōrt auff erden gar nit erfunden werden. Zū dem so ist er nit auß dem verren land wid kōmen / in dem er den sitz / das ist / das reyck überkōmen hat: er ist auch noch nit widerkeert von dem hochzeit. Warum sagend wir dan daß er widerkeert seye / oder nit hinweg gangen / oder daß er allenthalben seye? Ist er nit hinweg gangen / so wirt er nit widerkeere. Oder er ist vil leicht nit warlich hinweg gangen / vnd wirdt nit warlich widerum̄ zū vns kōmen / sonder allein vnder einem scheyn wie ein gspenst. Warumb habend vns dan die Euangelisten betrogen? Dan wir sind warlichen von jnen betrogen vnd am schnürlein herum̄ gefürt / wenn Christus nit substanzlich mit seinem warem vnd wäsenlichen leyb hinweg gangen ist / vnd widerkōmen wirdt. Wie wöllend wir dann jren gschufften glauben vnd vertrauwen? Sy aber sind warhaffte zeigē
vnd

vnd kundtschaffter Christi gewesen / vnd habend vns nit können betriegen. Es ist aber nichts / das yemäts disen gegenwurff brauche: Christus seye nach der Gottheit auß dem himmel h̄arab gestigen / vñ seye aber des orts halber nit verenderet. Der heilig geist auch seye on alle verenderüg vns der der ḡstalt der Tauben vnd s̄heürinen zungē auff Christum vñnd die Apostel hinab gestigen: vnd in dem selbigen abhin steygen werde nichts anders bezeichnet dan die sichtbar würckung in der creatur vñ geschöpfft / die sy als ein dienerin darzü gebraucht habend. Nun aber Gott ist nie keiner verenderüg vnderworffen gewesen. Num. 23. 1. Reg. 15. vnd Malach. 3. Darumb alles das in heiliger gödlicher ḡschrifft vō jm geläsen wirt / vnd auff sein fleisch / das er angenommen hat / nit mag gezogen werden / das sol gantz on alle verenderung verstandē werden. So aber etwan ein verenderung befunden wirt / so ist sy nit an Gott / sonder in seiner geschöpfft / in deren / oder durch die er würckt. Wütē / zorn / reüwē / schmerz / s̄hē / hören / reden / hinabsteygen / vnd andere dergleychen wörtli / gebörend denen zü / die wandelbarlich sind. So wir die selbigen / wie du wol weist / in der heiligen ḡschrifft findend / daß sy von dem unwandelbarlichē Gott geredt sind / söllend sy nit in jrer natürlichen eignen bedeutnuß vonn vns verstanden werden / damit wir Gott nit wandelbar machind. Aber nit also / wenn sy von der natur geredt werdend / die er von der reinen vnbes.

S. Francisci Lamberti

fleckten jungkfrauen Maria vmb vnserwillen empfangen hat/ in deren er vns/außgenommen d. e sünd/ in allwäg gleych worden ist. Wann denzmal müß man die selbigen wort/auff das aller einfaltigest/vnd nach irer natürlichen Bedeüt- nuß verston. So wir das widerspil treybed/ wer dend wir nit irrs gon? Sind wir nit weyt vö der warheit? Derhalben so ist der Herr hinweg gan gen nach dem fleisch / vnnnd wirdt widerkommen zum vteil: vnnnd ist noch nit widerkommen/er ist auch nit auff erdtrich/ nach seiner menschheit/ ob er gleych nach der Gottheit alle ding erfällt.

Ach gütiger Gott/in was grosser irthumben vn zweyfels werffend wir vns selbs / was übelts stattend wir vns selbs zu/so wir den zwäck vnnnd das fürnehmen der gschriefften nit vor vns habend / oder dem selbigen nit nachforschend? In was weyß vnd wäg köndtund vnd möchtund wir doch den aufrechten vngefelschten grund vn sers glaubens mer schwechen vnnnd verletzen? Freylich so wir verldugnend daß Christus nach seiner menschheit eyngesitet / vnd vergriffenlich an einem ort seye / vnnnd hiemit fürgebend daß er eintweders allenthalben seye / damit man doch auff die weyß vnnnd gattung glaube / daß er im Nachtmal leyblich da seye/vnd zu erhaltung des selbigen so herrliche/fürträffenliche vnnnd heitere ort der heilige gschriefft felschend / von denen wir in vergangner zeyt so lauter / heiter vnd rein ges redt vn gehandelt habend/so thünd wir nit allem
den

Den Marcionitern / sonder auch anderen schädlichen kätzeren vnd verführeren thür vnd thor auf. Es habend zwar in disem handel/ die vil minder gesündet vñ vnrecht gethō / die des Papsts Secret vnd satzungen angenommen habend. Dann sy sind diser meinūg/ d̄z Christus/ so die Maß gehalten wirt/ durch ein verborgē miracel vñ wunderzeichē/ auß den himlen in das Nachtmal hars ab steyger: in dem sy zwar verführt sind: aber die recht warheit seiner menschlichen natur/ vñ dass er warlich in die himel aufgefaren seye/ das bekennend vnd verjähend sy standmütiglich. Sy gesbend auch der Göttlichen natur zū, was mā iren nach vermūg der heyligen geschrifften zūgeben sol. Wir aber irrend in disem gar trāffenlich weye von der warheit/ vnd das in vil weyß vnd wāg. Vnd zū erhaltung des selbigen verwirrend wir gar vil ort der gschriffte/ vnd zwingend sy in einen verstand vnd meinung der gar darwider ist / vñ sind freylich in disem stuck schwarlicher vñnd schandlicher verführt / weder die Papiisten selbs/ also d̄z es nū nit gegē einanderē zū verglychē ist.

O wee vns/ was wil doch zelest darauff werden: wir habend das hochfertig / truglich vnd abergläubig Babylonisch volck/ mit dē wort Gottes (dem alle eer billich sol zūgemāssen werden) überwunden / vñnd lassend yetz die greüwlichen scheützlichē vñ schädlichē irrthum über vns herr werden. Wir sind zeügen der ewigen warheit gewesen: wölld wir auch der lugs zeügnuß gebē?

S. Francisci Lamberti

Wir die da Bezeitigt habend nach innhalt der geschriefften / daß Christus in allen dingen / außgenommen die sünd / vns gleych seye / wöllend wir yetz wid die gschriefft seinethalber ein anders leeren? Das seye verr. Sonder wir wöllend vil mer in der warheit beston vnd beleyben / vnd zü dem selbigen seine geheimnussen mit höchstem fleiß erduren vñ ergründen. Vnd so wir ersähend dz wir von der selbigen in einichem stuck abgeträteten sind / Wöllend wir von stund vñnd stet widerumb zü iren keeren. Dann es wirdt vns kein schand seyn / wenn wir vnserer meinung in sömlichem enderend / sonder es wirdt vns bey Gott dem Herren für ein rüm vnd eer gerechnet werden. Wannenhär hat auch Paulus einen grösseren rüm erlangt / weder eben auß dem / das er auß einem veruolger der warheit / zü einem prediger vñnd außkündter der selbigen worden ist? Dann es ist ein grosser rüm / sich der warheit vñnderworffen machen.

Lieber warumb fürend wir aber doch so ein strengen ernstlichen kampff / von wägen seiner leyblichen gegenwirtigkeit? Ist vns das nit überauß gnüg / daß er mit seiner hilff vñnd krafft vns beystadt / vñ nach seiner Göttliche substantz vñ wäsen allwägen bey vns ist? Zü dem so ist es vns vil wäger / er seye yetz mit seinem geist bey vns weder mit seinem leyb / damit er in den himlen bey dem vatter vnser fürspräch vñnd mittler seye / vnd daß er vns den heiligē geyst sende / wie

er dann zu den Apostlen geredt hat: Es ist eüch nutz daß ich hingange. Dann so ich nit hinweg gon/16. Joan. 16. Vnnd daß wir in nit im fleisch/sonder im geist berürend. Darum hat er auch nit von Maria wöllen im fleisch berürt werde/ aber also im geist / nach dem er in die hümel aufgestigen was. Sannenhär hat er zu jren gesprochen/ Joan. 20. Berür mich nit / dann ich bin noch nit aufgestigen zu meinem vatter: sam er gesprochen hett: Ich wil nit daß du nach anmütigkeit des geists den du zu mir hast/ mich mit dem leyb berürst. So ich aber in die himmel hinaufsteygen wird / deñ wirst du mich mit dem geist anrüren. Vnnd zwar den jüngerem zu gütem/ damit sy etwas geistlicher würdind / ist er von jnen in den himmel hinauf genommen. Dann do ist die anmütigkeit vnd liebe / welche sy nach der menschheit zu groß zu im trügend / etwas geschweiner worden/ vnd hat die geistlich anmütigkeit zügenommen: darauß dan volget/ daß sy den/ welchen sy nach der menschheit in irem leyb aufferden gesücht hatted/ yetzdan vil reiner zu der rechten seines vatters sitzende im geist süchtend. Mit den selbigem lassend vns auch dem Paulo volgē/ vnd oberen himelischen dingen nachforschen / da Christus ist / vnd zu der gerechten Gottes sitzt/ vnd des gesinnet seyn das daobē ist/ nit des das aufferden ist. Dann er ist da: umb in die hümel hinaufgestigen / daß wir in / so vil er ein mensch

S. Francisci Lamberti

ist/an keinem ort auff erden süchind / sunder im
himmel/ da er regiert. Vnd söllend aber hie zwü-
schend keinen zweyfel haben / daß er mit sei-
ner krafft nach seinem göttlichen wäsen gegen-
würtig bey vns seye.

Ich hab villeicht/günstiger lieber freünd/mer
wort im schreyben gebraucht/weder ich anfangs
diß Sendbrieffs willens was: aber der handel
selbs hat mich darzü gebracht. Ich bin dir nach
deinem begären zewillen wordē. Du aber liß es
yetz fleysiglich / erwigs vnnd vtheils. Doch ist
das mein begär / daß du nit allein auff die wort
aufmerckst / sonder auff den handel selbs / wels-
chen dir ein vnberedter stagglender mensch / wie
er in empfangen / beschriben hat. Es ist mein
höchst begär/ daß wir einträchtig werdind / auff
das hiemit den kirchen vñ gemeinden Gottes de-
ster baß geholffen vnnd geradten werde. So du
hinfür weyter meinen wirst / daß Christus nach
seiner menschlichen natur gegenwürtig in dem
eerwürdigen Nachtmal seye / wil ich dich vmb
deß selbigen willē nit hassen / sonder für ein büs-
der erkennen vnd halten: auß der vsach / daß ich
vermeinen / der schräcken deiner conscientz habe
dich darzü bracht / daß du der meinung sey gist/
diweyl dir anders noch nit geoffenbaret ist: wie-
wol es an dir / einem sömlichen thüren mann ein
grössere schwachheit ist/weder ich wölte. So du
aber hiezwüschend auch meinethalb also gesinnet
bist/

Bist/ wil ichs zulassen/ vnnnd ein güt vertrauwen
zum Herren haben / es werde darzü kōmen daß
auch du der tagen einest / die warheit eigentlich
erkennist.

Lieber lassend vns einanderen lieb haben. Wa-
rum habend sy auch nach leistunghaltne Syno-
do so gar kein rechnung der einigkeit vnd deß fri-
dens gehebt/ daß sy vns/ als die der vngerechtig-
keit vñ Bosheit eigen sey gind (welches zwar jñe
nit zugestanden ist) vor der gantzē gmeind dem
Teufel geben habend / vnnnd wöllend vns nit für
Brüder haben? Ich wil disen meinen glauben vor
der gantzen wält bezeuget haben / daß ich nam-
lich so gar gewuß seye / daß die menschlich sub-
stanz Christi an jren selbs / weder im Nachtmal/
noch anderßwo auff erden seye / sonder allein im
himel: vñ dz die wort deß Nachtmals figurlicher
weyß geredt sey gind/ also/ daß ich das widerspil
nit leerē kōndte od möchte/ ich wölte danñ handlen
wid das gwuß wort Gottes/ vñ auch wid mein
versicherte gewüßne. Ich merck vnd verston auch
auß gleycher gewüßheit/ versicherūg vñ augē-
scheynlicher klarheit/ daß ich/ als ich einer anderē
meinūg was/ in disem stuck betrogē vnd verfürt
bin. Es sind auch andere stuck on yetz gemelte/ in
denē ich nie vnd schribē hab / noch weyter vnder-
schreybē wird/ darūm dz ich auß Göttliche wort
gētzlich beredt bin/ sy stimmind gätz nit mit d war-
heit: auß denen dise dreü stuck sind / die hinnach

S. Francisci Lamberti

gesagt werdend / vnnnd deren ich in vorgehenden wortē maldung gethon hab. Das erste/ dz Christus/ so vil vnd er ein mensch ist/ weder yetz seye/ noch ye gewesen seye wäsenlich gegenwirtig an einem ort/ vn̄ daß er hiemit allenthalben seye wie sein Gd̄tliches wäsen. Das ander/ daß in der geschriffte / der himel welcher ob vns ist/ vnder dem wdr̄tlin Himmel nit verstanden werde / vnd daß Christus nach seiner menschheit in den selbigen nit aufgestigen seye. Das dritte/ daß Christus so veer er ein mensch ist/ in dem selbigen himmel nit sitze zū der gerechten seines aller höchsten vatters/ sonder daß die selbig gerechte hand / zū deren man sagt daß er sitze/ allenthalben seye. Das vierdre wil ich darzū thūn / namlich dz man den ban oder das außschliessen in den kirchē nit aufrichten solle/ darumb daß es (besich die gottles sterlich red) für ein tyranny möge gehalten werden. Von diesem handel wil ich on das / das ich in etlichen anderen Büchereu gemaldet hab / mit der hilff Gottes / so vil die not erfordert/ zū seinen zeyten schreyben vnd handeln.

Wir soltend zwar/ geliebter Brüder / von sōmlichen dingen zehandlen vnnnd zū reden offtmals zūsamen kōmen/ damit wir einmündigklich Christum vnd sein geheimnussen die glōubigen so sy zūsamen kōmend leertind / damit eintrachtigkeit vnd friden vnd iuen geauffnet vnd erhalten wurde. Dann was wöllend wir doch sunst für ein
hoffo

hoffnung habe? Halt fleysſſig darob dz man heilige zuſamē kōmnuffen halte. Vñ wāre mein rath/ daß das ſelbig zu yeder wochen zwey mal / oder doch zum minſten ein mal geſchāhe. Vñnd ſo yeman wāre der diſe heilig ordnung ſchmāhen vñ verwirren wōlte / daß der ſelbig als ein vnwirdiger deß Brūderlichen nammens vñnd beywoonung / auß irer verſammlung verſtoffen wurde. Ich reden yetz von dem zuſamen kōmmen der dieneren / nit von der verſammlung der kirchen/ die aber auch zu kōmlicher zeyt ſol verſamlet werden. So wir doch begārend dz etwas nach dem fürſchreyben deß götlichen worts in den kirchen widerumb aufzucht / vñnd erneüweret werde / müſſend die diener deß worts in allen ſtetten offermals zuſamen kōmmen / vñnd die ſelbigen müſſend in der verſammlung etwan dick zu inen nemmen/ die ſich vnder den Herren Jeſum Chriſtum habend verſchreyben laſſen. Sy müſſend auch zu dem ſelbigen die kirchen vnd gemeinden aller herrſchafften zu inen nemmen/ vñnd doch zum minſten deß jars ein mal.

Ich mein Brūder / wenn wirt vns yemer das glück verlangen/ daß wir ſāhind vnſere kirchen in dem Götlichen wort wol vñnd recht vnderrichtet ſeyn? Dann was kleiner ſtucken ſind doch in allen herrſchafften die der kirchen Chriſti gemäß ſeygind / außgenommen allein das auſſer wort Gottes? Wir habend vil ding gſchliffen vñ

S. Francisci Lamberti.

abgebrochen: was habend wir aber an des selbigen statt wider aufgebawen: Es ist der Papsst zu Rom mit seinen verbutzten Fürsten gar naach entsetzt vnd verstoffen. Die Klöster der verderblichen secten vnd orden sind geschlossen. Die schädlichen Ceremonien vnnnd kirchens breiuch / die dem wort Gottes widersträbed / sind abgethon. Darinn ist wol gehandelt / aber nit genügsam. Wo ist der rechte eynsatz des heiligen Nachimals des Herren: Wo ist der Bann / welcher allen kirchen höchlichen von nöten ist: Wölend wir mit denen lesterlichs redē / die wider die heiteren sprüch der heiligen gschriff den gemelten Bann thätlichen verwerffend / vnd in / wie oberührt ist / etwas anbildung einer tyranney sein bezeitigend: Das seye veer. Wo ist auch die frey gemeinschaft der dingen / welche verschaffet / dz der reychen überflaß mit frölichem vnd gütwilligem mitteilen der armüt der dürfftigen helfe: Wir habend stöck zu dem allmüsen an vilen ouen aufgericht / sy aber gebend zeitignuß / das die liebe in vilen menschen erkaltet ist. Darzu auch in dem ampt vnd dienst der selbigen / weiß ich wol dz du vil mangels hast: welchen dienst / damit er nit aufgericht vnnnd geordnet werde wie er sol / das verhinderend auch die / welche die ersten soltend daran seyn. Vnnnd wie sind die / (O gütiger Gott) die in vilen kirchen zu vorsten deren gesezt sind: Wölte Gott daß keine wärint die

Die jren eignen nutz süchtind / sunder was des
Herren Jesu Christi vnd der kirchen ist.

Hierhär dienet / das der fürst vil stuck aufs
gesetzt vnnnd geordnet hat / sy werdend aber gar
nach / alle nach vñ nach verworffen. Dis ist aber
kein wunder / dieweyl deren vil sind / die auch die
gebott Gottes verwerffend / vnnnd sein Euang
gelium allein zulassend zu einem anlaß die glüß
jres fleischs zu erfüllen. O wie sind wir noch
so veer von denen stucken / die vns Christus
vorgeschriben hat / vnnnd mit seinem vnnnd seiner
Apostlen exempel vnnnd beyspil zethin befolgs
hen? Wie vil sind deren die sich Christen seyn
rühend / welche du mit mir beweintist? Die
nit kinder Gottes / sunder der wält sind / böß
ser sitten / betrieger / gar begirig zergenglic
cher dingen / vnnnd vnversetigs geyts / one als
le liebe / die keinen pündt nit haltend / leste
rer / die offentlich der trunckenheit vnnnd frässe
rey ergeben sind / die den alten kein eer bewey
send / vatter vnd müter vngehorsam sind / vnley
denlicher stoltze vnnnd hoffart / gar vnmaßig /
truglich / falsch leüt die jre Brüder hind das liecht
fürend / übelreder / bey denen gar kein erbarkeit
noch Gottesfocht ist / sunder allein süchend was
glüt vñ fleisch gern hat / die nit hädliche kriegs
knecht Christi sind / nit gerecht / nit heilig / nit vn
schuldig / die nit erkennend noch ermæssend daß sy
hie in disem läbē sind als frömbdling / vñ nit bey

S. Francisci Lamberti.

Dem Herren: sunder sy meinend sy habind hie ein bleybliche statt / vnnnd fragend der künfftigen gantz vnd gar nichts nach. Hiemit aber wo ist einer vnder jnen / der nit wölle für ein B: D oder Christ gehalten werden: Lieber was kan doch der kirchen Christi schädlicher seyn: Die wölff vermischend sich vnder die lämblin: aber also / dz die wölff wölff Beleybend. So doch die wölff in den graßreychen weiden Gottes sich mit den lämblin nit weidend. Vnnnd warumb werdend aber die / die in der wildē wolffs art bleybend vñ verharrend / von den lämblin nit überwunden vnd vndergethon: Warumb lassend wir zü vnd gestattē das Belials kind vnder deß aller höchstē kinder gezelt werdend: Warumb lassend wir die zü Christi tisch / die sich stāts Bey der teuffelisch speysend vñ weidend: Dan es mag nit seyn dz yemants zmal deß tischs Gottes vnd der teuffelisch teilhafftig vnd gnoß werde. Welicher wölte nun erzellen wie vil vnd was grosser üblen / auch was grosser verderbnussen allenthalben auß schandlichen falschen Brüderē erwachsend: Es wurde zwar ein groß völig büch werden / wen ich von allem dem schreyben wölte / das mir diser stucken halber eyngesfallen ist.

Warumb so lassend vns standmütiglich / als ein ehrene maur / stellen für das heilig haus deß höchsten Gottes vnnnd seiner heiligen statt. Was daran nidergesfallen ist / das lassend vns daran
mit

mit wachen vnnnd höchstem ernst widerumb besere-
 ren / vnnnd was weyter zebauwen ist / auf bau-
 wen / daß wir fürhin bey den außländischen nit
 also geschmächet vnnnd geleseret werdind. Für
 war erkennen daß in Hessen eintweders etwas
 erneüweret oder aufgebauwen sey / das ist mir
 ein arbeit vnnnd beschwärd. Wir söllend nit meis-
 nen daß noch etwas gehandelt sey / wo wir nit
 weyter fürfarend. Verflücht seye der / welicher
 mit den hendlen Gottes liederlich vnd vntrectw-
 lich vmbgadt / Jerem. 48.

Dieweyl ich aber / aller geliebster freünd / diß
 mein schreyben enden wil / erman ich dich im
 Herren / vnd bezeitigen dich auff das aller trun-
 genlichest bey allem dem das da heilig ist / du
 wöllist nach de vnd du von dem Herren empfan-
 gen hast / mit vns alle sorg anwenden / daß die
 irrthumen / deren ich zu vor gedacht hab / vnder-
 truckt werdind / dieweyl kaum etwas schwärers
 vnnnd überlestigers / weder sy sind / mag erfuns-
 den werden. Ich verston aber die vier stuck / mit
 denen gar vil geheimnussen Christi vnnnd seiner
 kirchen verdüncklet / betrübt vnd verwirrt wer-
 dend. Es ist freylich ein gottloß schandtlich stuck /
 eintweders leeren / oder durch die finger / denen
 die es leerend / zu sähen / daß Christus nach der
 menschheit alle ding erfülle / vnnnd das er nie-
 men vergrifflich an einem ort gewesen sey / oder
 noch seye / daß er auch nit wärllich in die hims

S. Francisci Lamberti

mel aufgefaren sey / welche himmel ob vns sind/
vnnnd in den selbigen sitze zü der gerechten deß
Vatters : vnnnd also von allen anderen dergley-
chen stucken. Es ist auch gleych als ein schandt-
lich gottloß stuck / der heiligen eynsatz der gemein
schafft vñ deß bañs schmähen vnnnd lesteren: dies
weyl am tag ligt / daß der Herr Christus gewel-
len hat daß der selbig in allen kirchen auff das
aller fleysfigest gehalten wurde.

Vnnnd so man nach gstatt der sach vrtailen sol/
vnnnd etlich also fürfarend / kan ich mir selbs
nichts gwüßers verheissen / dann es werde dar-
zü kommen / daß vil ein schädlichere ergernuß
vnd schwärere verwirrung in die kirchen Got-
tes komme / weder wir keine zü vnseren tagen
nie gesehen habend. Das selbig wölle der aller
gütigest Gott / vñ der aller weyfest Künig vnser
Herr Jesus Christus auß seiner gnad fürkom-
men vnd abwenden / Amen.

So vil vnnnd aber mich antrifft / mag ich die
meinung / von deren ich abgeträtten bin / vnnnd
deß ich mich im Herren fröwē / an denen / wel-
chen nichts anders geoffenbaret ist / noch mas-
len dulden vnd leyden. Aber die verflücht meis-
nung / die Christum nach seiner menschheit be-
trifft / durch die garnach allen denen dingen
die Christus im fleisch für vns gehandelt hat /
ein abbruch geschicht / die wil ich allweg ver-
werffen vnnnd schelten / vnnnd das wider spil mit
ernsts

ernstlichem anhalten auß dem wort Gottes Bee-
zeitigen vnnnd befestigen. Dann diser irrthumb
ist ein sheitir / das alle ding verzeert vñ verderbt.
Darumb sollend wir in keinen weg abston / bis
es gar erlöschten ist. Gnad vnd frid vnseres Her-
ren Jesu Christi / vnd die mittheilung seines
heiligen geists / die sey gind mit
deinem geist / Amen.

**Das diese columnen mit lâr wâren/
sind diese wort S. Augustini
ex Tract. 50. hiehar gesetzt.**

Die armen habt jr alle zeyt bey euch / mich
aber nicht.) Der Herr redt von der gegenwürtigkeit seines leybs. Dann nach seiner maiestat / nach der vor:sâhung / nach der vnaußsprâchlichen vnd vnsichtbaren gnad / wirt er fülls das von jm gsagt ist: *Sihe/ ich bin bey eüch alle tag bis zü end der wält.* Nach dem fleisch aber / welches das wort angenommen hat / nach dem er von der Jungkfrauen geboren ist / nach dem er von den Juden begriffen / vnnnd gecreütziget / vnd von dem creütz hârab genömen / in ein leyns waat gewicklet / in ein grab gelegt / vnnnd wider auferstandē ist: also wert jr mich nicht alle zyt bey eüch haben. Warumb? Darumb / daß er mit seinem leyb vierzig tag bey seinē jüngern gewâßt / welche in beleetet mit anschawwen / nit mit nachvolgen / als die in gesâhē habend auffaren in den himel: vnd ist nicht hie. Dañ da sizet er zü der rechten Gottes vatters: vnd ist auch hie. Dañ er ist nit wâggefaren nach der gegenwürtigkeit seiner maiestat.


Nach der gegenwürtigkeit der maiestat / habend wir Christum alle zeyt: nach der gegenwürtigkeit des fleischs / ist recht zü den jüngeren gesagt / *Mich aber habt jr nicht alle zeyt bey euch.*
Dañ

Dañ die kirch hat in nach des fleischs gegenwärtigkeit wenig tag gehebt: yetzt sieht sy in nicht mit den augen/begreyfft in aber mit dem glauben.

Bist du from / so bist des leybs Christi / vnnnd hast Chustum in diser vnd in yhener wält. In diser durch den glaubē: in diser durch das zeichen Christi: in diser durch die Sacrament der Tauf: in diser durch die speyß vñ tranck des altars. Du hast Chustum hie / aber du wirst in auch alle zeyt haben. Dann wen du gestorben bist / wirst du zu dem kōmen / der zu dem Nid:der gesage hat: Heüt wirst du mit mir im paradyß seyn. Lābst du aber nicht recht / so hast du Chüstū hie. Dann du geest in die kirch / du verzeichnest dich mit dem zeichē Christi: du lasset dich tauffen mit der Tauff Christi: du vermengest dich vnder die glider Christi: du geest hinczu zu dem altar Christi/vnnnd hast hie Chustum: so du aber nicht wol vñ recht lābst / wirst du Chüstū mit alle zeyt habē.

Tract. 69. Der des Herren Brot isset / daß er in trätte mit den füßen / namlich Judas / der ist nicht der Apostlen. Die Apostel essend dan Brot den Herren: Judas isset des Herren Brot / wider den Herren. Die Apostel äßend das leben: Judas isset die straaff. Dann welcher vnwürdig isset / spricht der Apostel / der isset im selber das gericht/26.

Faint, illegible text, possibly bleed-through from the reverse side of the page. The text is arranged in approximately 20 horizontal lines across the upper and middle portions of the page.



3 P 1002

